

لِنْجِيلُ نُ يُوحنَّا

1

إِفْرِ إِزْوَارْنْ

^١ لِيغْ أُورْتَا إِلَى أُمِيَا إِلَّا يَادْ وَوَالْ أَنْ، أَوَالْ أَنْ إِلَّا دَرْبِي، أَوَالْ أَنْ أَيْكَانْ رَبْيِي. ^٢ لِيغْ أُورْتَا إِلَى أُمِيَا إِلَّا نَتَانْ دَرْبِي. ^٣ نَتَانْ أَسْ إِلَّا كُرَا إِلَانْ، أُورْ تُلِيَ كُرَا نْ تُغُوسَا لِي إِتِيُوكْلَاقْنْ بَلَانْسْ. ^٤ نَتَانْ أَغْ تَلَّا تُودِرْتْ، تُودِرْتْ أَدْ تَكَأْ تِقاوْتْ إِمْدَنْ. ^٥ تِقاوْتْ أَنْ أَرْ تُسُوفُو غْ تِلَاسْ، وَلَائِنِي تِلَاسْ أُورَاسْ سُوكْرُنْتْ يَاتْ.

^٦ إِكَتِينْ يَانْ أُرْكَازْ يُوزْتِنِيدْ رَبْيِي، إِكَأْ سْ إِسْمْ يُوحنَّا. ^٧ نَتَانْ يُوشْكَادْ أَيْكِي أَرْ يِكَا تُوكَأْ فْ تِقاوْتْ أَنْ، فْ أَكْلُو أَمْنْ مَدْنْ فْ أُفُوسْ نَسْ. ^٨ أُورْدْ نَتَانْ أَيْكَانْ تِقاوْتْ أَنْ، وَلَائِنِي أَيْكَا دَإِنِكِي فْ تِقاوْتْ أَنْ. ^٩ تِقاوْتْ أَنْ أَيْكَانْ تِقاوْتْ إِحْقَاقْنْ لِيدْ يُوشْكَانْ سْ دُونِيتْ، أَكْلُو تُسُوفُو إِكْرِيَيْكَاتْ أَفْكَانْ. ^{١٠} إِكَتِينْ غْ دُونِيتْ، نَتَانْ أَسْ تَلَّا دُونِيتْ، مَشْ أُورْتْ أَكْزَنْ أَيْتْ دُونِيتْ. ^{١١} أَيْدَارْسْ أَمِيدْ يُوشْكَا، وَلَائِنِي أَيْدَارْسْ أَكِينْتْ. ^{١٢} أَمَا وَلَيِ سِرْسْ سُمْرِحْبِينْ أَنْ إِكَانْ دَولِي سِرْسْ أَمْنِينْ، إِفْكِي أَيْسِنْ لَادْنْ أَدْ كَنْ تَرْوَانْ رَبْيِي. ^{١٣} تَلَالِيتْ نَسْنْ أُورْدْ تُكِي دَارْ أَفْكَانْ أَلَا شَهْوَانْ كُرَا نْ دَاتْ وَلَائِنِي رَبْيِي أَنْ إِكَانْ تَرْوَانْسْ.

^{١٤} أَوَالْ أَنْ إِكَأْ أَفْكَانْ إِزْدَغْ غْ كَرَاتِنْخْ، نَكِنِي نَثْرَأْ لَمْجَذْ نَسْ، لَمْجَذْ نْ وَرَأَوْ لِي يِكَانْ يَانْ دَارْ بَابَاسْ إِعْمَرْ سْ نَعْمَتْ دَلْحَقْ. ^{١٥} يُوحنَّا إِفْكَا فِلَاسْ تُوكَأْ أَرْ إِنْبِرَاحْ أَرْ إِنْتِي: «غُواَدْ أَيْكَانْ وَلَيِ سَلَوْنْ نِيغْ رَأِيِيدْ إِصْفُورْ إِكْ وَلَيِي يُوكْرُنْ، أَشْكُو نَتَانْ إِلَّا يَادْ أُورْتَا لِيغْ نَكِينْ». ^{١٦} تُوكَتْ نْ نَعْمَتْ نَسْ أَغْ كُلُو نُوسِي لِبِرَكَاتْ فْ تِيَاضْ. ^{١٧} أَشْكُو شَرْغْ يُوتِيدْ مُوسَى، وَلَائِنِي نَعْمَتْ دَلْحَقْ يَسُوعْ لَمَسِيحْ أَتَنْدْ يَوِينْ. ^{١٨} رَبْيِي أُورْ جُونْتْ إِزْرِي يَانْ. وَلَائِنِي أَرَأَوْ نَسْ لِي يِكَانْ يَانِ يِلِي بَدَّا دَارْ بَابَاسْ نَتَانْ أَيْفَكَانْ لَاخْبَارْ نَسْ.

^{١٩} خُتِيدْ أَيْكَانْ تُوكَأْ نْ يُوحنَّا، لِيغْ سِرْسْ أَوْزَنْ أَدَايِنْ غْ أُورُشِلِيمْ كُرَا نْ إِنْبِدَادْ دَلَّوَبِينْ، نَانْ أَسْ: «مَاتِنِكِيتْ؟» ^{٢٠} إِقْبِلْ يُوحنَّا أَيْسِنْ إِوَاجْبْ أُورْ فِلَاسْ إِسْتَنْلِ يَاتْ، إِنَّا يِسِنْ: «هَانْ أُورْدْ نَكِينْ أَيْكَانْ لَمَسِيحْ». ^{٢١} سَقَسَانْتْ نَانْ أَسْ: «مَازَّا تُكِيتْ؟ إِزْدْ نَبِي إِيلِيَا؟» إِنَّا يِسِنْ: «أُورْدْ نَكِينْ أَتَ إِكَانْ». نَانْ أَسْ: «إِزْدْ كِينْ أَيْكَانْ نَبِي لِي؟» إِنَّا يِسِنْ: «أُورْتْ كِيغْ». ^{٢٢} نَانْ أَسْ: «مَازَّا تُكِيتْ أَنْرَارْ لُوْجَابْ إِولِي يَاخْدْ أَوْزِنِينْ؟ مَادْ تِنِيتْ فْ إِحْفْ نَكْ؟» ^{٢٣} إِنَّا يِسِنْ: «نَكِي كِيغْ غَمْكَلِي سْ إِنَّا نَبِي إِشَعِيَا: لَبِرِيغْ نْ يَانْ أَبِرَاحْ غْ لَخْلَأْ أَرْ إِنْتِي: سَنْمَاتْ أَغَرَاسْ إِسِيدِيَتْنَخْ». ^{٢٤} كُرَا غْ إِرْقَاصْنْ أَنْ كَانْ غْ لَفَرِيسيِينْ، ^{٢٥} سَقَسَانْتْ نَانْ أَسْ: «مَاخْ زَا أَلِيغْ أَتَعْمَادْتْ إِغْ أُورْ تُكِيتْ لَمَسِيحْ أَلَا تُكِيتْ إِيلِيَا أَلَا تُكِيتْ نَبِي لِي؟» ^{٢٦} إِوَاجْبْ يُوحنَّا إِنَّا يِسِنْ: «نَكِينْ أَرْكُنْ

تَعْمَادْخُ سْ وَمَانْ، وَلَايْنِي إِلَّا يَانْ غْ كَرْتُونْ كَنِي أُورْتْ تُوكْزْمْ. ²⁷ نَتَانْ أَيْكَانْ وَلَيْ رَائِبِيدْ إِضْفُورْ، يُوكِريْ، وَلَيْ سْ أُورْ سَتَهْلَاخْ أَدْ فَسِيخْ إِفَلَانْ نْ تُورْزِيَنْ نَسْ». ²⁸ كُلُو مِيادْ إِجْرَا غْ بَيْتْ عَبْرَا، غْ أَكْمَاضْ أَنْ نْ وَسِيفْ نْ لُرْدُنْ، غَلِيغْ أَيْتَعْمَادْ يُوهَنَا.

²⁹ لَيْدَ أَزْكَأَ أَرْ إِتَنَايِ يُوهَنَا يَسُوعْ يُوشْكَادْ سْ دَارْسْ، إِسَاوْلِ يَنِي: «هَانَ الْقَاعْنْ رَبِّي لَيْ رَأِيْتِي دَنُوبْ نْ مَدَنْ! ³⁰ غُوَادْ أَفْ سَاوْلَخْ لَيْغْ أَوْنِ نِيَخْ: رَائِبِيدْ إِضْفُورْ يَانْ أَرْكَازْ يُوكِريْ، أَشْكُو إِلَّا يَادْ نَتَانْ أُورْتَانْ يَاكَ لَيْخْ نَكِيْ. ³¹ نَكِينْ أُورْتَنِنْ كِيَخْ سَنْخَتْ، وَلَايْنِي أَشْكِيَخْ أَرْ تَعْمَادْخُ سْ وَمَانْ فَادْ إِيَانِنْ إِيَيْتِ إِسْرَائِيلْ». ³² إِفَاكْ يُوهَنَا تُوكَأَ أَدْ أَرْ إِتَنِي: «ثَرِيَخْ رُوحْ إِكُوزْدْ غْ إِكْنُوانْ زُونْدْ أَتَبِيرْ إِتَرْسْ فَلَاسْ». ³³ نَكِينْ أُورْتَنِنْ كِيَخْ سَنْخَتْ، وَلَايْنِي وَلَيْبِيدْ يُوزَنْ أَدْ تَعْمَادْخُ سْ وَمَانْ نَتَانْ أَيِّ إِنَانْ: وَنَا فَتُتَرْيِتْ رُوحْ إِكُوزْدْ إِتَرْسْ فَلَاسْ، نَتَانْ أَيْكَانْ وَلَيْ رَائِتَعْمَادْ سْ رُوحْ لَقْدُسْ. ³⁴ نَكِيْ هَيِّ ثَرِيَخْ مِيادْ فَكْخْ تُوكَأَ إِزْدْ نَتَانْ أَيْكَانْ يُوسْنْ رَبِّي». ³⁵ لَيْدَ أَزْكَأَ إِبْدَ دَاخْ يُوهَنَا نَتَانْ دْ سِينْ إِمْحَضَارْنْ نَسْ غَيْنِ، ³⁶ أَرْنِ إِتَمْنَادْ يَسُوعْ أَرْدْ إِرْكِيزْ، إِنَّايسِنْ: «هَانَ الْقَاعْنْ رَبِّي!» ³⁷ سَفَلْدَنْ سِينْ إِمْحَضَارْنْ لَيِّ إِوَالْ نَسْ دُونْ ضَفُورْنْ يَسُوعْ. ³⁸ إِكْلِبِنْ يَسُوعْ إِزْرَتْنْ ضَفُورْنْتْ إِنَّايسِنْ: «مَاتِسِكِيلْمْ؟» نَانْ أَسْ: «رَائِبِي»، إِكْ لَمْعَنَا نَسْ أَسِيدِي، «مَنِيَغْ أَتَلِيتْ؟» ³⁹ إِنَّايسِنْ: «أَشْكَادَ أَتَرْرَمْ». مُونْ دِيدْسْ ثَرْنْ غَلِيغْ إِلَّا، زَرِينْ دِيدْسْ أَسَانْ. إِكْ لَحَالْ كَرَا نْ تَسَاعْتْ تِيسْ كُوْصَتْ غْ تَدْكَاتْ. ⁴⁰ أَنْدَرَاوُسْ لَيِّ يِكَانْ كَمَاسْ نْ سِمعَانْ بُطْرُسْ إِكَأَ نِيَتْ يَانْ غْ سِينْ إِمْحَضَارْنْ لَيِّ سَقْلَدِنِينْ إِبْوَلِيُونْ نْ يُوهَنَا نَكْرُنْ ضَفُورْنْ يَسُوعْ. ⁴¹ تِزِي يَانِ نِيَتْ أَيَّدَا أَنْدَرَاوُسْ يَافْ كَمَاسْ سِمعَانْ، إِنَّايسِنْ: «هَيَاخْ نُوفَا لَمَسِيَا»، إِكْ لَمْعَنَا نَسْ لَمَسِيَا. ⁴² يَوْتِيدْ سْ دَارْ يَسُوعْ، إِسْمُوقْلْ كِيسْ إِنَّايسِنْ: «كَيِّنْ أَيْكَانْ سِمعَانْ يُوسْنْ نْ يُونَا، وَلَايْنِي رَادَاكْ تَتِيَخْ صَفَا» إِكْ لَمْعَنَا نَسْ أَرْرُو.

⁴³ أَزْكَأَ لَيْغْ إِرَا يَسُوعْ أَيَّدُو سْ تَمَرِرتْ نْ لَجَلِيلْ، يَافِنْ فِيلِبِسْ إِنَّايسِنْ: «ضَفُورِي». ⁴⁴ فِيلِبِسْ نَتَانْ إِكَا أَبِيَتْ صَيَّدَا، تَمَدِنْتْ لَيْغْ نِيَتْ إِزْدَغْ أَنْدَرَاوُسْ دْ بُطْرُسْ. ⁴⁵ لَيْغْ إِنْمُكُورْ فِيلِبِسْ دْ نَثَانِيلْ، إِنَّايسِنْ: «نُوفَا وَلَيْ فْ يُورَا مُوسَى غْ شَرْعْ، أَرَانْ فَلَاسْ لَانِبِيَا غْ وَرَاتِنْ نَسْ، أَتْ إِكَانْ دْ يَسُوعْ يُوسْنْ نْ يُوسْفْ أُونَاصِرَا. ⁴⁶ إِنَّايسِنْ نَثَانِيلْ: «إِسْ إِتَمْكِنْ أَدْ إِكْ كَرَا إِعْدَلْنْ تَمَدِنْتْ نْ نَاصِرَا؟» إِنَّايسِنْ فِيلِبِسْ: «أَشْكِيدْ أَتَرْرَتْ».

⁴⁷ لَيْغَنْ إِزْرَا يَسُوعْ نَثَانِيلْ يُوشْكَادْ دَارْسْ إِنَّايسِنْ: «هَا يَانْ غْ تَرْوَا نْ إِسْرَائِيلْ إِحْقَاقْ لَيْغْ أُورْ تَلِي كَرَا نْ لَغْشْ». ⁴⁸ إِسْقَسَاتْ نَثَانِيلْ إِنَّايسِنْ: «مَمْنَكْ أَسِيْ تَسَنْتْ؟» إِوَاجِبْ دَيْسُوعْ إِنَّايسِنْ: «ثَرِيَخْكِينْ غْ دُو تَزَارْتْ أُورْ تَايِكْ إِغْرِي فِيلِبِسْ». ⁴⁹ إِنَّايسِنْ نَثَانِيلْ: «كَيِّنْ أَسِيدِي أَيْكَانْ يُوسْنْ رَبِّي! كَيِّنْ أَيْكَانْ أَكْلِيدْ نْ إِسْرَائِيلْ!». ⁵⁰ إِنَّايسِنْ يَسُوعْ: «إِزْدَلَيْغْ أَكْ كَا نِيَخْ هَيِّ ثَرِيَخْكِينْ غْ دُو تَزَارْتْ أَفْ سَرِي تُومَنْتْ؟ رَأِسُولْ تَزَرْتْ مَأْيُوكْرُنْ مِيادِ!». ⁵¹ إِنَّايسِنْ: «لَحَقْ دْ صَاحْتْ أَدَاوُنْ تَتِيَخْ: رَأِسُولْ تَزَرْمْ إِكْنُوانْ رَزْمَنْ أَرْ أَفَلَائِيتْ لَمَلَائِكَا نْ رَبِّي أَرْدْ تَكُوزْنْتْ فْ يُوسْنْ أَفْكَانْ».

إِفْرُ وِيسَ سِينٌ

¹ وِيسَ كِرَاصُ أَسَانُ، تِلَّا يَاتْ تَمْغَرَا غُ لِمُوضَعْ نْ فَنَا لَجَلِيلُ، تِلِي غِينُ مَاسُ نْ يَسُوعُ. ² يَسُوعُ دِ إِمْحَضَارُنْ نَسْ تَيْوَعْرَاصِنْ نِيتْ أَلَا نَتْتِي سْ تَمْغَرَا أَنْ. ³ إِمِيكَ سَاسِنْ إِتَّمَا شَرَابْ إِبِيْتْ تَمْغَرَا لِي، تَسَاوِلْدُ مَاسُ نْ يَسُوعُ تَنَايِسْ: «أُورْ سُولْ دَارْسِنْ إِغَما شَرَابْ». ⁴ إِنَّا يَسِينْ يَسُوعُ: «أَجَ كَا مِيَانَ أَيْمِي، لُوقَتْ إِنُورْ هَتِي أُورْتَا نَلْكَمْ». ⁵ تَسَاوِلْ إِنَّا سِينْ إِمْشَغَالْ تَنَايِسْ: «كُرَا سَاوُنْ إِنَا تَسْكُرْمَتْ». ⁶ تَأَغْدِ يَانْ سَضِيقَتْ تَخَابِتِينْ نْ وَمَانْ تَسْكُرْتْ غُ أَزْرُو لَانْتْ نِيتْ غِينَ أَرْ تَنْتْ تَكُورْنْ وُدَائِنْ سْ وَمَانْ لِي سْ أَسْغَوْسِنْ، كُرِيَّكَاتْ يَاتْ أَرْ تَسِي كُرَا نْ سَا إِكْدَارْ نْ وَمَانْ. ⁷ إِنَّا يَسِينْ يَسُوعُ إِمْشَغَالْ: «عَمَرَاتْ تَخَبِتِينْ سْ وَمَانْ». عَمَرْتَنْتَ أَرْ إِمي. ⁸ إِنَّا يَسِينْ: «غَلَادْ أَكْمَاتْ تَقْكِمِينْ إِوْمَغَارْ نْ لَفْرَحْ». أَكْمَنْ أَوِينَاسْ. ⁹ لَيْغُ إِمْضِي أَمْغَارْ نْ لَفْرَحْ أَمَانْ لِي وَضِينِينْ كَنْ شَرَابْ، أُورْ إِسِينْ مَنِيدْ إِكَا شَرَابْ أَنْ، وَلَائِيْتِي إِمْشَغَالْ لِيَتِيدْ أَكْمَنِينْ سُنْ مَنِيدْ إِكَا، إِنْكَرْ إِغْرِ إِلَمَا إِوْسِلِي، ¹⁰ إِنَّا يَسِينْ: «مَدَنْ أَرْ زَوَارْ أَكَانْ شَرَابْ لِي يَقُولُكِينْ إِيْقَبِيلِنْ أَرْدْ بَهْرَا سُونْ، فَادْ أَيْسِنْدْ فَكْنْ وَلِي أُورْ إِكِينْ يَاتْ. كِيَيْنْ تُوْجِيْنْ شَرَابْ إِفُولُكِينْ أَرْ غَلَادْ!» ¹¹ خَتَادْ أَيْكَانْ لَمْعَجِزا إِزْوَارْنْ إِسْتَ إِسْكُرْ يَسُوعُ غُ لِمُوضَعْ نْ فَانَا لَجَلِيلُ، إِسْبَايِنْدْ سَرْسْ لَمَجْدُنْ سْ، أَمْنْ سَرْسْ إِمْحَضَارُنْ نَسْ. ¹² مَادْ إِزْرِي مَيَادْ، إِكْرَدْ يَسُوعُ نَتَانْ دْ مَاسْ دْ أَيْتِمَاسْ دْ إِمْحَضَارُنْ نَسْ سْ تَمْدِنْتْ نْ كَفَرَنَاحُومْ، كِينْ گِيسْ يَانْ مَنَاؤْ أَسَانْ. ¹³ لَيْغُ إِقْرَبْ لَعِيدْ نْ نَجَا دَارْ وُدَائِنْ، إِغْلِي يَسُوعُ سْ أُورُشَلِيمْ، ¹⁴ يَافِنْ مَدَنْ غُ لَهِيَكْلُ أَرْ زَنْزَانْ إِزْكَارْنْ دْ وُلِيْ دِ إِتِيرِنْ، دْ وَلِيْ تَصْرَافِينِنْ إِقْرِيْضِنْ كَأَوْرُنْ غُ تَمَا نْ طَبَلِي نَسْنْ. ¹⁵ إِسْكُرْدْ يَانْ أَزْقَلْ غُ إِزْكَارْنْ إِسْوُفَغَتَنْدْ كُلُو غُ لَهِيَكْلُ، إِسْفَعْدْ أُولِيْ أَلَا إِزْكَارْنْ إِزْمَزْرْ إِقْرِيْضِنْ نْ إِصْرَافِنْ إِسْكُرْأَوْلْ طَبَلِي نَسْنْ، ¹⁶ إِنَّا يَسِينْ إِولِيْ زَنْزَنِينْ إِتِيرِنْ: «أَسِيَّاتْ غِيَادْ غِيدْ، أَدْ أُورْ تَسْكُرْمْ سُوقْ غُ تَكْمِي نْ بَابَا!» ¹⁷ كِتِينْدْ إِمْحَضَارُنْ نَسْ إِسْ إِتِيُورَا غُ وَرَّا نْ رَبِّيْ: «تَايِرِي نْ تَكْمِي نُكْ أَيْجَذْرَنْ أَوْلْ إِنُورْ». ¹⁸ سَاوُلْنَدْ أَدَائِنْ نَانْ أَسْ: «مَانْ تَمَتَّرْتْ أَسْ رَادْ أَخْ تَمْلَتْ إِسْ دَارِكْ لَادْنْ أَتَسْكُرْتْ مَيَادْ؟» ¹⁹ إِوْاجْدِ بِيَسُوعُ إِنَّا يَسِينْ: «خُلُويَاتْ لَهِيَكْلُ أَدْ أَتْ بُنُوخْ غُ كِرَاصُ أَسْفَاقْ». ²⁰ نَانْ أَسْ أَدَائِنْ: «سِينْ إِدَ عَشْرِينْ دْ سَضِيقَنْ نْ أُسْكَاسْ أَغْ إِتِبَنَا لَهِيَكْلُ أَدْ، تَرِيتْ كِيَيْنْ أَتْ بِنْبُوتْ غُ كِرَاصُ أَسْفَاقْ؟» ²¹ وَلَائِيْتِي نَتَانْ أَفْ إِسَاوِلْ دْ لَهِيَكْلُ نْ دَاتْ نَسْ. ²² لَيْغُدْ إِنْكَرْ يَسُوعُ غُ كَرْ وَلِيْ مُوتِينِ، كِتِينْدْ إِمْحَضَارُنْ نَسْ إِسَاسِنْ إِنَا مَيَادْ، أَمْنْ سْ وَرَّا نْ رَبِّيْ دْ وَوَالْ لِي سَاسِنْ إِنَا يَسُوعُ. ²³ لَيْغُ إِلَا يَسُوعُ غُ تَمْدِنْتْ نْ أُورُشَلِيمْ غُ لَعِيدْ نْ نَجَا، إِكْوَتْ مَاسِرْسْ يُومَنْ لَيْغُ زَرَانْ تَمَتَّرْ لِي يَسْكُرْ. ²⁴ وَلَائِيْتِي يَسُوعُ أُورْ گِيسِنْ يُومَنْ أَشْكُو إِسِنْ كَلُو مَدَنْ. ²⁵ نَتَانْ أُورْ إِحْتَجَّا مَادَاسْ يَكَانْ تُوْكَأْ فْ أَفْغَانْ، أَشْكُو نَتَانْ إِسِنْ مَيَلَانْ غُ أَوْلَوْنْ نْ مَدَنْ.

إِفْرُ وِيسْ كَرَاصْ

^١ يِلِي يَانْ أُرْكَازْ إِكَا غْ لَفَرِيسِيَنْ إِسْمُ نِسْ نِيقوْدِيمُوسْ إِكْ يَانْ غْ إِرْيَاسْنْ نْ وُدَائِنْ. ^٢ يَاشْكُدْ سْ دَارْ يَسُوعْ يَانْ ضِيَّيَضْ إِنَّايسْ: «وَا سِيدِي، نَكْنِي نِسْنْ إِزْدْ رَبِّي أَكِيدْ يُوزْنْ أَدَاخْ تَسْلَمَاتْ، أَشْكُو أُورْ إِلِي كَرَا نْ يَانْ لِي يِرْضَارْنْ أَيْسِكَرْ زُونْدْ لَمُعْجَزَاتْ أَذْ لِي تَسْكَارْتْ إِغْ دِيدْسْ أُورْ إِلِي رَبِّي». ^٣ إِوَاجِبْدْ يَسُوعْ إِنَّايسْ: «لَحَقْ دْ صَاحْتْ أَدَاكْ تِنِيخْ: أُورْ إِلِي كَرَا نْ يَانْ لِي رَا يِرْزْ تَكْلِيدِيتْ نْ إِكْنَوْانْ إِغْدْ أُورْ إِلِي الْوِلي تِيسْ سَنَاتْ تَوَالْ غْ أَفْلَا». ^٤ إِنَّايسْ نِيقوْدِيمُوسْ: «مَمْنُكْ أَسْ يُوفَا يَانْ أَذْ إِلَالْ إِغْ إِشِيبْ؟ مَاخْ إِسْ سُولْ إِرْضَارْ أَدَاخْ يَضُو تِيسْ سَنَاتْ تَوَالْ سْ أَحْلِيكْ نْ مَاسْ أَذْ دَاخْ إِلَالْ؟» ^٥ إِوَاجِبْدْ يَسُوعْ إِنَّايسْ: «لَحَقْ دْ صَاحْتْ أَذْ أَكْ تِنِيخْ: إِغْدْ أُورْ إِلُولْ كَرَا نْ يَانْ غْ وَمَانْ دْ رُوحْ أُورْ إِرْضَارْ أَيْكِشْ سْ تَكْلِيدِيتْ نْ رَبِّي». ^٦ وَنَادْ إِلُولْنْ غْ دَاتْ دَاتْ أَيْكَا، وَنَادْ إِلُولْنْ غْ رُوحْ رُوحْ أَيْكَا. ^٧ أَذْ أُورْ تَعْجَابْتْ إِغَاكْ تِنِيخْ: إِفَانْدْ أَذْ تَلَالْتْ غْ أَفْلَا. ^٨ أَصْوُ أَرْ إِصْوَاضْ سْ إِنَا يِرَا، أَرْ تَسْفَلِيتْ إِلْحَسْ نِسْ وَلَائِنِي أُورْ تَسْنَتْ مَنِيدْ إِكَا أَلَا مَنِي سْ إِدَا. غُمْكَانْ أَيْتَكَا كُولْ مَادْ إِلُولْنْ غْ رُوحْ».

^٩ إِسْقَسَاتْ نِيقوْدِيمُوسْ: «مَمْنُكْ أَسْ رَايِلِي مَيَادْ؟» ^{١٠} إِوَاجِبْدْ يَسُوعْ إِنَّايسْ: «تَكِيَتْ نِيتْ أَسْلَمَادْ نْ أَيْتْ إِسْرَائِيلْ سُولْ أُورْ تَسْنَتْ مَيَادْ! ^{١١} لَحَقْ دْ صَاحْتْ أَدَاكْ تِنِيخْ: أُورَا نِسَوَالْ أَبْلَا فْ أَيْلِي نِسْنْ، أَرْ نَكَا تُوكَا فْ أَيْلِي نِزْرَا، وَلَائِنِي كَنِي أُورْ تَقْبِلْمْ تُوكَا نَخْ. ^{١٢} إِغْ أَيُونْ سَوَالْخْ فْ لِيمُورْ نْ وَكَالْ سُولْ أُورْ تُونِمْ، مَمْنُكْ زَا أَسْ رَا تَامِنْ إِغَايِيونْ سَوَالْخْ فْ لِيمُورْ نْ إِكْنَوْانْ؟ ^{١٣} أُورْ جُونْ إِلِي مَايِغُلِينْ سْ إِكْنَوْانْ أَبْلَا وَلَيْدْ إِكْوُزْنْ غْ إِكْنَوْانْ أَتْ إِكَانْ دْ يِوسْ نْ أَفْكَانْ لِي يِلَانْ غْ إِكْنَوْانْ».

^{١٤} أَشْكُو غُمْكَلِي يُوكِلْ مُوسَى تَبْنِكَالْتْ غْ لَخْلَا أَسْدْ إِقَانْ أَيْتَكَالْ يِوسْ نْ أَفْكَانْ، ^{١٥} فَادْ أُورْ إِمَتْ كُولْ مَاسِرْسْ يُومِنْ وَلَائِنِي رَادَارْسْ تِلِي تُودْرْتْ إِدُومْنْ. ^{١٦} أَشْكُو غُونْشَكَادْ أَسْ بَهْرَا إِرَا رَبِّي أَيْتْ دُونِيتْ أَيْلِيغْ فَلَاسْنْ إِسْبِلْ يِوسْ لِي دَارْسْ إِكَانْ يَانْ، فَادْ أُورْ إِمَتْ كُولْ مَاسِرْسْ يُومِنْ، وَلَائِنِي رَا دَارْسْ تِلِي تُودْرْتْ إِدُومْنْ. ^{١٧} أَشْكُو أُورْدْ يُوزْنْ رَبِّي يِوسْ سْ دُونِيتْ فْ أَيُوتْ لَحُوكْمْ فْ أَيْتْ دُونِيتْ، وَلَائِنِي أَفْتِيدْ يُوزْنْ دْ أَتَنْ سَرْسْ إِجْتَجمْ. ^{١٨} وَنَا سَرْسْ يُومِنْ أُورَا فَلَاسْ إِتُوتْ لَحُوكْمْ، مَشْ وَنَا سَرْسْ أُورْ يُومِنْ إِسْ يَادْ فَلَاسْ إِتُوتْ لَحُوكْمْ، أَشْكُو أُورْ يُومِنْ سْ يِوسْ نْ رَبِّي لِي دَارْسْ إِكَانْ يَانْ. ^{١٩} لَحُوكْمْ أَذْ إِكَاتْ: إِسْدْ تُوشْكَا تَقاوْتْ سْ دُونِيتْ، وَلَائِنِي مَدْنْ رَانْ تَلَاسْ أَكَارْ نْ تَقاوْتْ أَشْكُو خَشْنَ لَفَعَالْ نِسْنْ. ^{٢٠} أَشْكُو كُولْ مَايِسِكَارْنْ كَارْ لَفَعَالْ أَرْ إِتَحَشَا تَقاوْتْ، أُورَادْ إِتَّاشْكَا سْ دَارْ تَقاوْتْ فَادْ أُورْ تَيَوْفَصَاحْنْ لَفَعَالْ نِسْنْ. ^{٢١} وَلَائِنِي يَانْ إِسْكَارْنْ لَحَقْ أَرْدْ إِتَّاشْكَا سْ دَارْ تَقاوْتْ فَادْ بَايِنْ لَفَعَالْ نِسْ إِزْدْ لَجَهْنْ نْ رَبِّي أَسْ تَيُوسْكَارْنْ».

²³ مَادِ إِزْرِي مَيَادِ يَاشْكُدْ يَسُوعُ دِإِمْحَضَارْنِ نَسْ سِتَّمَرْتُ نِ لِيَهُودِيَا، يِلِي دِيدِسْنِ غِينَ أَرِ إِتَّعْمَادِ. ²⁴ تِرِي يَانَ أُورْتَانَ إِلِي يُوحنَّا غِ لَجْبِسْ. ²⁵ يَانَ وَاسَّ أَرِ تَمْجِيْدِ إِمْحَضَارْنِ نِ يُوحنَّا دِ يَانَ أُودَايِ فِ لَعْدَا نِ أَغْوَسْ. ²⁶ أَشْكَنْدِ سِ دَارِ يُوحنَّا نَانَ أَسْ: «إِسْ تَسْنَتِ أَسِيدِي وَلَيَتِينِ دِيدِكِ إِكَانِ غِ الْكَمَاضِ أَنِ نِ وَسِيفِ نِ لُرْدُنِ وَلِي فِ تَفْكِيْتِ تُوكَّا، هَتِينِ أَرِ إِتَّعْمَادِ أَلَا نَتَّانَ أَرِنَ كُلُّو دَارْسِنِ تَاشْكَانِ مَدِنْ». ²⁷ إِسَاوَلْدِ يُوحنَّا إِنَّايسِنْ: «أُورِ إِرْضَارِ يَانِ أَيَّامِرِ كَرَا إِغَاسِدِ أُورِ إِتَّفَكِي غِ إِكْنَوَانِ». ²⁸ يَاكِ كَنِي سِ إِخْفَاؤْنِ نُونَ أَرِ فَلِي تَكَامِ تُوكَّا إِسْ نِيَخِ أُورْدِ نِكِينِ أَيَّگَانِ لَمْسِيْحِ، وَلَائِنِي إِسْدِ كَا تَبِيزَانْخِ غِ لَكْدَامِ نِسِ. ²⁹ وَلِي مِ تُكَامِ تَسْلِيْتِ تِينِسِ أَيَّگَانِ أَسْلِيِ، وَلَائِنِي أَمْدَاكِنِ نِ أَسْلِي لِي يِتِيلِينِ غِ تَمَانِسِ أَرِسِ إِسْفَلِيدِ أَرِ بَهْرَا إِتَّفَرَاحِ إِوَالِنِ أَسْلِي. لَفْرَحِ إِنُو إِكَأَ غَمْكَانِ، غَلَادِ إِكَأَ وَادِ إِكْمَلِنِ. ³⁰ إِقَانِدِ نَتَّانِ أَيَّتَمْغُورِ نِكِينِ أَرِ تَيَمْرِيْخِ. ³¹ وَلَيَدِ يُوشْكَانِ غِ اَفْلَا، إِكَادِ اَفْلَا إِكْرِيْكَاتِ يَانِ. وَلِي يِيَگَانِ گُو وَكَالِ، أَيَّتِ وَكَالِ اَغِ إِكَأَ إِكَ وَوَالِنِسِ وَيِنِ أَيَّتِ وَكَالِ. وَلَيَدِ يُوشْكَانِ غِ إِكْنَوَانِ إِكَادِ اَفْلَا إِكْرِيْكَاتِ يَانِ، ³² أَرِ يِكَّا تُوكَّا فِ أَيَّليِ يِتِرَادِ ذِيَّلِي مِ إِسْفَلِدِ وَلَائِنِي حَتِّا يَانِ أُورِ إِقْبَلِ تُوكَّا نِسِ. ³³ وَنَا إِقْبَلِنِ تُوكَّا نِسِ هَانِ إِفْكَا تُوكَّا إِسِ إِغْرَانِ رَبِّيِ، ³⁴ أَشْكُو وَلَيَدِ يُوزِنِ رَبِّيِ، أَوَالِنِ رَبِّيِ أَسِ إِسَوَالِ، أَشْكُو رَبِّيِ أُورَا يِكَا رُوحِ نِسِ سِ لَحْسَابِ. ³⁵ بَابَانْتَخِ إِعْرَأِ دَارْسِ يِوسِنِ إِكِ كَرِيْكَاتِ تَغُوسَا غِ اُفُوسِ نِسِ. ³⁶ وَنَا يُومِنِ سِ يِوسِنِ رَبِّيِ، هَانِ تَلَّا دَارْسِ تُودِرْتِ إِدُونِنِ، وَنَا أُورِ يُومِنِ سِ يِوسِنِ رَبِّيِ، أُورِ سَارِ إِرْرِي تُودِرْتِ، وَلَائِنِي رَأْ فَلَّاسِ إِغَما لَغَضَبِ نِ رَبِّيِ».

4

إِفْرِ وِيسَ كُوژْ

¹ لَيْغِ إِسْنِ يَسُوعُ إِسِ سَفَلْدَنِ لَفْرِيَسِيِّنِ إِسِ أَيِسْلَمَادِ إِمْحَضَارْنِ أَرِتِنِ إِتَّعْمَادِ أَكَارِنِ يُوحنَّا، ² مَقَارَدِ أُورْدِ يَسُوعُ سِ إِخْفِ نِسِ أَتِنِ إِتَّعْمَادِنِ وَلَائِنِي إِمْحَضَارْنِ نِسِ أَتِنِ إِتَّعْمَادِنِ، ³ إِفْلَنِ تَمَرْتُ نِ لِيَهُودِيَا يُورِي دَاخِ سِ تَمَرْتُ نِ لَجَلِيلِ. ⁴ مِشِ إِقْنِيْدِ إِيَّرِي غِ تَمَرْتُ نِ سَامِرَا. ⁵ إِزَيِّدِ إِلْكَمِنِ يَاتِ تَمَدِنْتِ غِ سَامِرَا أَرِسِ تِينِ سُوْخَارِ غِ تَمَانِ وَكَالِ لِي يِقْكَا يَعْقُوبِ يِيوْسِنِ يُوسُفِ، ⁶ يِلِي كِيِسِ وَنُونِ يَعْقُوبِ، سِ إِرْمِي غِ اُمُودُو إِكَأَوْرِ غِ تَمَانِ وَنُونِ لِي. إِكِ لَحَالِ تُرْوَمَتِ نِ وَاسِ. ⁷ سِ هَادِ يَاتِ تَمَغَارْتِ أُولَتِ سَامِرَا تُوشْكَادِ أَنِ تَكَمِ إِنَّايسِ يَسُوعُ: «فَكِيِّ أَدِ سُوْخِ»، ⁸ أَشْكُو إِمْحَضَارْنِ نِسِ دَانِ سِ تَمَدِنْتِ أَدِ سُغْنِ مَادِ شَتَّانِ. ⁹ تَتَائِسِ أُولَتِ سَامِرَا لِي: «كِيِّ تَكِيْتِ أُودَايِ نِكِيِّ كِيْخِ أُولَتِ سَامِرَا، مَمْنُكِ أَسِ أَكِيِّي تَسْكِيْلَتِ أَدِ أَكِ فَكْخِ أَتَسُوتِ؟» أَشْكُو أُدَائِنِ أُورَا تَصْرِفِنِ دِ أَيَّتِ سَامِرَا. ¹⁰ إِنَّايسِ يَسُوعُ: «مَلَادِ إِسِ تَسْنَتِ تَكِيْتِ نِ رَبِّيِ، دِ مِيَگَا غَوَادِ لِي يَامِ إِنَّا فَكِيِّ أَدِ سُوْخِ، كِمِي نِيتِ أَرَاتِ إِصَالَبِ إِفْكَامِ أَمَانِ دَرْنِينِ». ¹¹ تَتَائِسِ تَمَغَرْتِ لِي: «أُورَالَكِ

دارگ اسیدی اکا، انو ادرآ، منیغ راد تویت امان درنین؟¹² باباتخ یعقوب افکایخ انو آد، اسو گیس ننان د تروآ نس د وولی نس، ماخ کی توگرت یعقوب؟¹³ او جبند یسوع إنایس: «کول مایسوان غ و مان آد رات داخ یاغ فاد،¹⁴ ولاينی ونا إسوان غ و مان لی یکاخ نکین، اور سارت یاغ ارفی، ولاينی امان لی رadas فکخ را گیس گین أغبالو لی را بدنا انگی ار یکا تودرت ادومن».¹⁵ تنایس تمغرت لی: «فکی اسیدی امان نا فادی سول اور یاتاخ فاد الا ارد سول تشکاخ س غید ان گیس اگمخت».¹⁶ إنایس یسوع: «زاید غرد اورگاز نم تاشکد س غید».¹⁷ تو جبند تمغرت لی تنایس: «اور دری یلی ارگاز». إنایس یسوع: «تغزانت لیغ تنتیت: اور دارم إلى ارگاز،¹⁸ اشکو کننین دارم سموس ارگازن، حتا غواد لی دارم الان غلاد اور ایگی ارگاز نم. تغزانت غ وال نا».¹⁹ تنایس تمغرت لی: «ایان اسیدی ازد نی اتکیت! لاجدود نخ کننین ار تعبدن ربی غ ادرار آد، کنی ن اداین ار تتمیم ماسد تمدنن ن اور شلیم کا آغ توکی لعبدان ربی».²⁰ إنایس یسوع: «امنی اتمغرت هان راد سول یاشک یان ارمز لیغ راد تعبدن بابا ربی، ولاينی اورد غ ادرار آد الا غ اور شلیم.²¹ کنی ار تعبدن ایلی اور تسمن، کنی ار نتعبدن ایلی نس، اشکو نجا دار و داین ار اراد ایک.²² ولاينی راد سول تاشک یات لوقت است ایکان د غلاد نیت، ولی گیس تعبدنین س تحقیق راد تعبدن بابا ربی س روح د لحق، اشکو زوند غوید اس اسکیل بابا ات تعبدن.²³ ربی اکا روح، ولیت تعبدنین روح د لحق اس فلاسن إلا ات تعبدن.²⁴ تنایس تمغرت لی: «ستخ اس راد یاشک لمسیا لی م تنین لمسیح. تری ناد یوشکا ننان ار اداخ افک لأخبار ن کریگات تغوسا».²⁵ إنایس یسوع: «نکین لی سرم اسوالن ات ایکان».

²⁶ غکودان آد اشکان امحضارن نس، ار تعجاین لیغتید افان ار اسوال س تمغرت. ولاينی حتا یان گیتنن اور اس ای: «ما میت تریت؟» لا: «ماخ ادیدس تسوالت؟»²⁷ تنکر تمغرت لی تقل تکدورت نس ندو س تمدنن ار تی امدن:²⁸ «اشکاد اترزم یان ارگاز املای کلو ماد سکرخ. یاک اورد غواد ایگان لمسیح؟»²⁹ فغند ایت تمدنن آن اشکند س دارس.

³⁰ غکودان ات ضالین امحضارن نس نان اس: «هاک اشتست اسیدی».³¹ إنایس: «نکین الا دری ماد شتاخ لی اور تسمن کنی».³² ار سقسان امحضارن نس انگراتسن: «اس الا ماداسد بیون کران مایشتنا؟»³³ إنایس یسوع: «منشا نو ایگات آد سکارخ ایلی یرا ولیید یوزن کملخ تووری نس.³⁴ اس اور تتمیم: اغ زرین کوژ بیرن س تلکم تمگرا؟ ولاينی نکین ار اون تتبیخ: رزمات آن نون ار تسمقولم اکران هتی ورگن لکمن ف تمگرا.³⁵ غلاد غولی یمگرن ار اتامز تغراض نس، ار اسمون صابت تودرت ادومن ف ایفرخ غولی یلوحن امود الا غولی یمگرن.³⁶ اشکو اغزان وال لی یثان: الوح یان امود امگر

وَيَاضْ. ٣٨ نُكّي هِيَ أُوزنْخُكْنَ تَمَكْرُمْ أَيْلِي فَأُورْتُوتْ تَمَرَا. وَيَاضْ أُوتْنَ كِيسْ تَمَرَا كُنّي تَمَكْرُمْ لَغْلَتْ نَ تَمَرَا نُسْنَ». ٣٩

إِلْغُونْ أَيْتْ سَامِرَا لِي سِرْسْ أُمِنْيَنْ غَنْمَدِنْ أَنْ فَسِبَّتْ نَ وَالْنَّ تَمْغَرْتْ أَنْ لِي فَلَاسْ يَكَانْ تُوكَأَنْ ٤٠ إِلْغُونْ أَيْتْ سَامِرَا كُلُّ مَادْ سَكْرُخْ». أَشْكَنْدْ أَيْتْ سَامِرَا سَ دَارْسْ حُرْمُونْتْ أَدَارْسْنَ إِلْكَوْرْ. إِكَ دَارْسْنَ سِينْ أَسْقَانْ. ٤١ إِلْغُونْ إِلْمَا بَهْرَا وَلِي سِرْسْ أُمِنْيَنْ فَسِبَّتْ نَ وَالْنَّ نُسْ نَتَنْ، ٤٢ نَانْ أَسْ إِتْمَغَرْتْ لِي: «غَلَادْ أُورْدْ فَسِبَّتْ نَ وَالْنَّ كَا أَفْ نُومْنَ، وَلَائِنِي أَفْ نُومْنَ دِإِسْ نُسْقَلْ نِسَانْ نَحْقَاقْ إِزْدْ غُواذْ أَيْكَانْ لَمَسِيْحْ أَمْجَنْجَمْ نَ أَيْتْ دُونِيتْ». ٤٣

مَادْ زُرِينْ سِينْ أَسْقَانْ أَنْ، إِفْغَدْ غِينْ إِدُو سَ تَمَرْتْ نَ لَجَلِيلْ، ٤٤ أَشْكُو يَسُوعْ سَ إِخْفْ نَسْ أَيْنَانْ: «أُورْ جُونْ إِزْمِرْيِي كِرَا نَ نَبِي أَبْلَا أَيْتْ تَمَرْتْ نَسْ». ٤٥ لَيْغَنْ إِلْكَمْ لَجَلِيلْ، سَمْرْحَبَانْ سِرْسْ أَيْتْ لَجَلِيلْ. أَشْكُو ثَرَانْ كُولْ مَايِسْكَرْ غَ أُورْشَلِيمْ غَ أَسْقَانْ لَعِيدْ أَشْكُو أَلَا نَتَنْيِي أَشْكَانْنَ سَ لَعِيدْ. ٤٦ يَاشْكَدْ دَاخْ يَسُوعْ سَ قَانَا لَجَلِيلْ غَلِيلْ إِبْدَلْ أَمَانْ سَ شَرَابْ. تَاغْدْ يَانْ غَ إِنْمَغُورْنَ نَ لَقْصَرْ نَ أَكْلِيدْ يُوْضَنْسَاسْ يَوْسْ غَ كَفَرَنَاحُومْ. ٤٧ لَيْغَ إِسْقَلْدْ أَرْكَازْ لِي يَسْدُنْ يُوشَكَا يَسُوعْ غَ لَيْهُودِيَا سَ لَجَلِيلْ، إِنْكَرْ إِدُو دَارْسْ إِضَالْبْ أَسْ أَدْ إِكْزْ أَدَاسْ إِجَجِي يَوْسْ أَشْكُو عَلَائِنْ أَيْمَتْ. ٤٨ إِنَّا يَسُوعْ: «كُنْيِي أُورَا تَامْنَمْ إِغْ أُورْ تَزْرِيمْ تَمِتَارْ دَ لَعَجَائِبْ». ٤٩ إِنَّا يَسُوعْ أَنْمَغُورْ لِي: «لَحُورْمَانْكْ أَسِيدِي، گُوزْدْ إِغْتا أُورْ إِمُوتْ يَوِي». ٥٠ إِنَّا يَسُوعْ: «زَيَادْ! هَانْ يَوْكْ رَا إِدَرْ». يَامْنَ أَرْكَازْ لِي سَ وَالْنَّ لِي سَاسْ إِنَّا يَسُوعْ إِدُو. ٥١ لَيْغَدْ إِكْزْ سَ تَكْمِي نَسْ لَمْقُورْنَتِيدْ إِسْمَكَانْ نَسْ نَانْ أَسْ: «هَانْ يَوْكْ إِدَرْ». ٥٢ إِسْقَسَاتْنَ: «مَانْ لُوقْتْ أَغْدْ كِيسْ لَابَاسْ؟» نَانْ أَسْ: «إِضْكَامْ لَيْغَ تَرْزِي تَرْوَمْتْ نَ وَاسْ سَ يَاتْ تَسَاعْتْ أَتْ تَقْوَعْ تُولَّا». ٥٣ غَكُودَانْ أَيْقَهْمْ بَابَاسْ نَ لَحْشِمِي لِي إِزْدْ تَسَاعْتْ لَيْغَ أَسْ إِنَّا يَسُوعْ: «هَانْ يَوْكْ رَا إِدَرْ» أَيْكَانْ لَحَالْ. يَامْنَ سِرْسْ نَتَنْ دِأَيْتْ تَكْمِي نَسْ كَلُوتْنَ. ٥٤ خَتَادْ أَيْكَانْ تَيِسْ سَنَاتْ تَمِتَارْ لِي يَسْكَرْ يَسُوعْ لَيْغَدْ يُوشَكَا غَ لَيْهُودِيَا سَ لَجَلِيلْ.

5

إِفْرُ وَيِسْ سَمُوسْ

١ لَيْغَ إِزْرِي مَيَادْ إِلْكَمْ يَانْ لَعِيدْ نَ وُدَائِنْ، يَاوْنَ يَسُوعْ سَ أُورْشَلِيمْ. ٢ لِي غَ أُورْشَلِيمْ يَانْ إِفْرَضْ غَ دَارْ إِمِي نَ وُولِي، أَرَاسْ تَتِينْ سَ وَالْنَّ وُدَائِنْ «بَيْتْ حَسْدَا»، سُوتَنْ أَسْ سَمُوسْ إِعْكَمِيَنْ. ٣ كُنْ كِيسْنَ كِيَكَانْ دِإِمضَانْ غَ كَانْ إِبْكَاصِنْ دِإِبِضَارْنْ دِإِكُوشَامْنَ أَرْ تَقْنَنْ سَ وَمَانْ أَدْ مُوسَنْ. ٤ أَشْكُو يَانْ لَمَلَاكْ أَرْدْ إِتَكُوزْ كِرَا نَ تَوَالْ سَ إِفْرَضْ أَنْ أَرْ إِسْمُوسُو أَمَانْ. وَنَا إِزْوَارْنَ إِسْ إِلْكَوْزْ إِغْ مُوسَنْ وَمَانْ أَرْ إِتْجِي غَ كَرِيَكَاتْ تَمَضُونْتْ نَا كِيسْ إِلَانْ. ٥ يَانْ أَرْكَازْ إِلَّا غِينْ يَوْضَنْ عَشْرِينْ دِتَامْ دِمَرَاوْ نَ أَسْكَاسْ. ٦ لَيْغَتْ إِزْرَا يَسُوعْ إِكْنْ غِينْ، يِسَانْ إِسْ إِلْكُوتْ مَنْشَكْ أَيْكَا غَ لَحَالْتْ أَنْ، إِنَّا يَسُوعْ: «إِسْ تَرِيتْ أَتْجِيَتْ؟» ٧ إِوْاجِبْ

أَمْضُونْ لِي يَنَّايسْ: «أُورْ دَرِي أَسِيدِي مِي إِرْكُوزْنْ سْ إِفْرَضْ إِغْ كِيسْ مُوسَنْ وَمَانْ، أُورَانْ لَكْمَخْ أَرْ دِيدْ إِكْ كَرَا نْ يَانْ لَكْدَامْ إِزْوُورِي إِسْ إِكْوْزْ». ⁸ إِنَّايسْ يَسُوعْ: «نِكْرْ أَسِي لَفْرَاشْ نُكْ أَرْ تَدُوتْ». ⁹ تِري يَانْ نِيتْ أَغْ إِجِي أَرْكَازْ لِي، يَسِي لَفْرَاشْ نُسْ أَرْ إِرْكِيزْ. إِكْ لَحَالْ أَسْ نْ سَبْتْ.

¹⁰ نَانْ أَسْ إِمْغَارْنْ نْ وَدَائِنْ إِولَى يَجِينْ: «هَتِي أَسْ نْ سَبْتْ أَيَادْ، إِحْرَمْ أَكْ أَتَسِيتْ لَفْرَاشْ نُكْ». ¹¹ إِوَاجِبْ إِنَّايسْ: «غُولَى يَجِينْ نَتَانْ أَيِّ إِنَانْ: أَسِي لَفْرَاشْ نُكْ تَدُوتْ». ¹² سَقْسَانْتْ نَانْ أَسْ: «مِيَنَگَا أَرْكَازْ أَنْ أَكْ إِنَانْ أَسِي لَفْرَاشْ نُكْ تَدُوتْ؟» ¹³ وَلَائِنِي وَلَيِّ يَجِينْ أُورْ إِسْنْ مَانُواَتْ إِكَانْ، أَشْكُو يَسُوعْ إِفْلْ غِينْ لِيغْ كُوتْنْ مَدْنْ. ¹⁴ إِكْ لَحَالْ كَرَا يَفْتِينْ يَسُوعْ غْ لَهِيَكْ، إِنَّايسْ: «هَتِي تَجِيَتْ غَلَادْ، أَدَاخْ أُورْ تَضُوتْ سْ دَنُوبْ أَدَاكْ أُورْ إِجْرُو أَكَارْ نْ غَمْكَانْ». ¹⁵ إِدوُ أَرْكَازْ أَنْ إِنَّايسْ إِمْغَارْنْ نْ وَدَائِنْ مَاسِدْ يَسُوعْ أَتْ إِجِينْ.

¹⁶ مِيَادْ أَفْتْ كُولَنْ وَدَائِنْ غْ يَسُوعْ، أَرْ سِكِيلْنْ أَتْ نَغْنْ، أَشْكُو إِسْكُرْ مِيَادْ غْ وَاسْ نْ سَبْتْ. ¹⁷ إِوَاجِبْ يَسُوعْ إِنَّايسْ: «بَابَا أَرْ بَدَا إِسْكَارْ تَوْرِي نَسْ، غَمْكَانْ دْ نَكِي». ¹⁸ مِيَادْ أَفْ إِلْمَا بَهْرَا سِكِيلْنْ وَدَائِنْ أَتْ نَغْنْ، أَشْكُو أُورْدْ إِسْ كَا إِرْزَا أَسْ نْ سَبْتْ، إِسْ إِنَانْ إِكَانْ رَبِّي بَابَاسْ، إِسْنَكَدَا إِحْفْ نَسْ دْ رَبِّي.

¹⁹ إِوَاجِبْ يَسُوعْ إِنَّايسْ: «لَحَقْ دْ صَاحْتْ أَدَاؤْنْ تَتِيخْ: أُورْ إِرْضَارْ يَوْسْ نْ رَبِّي أَدْ إِسْكُرْ كَرَا غْ إِحْفْ نَسْ، أُورَا يَسْكَارْ أَبْلَا أَيْلِي سْ إِرْرَا بَابَاسْ أَرْتْ إِسْكَارْ. أَشْكُو كَرَا إِسْكُرْ بَابَا أَرْتْ إِسْكَارْ يَوْسْ أَلَا نَتَانْ». ²⁰ أَشْكُو إِعْرَا دَارْسْ يَوْسْ أَرَاسْ إِمَالْ كُولْ مَايْسْكَارْ، رَادَاسْ سُولْ إِمْلْ لِيمُورْ أَكْرِنِينْ خَتِيدْ، أَرْ إِلْمَا تَعْجَابْ كَنِي. ²¹ أَشْكُو غَمْكِلِيدْ إِسْنَكَارْ بَابَا وَلَيِّ مُوتْتِينْ إِفْكَاسْنْ تُودْرْتْ، غَمْكَانْ دْ يَوْسْ أَلَا نَتَانْ أَرْ يَكَا تُودْرْتْ إِوَنَا يَرَا. ²² أَشْكُو بَابَا أُورَا إِيكِيتْ لَحُوكْمْ فْ يَانْ، وَلَائِنِي إِكَانْ كُلو لَحَكَامْ غْ دُو أَفْوَسْ نْ يَوْسْ، ²³ فْ أَكْلُو تَمْجَادْنْ مَدْنْ يَوْسْ نْ رَبِّي غَمْكَلِي تَمْجَادْنْ بَابَا. وَنَا أُورْ إِتْمَجَادْنْ يَوْسْ نْ رَبِّي، هَانْ أُورَا إِتْمَجَادْ بَابَا لَيْتِيدْ يُورْنْ.

²⁴ لَحَقْ دْ صَاحْتْ أَدَاؤْنْ تَتِيخْ: وَنَا إِسْقَلْدَنْ إِوَوالْ إِنو يَامْنْ سْ وَلَيِّيدْ يُورْنْ هَانْ تَلَا دَارْسْ تُودْرْتْ إِدُومْنْ، أُورَا فَلَاسْ إِتُوتْ لَحُوكْمْ، وَلَائِنِي إِسْ إِرْكَرْ غْ لَمُوتْ سْ تُودْرْتْ. ²⁵ لَحَقْ دْ صَاحْتْ أَدَاؤْنْ تَتِيخْ: هَانْ رَادَ تَاشْكْ يَاتْ تَسَاعْتْ أَسْتْ إِكَانْ دْ غَلَادْ، رَاكِيسْ سَقْلَدْنْ وَلَيِّ مُوتْتِينْ إِوَوالْ نْ يَوْسْ نْ رَبِّي، دْ كُولْ مَادَاسْ إِسْقَلْدَنْ رَا يَدَرْ. ²⁶ أَشْكُو غَمْكَلِي يَكَا بَابَا تُودْرْتْ غْ دَارْسْ، غَمْكَانْ أَيْفَكَا إِيَوْسْ أَلَا نَتَانْ أَيَكَا تُودْرْتْ غْ دَارْسْ، ²⁷ إِفْكَاسْ أَلَا لَادْنْ أَيَكِيتْ لَحُوكْمْ أَشْكُو إِكَانْ كُلو سَقْلَدْنْ وَلَيِّ لَانِينْ غْ لَقْبُورْ إِوَوالْ نَسْ، ²⁸ أَدْ أُورْ تَعْجَابْ غْ مِيَادْ، أَشْكُو رَادَ تَاشْكْ يَاتْ لُوقْتْ لِيغْ رَا كُلو سَقْلَدْنْ وَلَيِّ لَانِينْ غْ لَقْبُورْ إِوَوالْ نَسْ، ²⁹ فَغَنْدْ كِيسْنْ وَلَيِّ سَكْرِنِينْ مَايْعَدْلَنْ نَكْرِنْدْ سْ تُودْرْتْ، نَكْرِنْدْ وَلَيِّ سَكْرِنِينْ كَارْ أَفْلَاسْنْ إِتُوتْ لَحُوكْمْ. ³⁰ نَكِينْ أُورْ رَضَارْخْ أَدْ سَكْرْخْ

يَاتْ خْ إِخْفُ إِنُوْ. وَلَايْنِي أَيْلِي مِ سَقْلِيدْخْ دَارْ بَابَا أَسْ أَنْحَكَامْخْ، لَحَقْ أَسْ أَنْحَكَامْخْ أَشْكُو أُورْدْ أَيْلِي رِيخْ دَدْ سَكَارْخْ وَلَايْنِي أَيْلِي يِرَا بَابَا لَبِيدْ يُوزْنْ دَدْ سَكَارْخْ.

إِغْ أَيْكَاخْ تُوكَّا فِ إِخْفُ إِنُوْ أُورْ كِينْتْ تُوكَّا نُو نِينْ لَحَقْ. ³² وَيَاضْ أَفْلِي يِكَانْ تُوكَّا دَنْكِي سَنْخْ تُوكَّا لَيْ فَلِي يِكَانْ دَنْكِي سَنْخْ تُوكَّا نُو نِينْ لَحَقْ. ³³ كِنْيِي تُوزْنْ إِرْقَاصْنْ سِ يُوهَنَا، إِفْكِ تُوكَّا فِ لَحَقْ. ³⁴ أُورْدِ إِسْ أَنْقَبَالْخْ تُوكَّا نِ بَنَادْمِ، وَلَايْنِي أَفَاوْنِ نِيغْ مِيادْ دَأَتْجِمْ. ³⁵ يُوهَنَا نِتَانِ إِكتِينِ إِكَانْ لَقَنْدِيلْ إِرْغَانِ يِسْقِيُو، كِنْيِي تُرْضَامْ أَقْرَحْمْ سِ تَقاوْتْ نِسْ يَاتْ تَسَاعْتْ إِدْرُوسْنِ. ³⁶ وَلَايْنِي نِكِينِ دَرِي تُوكَّا أَكْرِنِينِ تِينِ يُوهَنَا: أَشْكُو تَوْوِري لَبِيدْ إِفْكَا بَابَا أَسْتَ سَكْرُخْ، نِتَانِ نِيتْ لِيدْ سَلَاخْ أَفْلِي يِكَانْ تُوكَّا إِزْدِ بَابَا لَبِيدْ يُوزْنِ. ³⁷ بَابَا سِ إِخْفْ نِسْ لَبِيدْ يُوزْنِ أَرْ فَلِي يِكَانْ تُوكَّا. كِنْيِي أُورْ جُونْ تَسْقَلْمِ إِوَالْ نِسْ أَلَا تَرْزَامْ أُودْمِ نِسْ، ³⁸ أَوَالْ نِسْ أُورْ كِيُونْ إِتَّغِي، أَشْكُو أُورْ تُومِنْ سِ وَلَيْتِيدْ يُوزْنِ. ³⁹ أَرْ تَقْرُونْمِ أَرَأَتْنِ نِ رِبِّي أَشْكُو تَغَالْمِ إِزْدِ دَنْتِي أَغَاوْنِ تَلَّا تُورْدَتْ إِدُونْمِ، أَرَأَتْنِ نَا نِيتْ أَفْلِي يِكَانْ تُوكَّا، ⁴⁰ وَلَايْنِي تُوكِيمْ دَدْ دَرِي تَاشْكِمْ فِ اَدَرُونْ تِلِي تُورْدَتْ.

نِكِي أُورَا سِكِيلْخْ تُولَغا نِ مَدْنِ، ⁴¹ أَشْكُو سَنْخْكِنْ إِسَانْخْ أُورْ تِلِي تَايِرِي نِ رِبِّي غُ أَوْلَوْنِ نُونِ. ⁴² نِكِينْ أَشْكِيَخْدِ سِ إِسْمِ نِ بَابَا، أُورِي تَقْبِلْمِ. إِغْدِ يُوشِكَا كِرَانِ يِانِ يَايَضْنِ سِ إِسْمِ نِسْ رَاتْ تَقْبِلْمِ. ⁴³ مَمْنُكْ أَسْ تَرْضَارْمْ أَتَامْنِمْ أَرْ نِيتْ تَسْكِيلْمِ تُولَغا دَارْ إِنْكِرْتُونْ، تُولَغا لِيدْ كِنِينِ دَارْ رِبِّي لِي يِكَانْ يِانْ أُورَأَتْتِ أَكْ تَسْكِيلْمِ؟

⁴⁵ دَدْ أُورْ تَغَالْمِ إِسْ رَانْ فَلَاؤْنِ أَشْكَاخْ دَارْ بَابَا، إِلَا وَلَيْ رَانْ فَلَاؤْنِ يِشَكَا: أَتْ إِكَانْ دَمُوسَي لِيغْنِ تَكَامْ رِجَا نُونِ. ⁴⁶ أَشْكُو مَلَادْ إِسْ تُومِنْ سِ مُوسَي سِيِّي تُومِنْ أَلَا نِكِي، أَشْكُو نِتَانِ يُورَا يَادْ فَلِي. ⁴⁷ إِغْ أُورْ تُومِنْ أَرَأَتْنِ نِسْ، مَمْنُكْ أَرَا تَامْنِمْ أَوَالْ إِنُوْ.

6

إِفْرُ وِيسْ سَضِيَصْ

لَيْغِ إِرْرِي مِيادْ، إِزْكِرْ يِسْوَعْ سِ أَكْمَاضْ أَنْ نِ أَمْدَا نِ لَجَلِيلْ لِي يِكَانْ أَمْدَا نِ طَبَرِيَا، ² ضَفُورِنْتْ كِيَكَانْ دَمَدْنِ، أَشْكُو ثِرَانْ تِمَتَارْ لِي يِسْكِرْ لَيْغِ أَيْجِيِي إِمْضَانِ. ³ إِنْكِرْ يِسْوَعْ إِغْلِي سِ يِانْ أُورِيرِ إِكَأَوْرْ غِيَنْ نِتَانِ دَمَهْضَارْنِ نِسْ. ⁴ لَعِيدْ نِ نِجَا إِقْرَبْ نِيتْ غِ دَارْ دُدَائِنِ. ⁵ يَالْ يِسْوَعْ أَلَنْ نِسْ أَرْ إِتَّنَايِي مَدَنِ گُوتِنِينْ أَشْكَانْدِ سِ دَارْسِ، إِنَّايسِ إِفِيلِبِسْ: «مَنِيغْ رَادْ نِسْغَ أَغْرُومْ مَادْ شَتَانِ مَدَنْ دَدْ؟» ⁶ مِشْ إِسْ كَا إِرَا أَتْ يَارْمِ، غَانْ أَفَاسِ إِنَّا مِيادْ، أَشْكُو نِتَانِ إِسْنِ مَاسِ رَاتْ إِسْكِرْ. ⁷ إِواجِندِ فِيلِبِسِ إِنَّايسِ: «أُورَادْ أَخْ قَدَانْتْ سِنَاتْ إِدْ مِيَانْ أَدِينَارْ نِ أَغْرُومْ مَقَارْ رَادْ أَسِينْ يَاتْ تَقْرُوْيِتْ مِزِينْ إِيَانِ». ⁸ إِنَّايسِ يِانْ غِ إِمْهَضَارْنِ نِسْ أَتْ إِكَانْ دَأَنْدَرَاوُسْ كِمَاسْ نِ سَمْعَانْ بُطْرُسْ: ⁹ «إِلَا أَكَانْ غِيدْ يِانْ أَفْرُوْخْ دَارْسِ سَمُوسْتْ تَتَكَالْ نِ تِمِزِينْ دَسِنَاتْ تَسْلَمِينْ، وَلَايْنِي مِيَكَا مِيادْ إِغُونْشَكَادْ دَمَدَنْ؟» ¹⁰ إِنَّايسِنْ يِسْوَعْ: «سَنْكُورَاتْ كُلو مَدَنْ».

تِلِي غِيْنِ تُوكْتَ نْ تُوكَ، گَاوْرَنْ إِرْكَازْنْ كُنْ كُرَا نْ سَمْمُوسْ وَلَفِيُونْ.¹¹ يَسِيدْ يَسُوعْ تَنْتَكَالْ لَيْ يُشَكْرْ رَبِّي، إِبْصُوتْتْ إِيمْحَضَارْنْ بَصُونَتْتْ إِولِي گَوْرِنِينْ. إِبْصُو يَاسْنِ سَنَاتْ تَسْلَمِينْ لَيْ أَلَا نَتَنْتِي كُونْ يَانْ دْ أَشْكَلِي يِرَا.¹² لَيْغُ شَبِيعَانْ، إِنَّا يَسِينْ يَسُوعْ إِيمْحَضَارْنْ نَسْ: «سَمُونْ أَتْ تَفَرَّايْ لِيدْ أَكُورِنِينْ فَادْ أُورْ إِخْصَرْ يَاتْ». ¹³ سَمُونَتْتْ عَمَرْنِ سِينْ دْ مَرَأْوَتْ نْ تَرِيَالْتْ نْ تَفَرَّايْ لِيدْ شَصِينِ إِولِي شَنِينْ غْ سَمُونَتْ تَنْتَكَالْ لَيْ نْ تَمْرِينْ.¹⁴ لَيْغُ زَرَانْ مَدْنِ لَمْعَجِزَا أَذْ لَيْ يُسْكِرْ يَسُوعْ نَانْ أَسْ: «إِصْحَا إِزْدْ غَوَادْ أَيْكَانْ نِي لَيْ رَادْ يَاشَكْ سْ دُونِيتْ!»¹⁵ لَيْغُ إِسْنِ يَسُوعْ إِسْ سَكْرُنْ فَاتْ أَوِينْ سْ هَكَاكْ نَسْ أَتْ كُنْ دْ أَكْكِيدْ، إِنْكَرْ إِدُو سْ أُورِيرْ وَحَدُوتْ.

¹⁶ لَيْغُ تَلْكُمْ تَدْكَاتْ، گَرْنْ إِمحَضَارْنْ نَسْ سْ أَمْدَا.¹⁷ كَشْمَنْ سْ أَغْرِيَبُو أَذْ زَرْكَرْنْ سْ تَمْدِنْتْ نْ كَفَرَنَاحُومْ. ضَرْنَتْ تَلَاسْ يَسُوعْ أُورْتَانْ جُونْ دَارْسْنِ يُوشْكِي.¹⁸ إِمِيكْ سَدْ نَكْرْ كُرَا نْ إِجَوَانْ، أَرْ إِسْدِدِي أَمْدَا لَيْ.¹⁹ زَايِنْ إِمحَضَارْنْ لَيْ أَرْ كَانْ سْ تَكْلَا مَائِتَكَانْ سَمُونْ أَرْ سَضِيقْنِ إِذْ كِيلُومِترْ. لَيْغُ زَرَانْ يَسُوعْ أَرْنْ إِنَّا ثَرْ سْ أَغْرِيَبُو أَرْنْ إِزْكِيزْ فْ وَمَانْ كَشْمَنْتَنْ تَكْصَاصْ.²⁰ إِسَاوَلْنِ سَرْسْنِ يَسُوعْ إِنَّا يَسِينْ: «هَانْ نَكِينْ أَيَادْ، أَذْ أُورْ تَكْصَاصْ!»²¹ إِرِينْ أَتَيْدِ سَكْشَمْنِ سْ أَغْرِيَبُو سِيَغْ نِيَتْ إِلْكُمْ أَغْرِيَبُو تَغَارْتْ لَيْ سْ دَانْ.²² لَيْدَ أَزْكَا، أَفْنِينْ مَدْنِ لَيْ غَمَنِينْ غْ أَكْمَاضْ أَنْ نْ أَمْدَا إِسْ أُورْ إِلَيْ كُرَا نْ أَغْرِيَبُو يَضْنِينْ غَيْنِ أَبْلَا وَلَيْ سُودَانْ إِمحَضَارْنْ، كَتِينْدِ إِسْ دِيدِسْنِ أُورْ إِسُودِي يَسُوعْ غْ أَغْرِيَبُو لَيْغُ دَانْ وَحَدُوتْنِ.²³ وَلَائِنِي كُرَا نْ إِغْرُوبَا يَضْنِينْ أَشْكَانْدْ غْ طَبَرِيَا سْ تَمَانْ غَلِيْغُ شَانْ مَدْنِ أَغْرُومْ مَا فَلَاسْ إِشْكَرْ سِيدِيَتْخَ رَبِّي.²⁴ لَيْغُ زَرَانْ مَدْنِ أَنْ يَسُوعْ أُورْ إِلَيْ غَيْنِ أَلَا لَانْ گِيسْ إِمحَضَارْنْ نَسْ، كَشْمَنْ سْ إِغْرُوبَا نَسْنِ أَشْكَنْدْ سْ كَفَرَنَاحُومْ أَرْ سِكِيلْنِ يَسُوعْ.

²⁵ لَيْغُ تِينْ أَفَانْ غْ أَكْمَاضْ أَنْ نْ أَمْدَا، نَانْ أَسْ: «مَانْ لُوقَتْ أَسِيدِي أَذْ تَلِيتْ غِيد؟»²⁶ إِوَاجِبْدِ يَسُوعْ إِنَّا يَسِينْ: «لَحَقْ دْ صَاحْتْ أَدَاوَنْ تَتِيخْ: أُورْدَ أَفَايْ تَسِكِيلْمْ دْ تَمَتَارْ لَيْ تَزْرَامْ، وَلَائِنِي أَفَايْ تَسِكِيلْمْ دْ غَمْكَلِي تَشَامْ أَغْرُومْ أَلِيلِيغْ تَشْبِعَامْ.²⁷ أَذْ أُورْ تَخْدَمْ فْ مَتَشَا لَيْ رَايْتُمُو، وَلَائِنِي خَدْمَاتْ فْ مَتَشَا لَيْ رَايْغَما إِتُورْرَتْ إِدُونْنِ لَيْ رَادَاوَنْ إِفَكْ بَيُوسْ نْ أُفَكَانْ، أَشْكُو رَبِّي بَابَاتْخَ إِكَا فَلَاسْ رَشْمْ نَسْ». ²⁸ نَانْ أَسْ: «مَمَنْكِ أَسْ رَأْ نَسْكَرْ أَيْلِي يَرَا رَبِّي؟»²⁹ إِوَاجِبْدِ يَسُوعْ إِنَّا يَسِينْ: «رَبِّي يَرَا گِيُونْ أَتَامِنْ سْ وَلَيْيِدْ بُوزْنِ». ³⁰ سَقَسَانْتْ نَانْ أَسْ: «مَانْ تَمَتَارْتْ رَادَاخْ تَسْكَرْتْ أَسْتْ نَزْرْ أَسْرَكْ نَامِنْ؟ مَاسْ تَرْضَارْتْ أَتْ تَسْكَرْتْ؟³¹ غَادْ إِزْرِينْ لَاجْدُودْ نَخْ شَانْ أَغْرُومْ نْ لَمَنْ غْ لَخْلَا، غَمْكَلِي سْ إِنَا وَرَانْ رَبِّي: إِفْكَايِسِندْ أَغْرُومْ غْ إِكْنَوَانْ مَادْ شَتَانْ». ³² إِنَّا يَسِينْ يَسُوعْ: «لَحَقْ دْ صَاحْتْ أَدَاوَنْ تَتِيخْ: أُورْدَ مُوسَى أَدَاوَنْدِ إِفَكَانْ أَغْرُومْ غْ إِكْنَوَانْ، وَلَائِنِي بَابَا وَحَدُوتْ أَدَاوَنْدِ يَكَانْ أَغْرُومْ إِحْقَاقْنِ غْ إِكْنَوَانْ.³³ أَشْكُو أَغْرُومْ نْ رَبِّي أَتْ إِكَانْ دْ وَلَيْدِ إِكْوَزْنِ غْ إِكْنَوَانْ أَرْ يَكَا تُورْرَتْ إِمْدَنْ». ³⁴ نَانْ أَسْ: «أَكَّا يَخْ أَسِيدِي أَغْرُومْ أَذْ غْ كَرِيْكَاتْ تَسَاعْتْ». ³⁵ إِنَّا يَسِينْ يَسُوعْ:

«نُكِّينْ أَيْكَانْ أَغْرُومْ نْ تُودْرْتْ. وَنَادَ دَرِي يُوشْكَانْ أُورْ سَارْتْ يَاغْ فَادْ. ³⁶ وَلَايْنِي نِيْخْ أُونْ يَادْ: هَتِي تُزْرَامِي سُولْ أُورْ سِرِي تُومِنْ. ³⁷ وَنَا بِيْدْ إِفْكَا بَابَا رَادَ دَرِي يَاشْكَ، وَنَادَ دَرِي يُوشْكَانْ أُورَاتْ سُوفْغَخْ سْبَرْ. أَشْكُو أُورْدَ كُوزْخْ غِ إِكْنَوَانْ دَأْ سَكَارْخْ أَيلِي رِيخْ، وَلَايْنِي أَفْدَ كُوزْخْ دَأْ سَكَارْخْ أَيلِي يِرَا وَلَيْيِدْ يُوزْنْ. ³⁸ بَابَا لَيْيِدْ يُوزْنْ إِرَا گِيْكِي: أَدْ أُورْ جُلُوخْ حَتَّا يَانْ غِ ولِيْيِي يِفْكَا، وَلَايْنِي أَيْرَا دَأْتَنْ كُلو سَنْكَرْخْ غِ لَمُوتْ غِ وَاسْ إِكْرَانْ. ⁴⁰ غُمْكَادْ أَيْرَا وَلَيْيِدْ يُوزْنْ: كُولْ مَايِزْرَانْ أَرَاؤْ نَسْ يَامِنْ سَرْسْ رَا دَارْسْ تِلِي تُودْرْتْ إِدُومِنْ، دَنْكِي رَاتِيدْ سَنْكَرْخْ غِ لَمُوتْ غِ وَاسْ إِكْرَانْ. ⁴¹

⁴¹ نُكِّرنْ أَدَيْنْ أَرْ فَلَاسْ سَوَالْنْ كَرَاتِسْنْ أَشْكُو إِنَايِسْنْ: «نُكِّينْ أَيْكَانْ أَغْرُومْ لَيْدْ إِكْوْزْنْ غِ إِكْنَوَانْ». ⁴² نَانْ أَسْ: «إِزْدْ أُورْدَ غُواَدْ أَيْكَانْ يَسُوعْ يُوسْنْ نْ يُوسْفْ؟ نُكِّني نِسْنْ بَابَا سَنْ أَلا مَاسْ، مَافْ أَزَا إِتِي هِيْ كُوزْخْ دَعْ إِكْنَوَانْ؟» ⁴³ إِوْجَبْ يَسُوعْ إِنَايِسْنْ: «أَدَالَكْ أُورْ نَسْكَنْكِيمْ كُرْتُونْ. ⁴⁴ هَانْ أُورْ إِرْضَارْ حَتَّا يَانْ دَأْ دَرِي يَاشْكَ إِغْتِيدْ دَرِي أُورْ بِوي بَابَا لَيْيِدْ يُوزْنْ، نُكِّي رَاتِيدْ سَنْكَرْخْ غِ وَاسْ إِكْرَانْ. ⁴⁵ هَتِي إِتِيُورَا غِ وَرَاتِنْ نْ لَانْبِيَا: رَاتِنْ كُلو إِسْلَمْ رَبِّي. كُولْ مَايِسْقَلِيدِنْ إِيَابَا إِلْمَدْ كِيسْ رَادَ دَرِي يَاشْكَ. ⁴⁶ أُورْدَ إِسْ إِلَّا مَايِزْرَانْ بَابَا، أُورْتْ إِزْرِي يَانْ أَبْلَا وَلَيْدْ يُوشْكَانْ دَارْ رَبِّي، نَتَّانْ إِيْزْرَانْ بَابَا. ⁴⁷ لَحَقْ دَصَاحْتْ أَدَوْنْ تِيْخْ: وَنَا سِرِي يُومِنْ تَلَّا دَارْسْ تُودْرْتْ إِدُومِنْ. ⁴⁸ نُكِّينْ أَيْكَانْ أَغْرُومْ نْ تُودْرْتْ. لَاجْدُودْ نُونْ شَانْ لَمَنْ غِ لَخْلَازَيِينْ مَتْنْ. ⁵⁰ غُواَدْ أَيْكَانْ أَغْرُومْ لَيْدْ إِكْوْزْنْ غِ إِكْنَوَانْ فْ أَكِيسْ إِشْ بَنَادْمَ أَسْوُلْ أُورْ إِمَتْ. نُكِّينْ أَيْكَانْ أَغْرُومْ إِدْرَنْ لَيْدْ إِكْوْزْنْ غِ إِكْنَوَانْ. يَانْ إِشَانْ غِ أَغْرُومْ دَأْ رَابِدَا إِدْرْ. أَغْرُومْ دَأْ لَيْ أَكَّاخْ، أَتْ إِكَانْ دَدَاتْ إِنُو لَيْ رَادَ سَبْلَخْ فْ مَدَنْ أَدَارْسْنْ تِلِي تُودْرْتْ». ⁵¹

⁵² نُكِّرنْ أَدَيْنْ أَرْ تَمْجِيدِنْ كَرَاتِسْنْ أَرْتِتِينْ: «مَمْنُكْ أَسْ رَادَاخْ إِفْكَ غُواَدْ دَدَاتْ نَسْ أَسْتْ نَشْ؟» ⁵³ إِنَايِسْنْ يَسُوعْ: «لَحَقْ دَصَاحْتْ أَدَوْنْ تِيْخْ: إِغْ أُورْ تَشِيمْ دَدَاتْ نْ يُوسْنْ نْ أَفْكَانْ تَسُومْ إِدَمِنْ نَسْ، أُورَا گِيُونْ تِلِي تُودْرْتْ. ⁵⁴ وَنَا إِشَانْ دَدَاتْ إِنُو إِسُو إِدَمِنْ إِنُو هَانْ تَلَّا دَارْسْ تُودْرْتْ إِدُومِنْ، نُكِّينْ رَاتِيدْ سَنْكَرْخْ أَسْ إِكْرَانْ. ⁵⁵ أَشْكُو دَدَاتْ إِنُو أَيْكَانْ مَتَشَا إِحْقَاقْنْ، إِدَمِنْ إِنُو أَيْكَانْ تَسِي يَحْقَاقْنْ. ⁵⁶ وَنَا إِشَانْ دَدَاتْ إِنُو إِسُو إِدَمِنْ إِنُو رَا گِيْكِي إِتِغِي، تَغِيْخْ كِيسْ. ⁵⁷ بَابَا لَيْيِدْ يُوزْنْ إِدْرْ، نَتَّانْ أَسْ دَرْخْ، غُمْكَانْ أَرَا سِرِي إِدْرْ وَنَايْ إِشَانْ. ⁵⁸ غُواَدْ أَيْكَانْ أَغْرُومْ لَيْدْ إِكْوْزْنْ غِ إِكْنَوَانْ، أُورْدَ لَمَنْ لَيْ شَانْ لَاجْدُودْ نُونْ زَائِيْنْ مَتْنْ. هَانْ يَانْ إِشَانْ أَغْرُومْ دَأْ رَابِدَا إِدْرْ». ⁵⁹ إِنَايِسْنْ يَسُوعْ مَيَادْ لَيْغْ أَيْسَلَمَادْ غِ أَكْرَاوْ غِ كَفِرَنَاحُومْ.

⁶⁰ لَيْغْ أَسْ سَقْلَنْ إِمْحَضَارْنْ نَسْ إِكْوْتْ مَكِيسْنْ إِنَانْ: «إِشْقَا وَوَالْ دَأْ! مَانُوا إِرْضَارْنْ أَدَاسْ إِسْقَلِيدِنْ؟» ⁶¹ لَيْغْ إِسْنْ يَسُوعْ دَإِخْ فْ نَسْ إِسْ أَسْكَنْكِيمْ إِمْحَضَارْنْ نَسْ فْ مَيَادْ، إِنَايِسْنْ: «إِزْدْ إِسْكُنْ إِسْمُوسَا وَوَالْ دَأْ؟ ⁶² مَمْنُكْ أَرَاتِكْمْ إِغْ تُزْرَامْ يُوسْنْ نْ أَفْكَانْ أَرْ يَقْلَاهْ سْ غَلِيْغْ تِيْنْ إِكَا غِ إِزْوُورْ؟ ⁶³ رُوحْ أَيْكَانْ تُودْرْتْ،

أَمَّا دَاتُ أُورْ كِيسْ لِفَائِتْ. أَوَالْ لِي سَرُونْ سَوَالْخُ نَتَانْ أَيْكَانْ رُوحْ إِكْ تُودْرْتْ. ⁶⁴ وَلَايْنِي لَانْ كُونْ وَلِي أُورْ تَامْنِينْ». أَشْكُو إِسْنْ يَسُوعْ غَمْنْ إِسْ إِزْوُورْ وَلِي سَرْسْ أُورْ تَامْنِينْ، يِسَانْ وَلِي رَاتْ إِزْنْزْ. ⁶⁵ إِزْأِيدْ غَوَالْ نَسْ إِنَايِسْنْ: «مِيَادْ أَفَاوْنْ نِيَخْ هَانْ أُورْ إِرْضَارْ يَانْ أَدْ دَرِي يَاشْكْ إِغْ أَسْ أُورْ إِفْكِي بَابَا مِيَانْ».

⁶⁶ غَمْنْ غَكُودَانْ أَدْ وَرِينْ كِيَكَانْ غِ إِمْحَضَارْنْ نَسْ تَغْرِضِينْ أُورْ سُولْ أَدِيدْسْ تَمُونْ. ⁶⁷ إِنَايِسْنْ يَسُوعْ إِسْيِينْ دْ مَرَاوْ لِي: «يَاكْ أُورْ تَرِيمْ أَنْدُومْ أَلَا كَنِي؟» ⁶⁸ إِوَاجْبِنْ سَمْعَانْ بُطْرُسْ إِنَايِسْنْ: «دَارْ مِيتْ أَسِيدِي أَسْ رَانْدُو؟ كَبِينْ أَدَارْ إِلَا وَالْ نْ تُودْرْتْ إِدُونْ». ⁶⁹ غَلَادْ نَكِي نُومْنْ نِسَانْ إِزْدْ كَبِينْ أَيْكَانْ لَمْسِيجْ يُوسْ نْ رَبِّي يَدِرْنْ». ⁷⁰ إِوَاجْبِنْ يَسُوعْ إِنَايِسْنْ: «إِزْدْ أُورْدْ نَكِينْ أَكَنْ إِسْتِينْ سْ سِينْ دْ مَرَاوْ؟ مَقَارْدْ غَمْكَانْ يَانْ كَتُونْ إِكَا شِيطَانْ!».

⁷¹ غَمْكَانْ إِنَاتْ فْ يَهُوذَا يَوْسْ نْ سَمْعَانْ لَسْخَرْيُوطْ، أَشْكُو نَتَانْ أَرَاتْ إِزْنْزْ مَقَارْ إِكَا يَانْ غِ سِينْ دْ مَرَاوْ لِي.

7

إِفْرْ وِيسْ سَأَ

¹ لِيَغْ إِزْرِي مِيَادْ أَرْ إِتَّكَا يَسُوعْ تَمَزِرْتْ نْ لَجْلِيلْ، أُورْ إِرِي أَيْكَ لَيْهُودِيَا، أَشْكُو أَرْ سِكِيلْنْ وَدَائِنْ أَتْ نَغْنْ.

² لِيَغْ يَكْمُورْ لَعِيدْ نْ إِحْشَاشْ دَارْ وَدَائِنْ، ³ نَانْ أَسْ أَيْتِمَاسْ: «مَتَّيْ غِيدْ تَدُوتْ سْ تَمَزِرْتْ نْ لَيْهُودِيَا أَدْ ثَرْنْ إِمْحَضَارْنْ نَكْ تَمَتَّارْ لِي تَسْكَارْتْ، ⁴ هَانْ أُورْ إِلِي كَرَا نْ يَانْ لِي يِرَانْ أَيْتِيُوسَانْ أَرْ سُولْ إِسْتَنَالْ أَيْلِي يَسْكَارْ. لِيَغْ أَتْسْكَارْتْ زُونْدْ لِيمُورْ أَدْ، سَبَايِنْدْ إِحْفْ نَكْ إِمْدَنْ».

⁵ أَشْكُو أَيْتِمَاسْ حَتَّا نَتَّي أُورْ سَرْسْ أُومَنْ. ⁶ إِنَايِسْنْ يَسُوعْ: «لُوقَتْ إِنُو أُورْتَا تَلْكَمْ، أَمَّا كَنِي لُوقَتْ نُونْ تَلْكَمْ بَدَا.

⁷ كَنِي أُورْ أَفِينْ مَدَنْ أَكَنْ حَشَانْ، وَلَايْنِي نَكِي حَشَانِي أَشْكُو أَرْ فَلَاسْنْ أَكَاخْ تُوكَأْ مَاسْ خَشْ لَافَعَلْ نَسْنْ.

⁸ زَيْدَاتْ أَنْ تَزِرِيمْ لَعِيدْ، نَكِينْ أُورْتَا رَانْ سَرْسْ أَشْكَخْ أَشْكُو لُوقَتْ إِنُو أُورْتَا تَلْكَمْ».

⁹ إِنَايِسْنْ مِيَادْ إِكَاؤْرْنْ غِ لَجْلِيلْ.

¹⁰ لِيَغْ إِلْمَا دَانْ أَيْتِمَاسْ سْ لَعِيدْ، إِدُو أَلَا نَتَانْ سْ تَتَنَلاً أُورْدْ إِيَابِينْ سْ مَدَنْ.

¹¹ نَكْرُنْ أَدَائِنْ أَرْتْ سِكِيلْنْ غِ لَعِيدْ أَنْ أَرْ سَقَسَانْ: «مَنِي إِكَا وَالِي؟» ¹² مَدَنْ سُوْكَتْنْ فَلَاسْ أَوَالْ، كَرَا كِيَتِسْنْ إِنَايِسْنْ: «وَادْ إِصْلَحْنْ أَيْكَا».

وِيَاضْ أَرْتِتِينْ: «أَهُوي إِسْ أَكَا إِجْلُو مَدَنْ».

¹³ وَلَايْنِي حَتَّا يَانْ أُورْ إِرْضَارْ أَفَلَاسْ إِسَوَالْ غِ لَكْدَامْ نْ مَدَنْ أَشْكُو كَصُوضَنْ غِ إِرِيَيَسْ نْ وَدَائِنْ.

¹⁴ لِيَغْ إِزْرِي مَنَاصَ غِ لَعِيدْ، يَاوْنْ يَسُوعْ سْ لَهِيَكْ أَرْكِيسْ إِسْلَمَادْ.

¹⁵ أَرْ تَعَجَّابِينْ وَدَائِنْ أَرْتِتِينْ: «مَمْنَكْ أَسْ إِسْنْ غُواَدْ أَرَاتِنْ نْ رَبِّي، أُورْ أَكْ إِغْرِي؟» ¹⁶ إِوَاجْبِنْ يَسُوعْ إِنَايِسْنْ: «الْمُودْ أَدْ لِي يَاوْنْ سَلَمَادْخْ أُورْ إِكِي وِنُو، وَلَايْنِي وِينْ وَلَيِيدْ يُوزْنْ أَيْكَا.

¹⁷ إِغْ إِرَا كَرَا نْ يَانْ أَيْسْكِرْ أَيْلِي يِرَا رَبِّي، هَتِي رَا يِسَانْ الْمُودْ أَدْ إِزْدْ دَارْ رَبِّي أَدْ إِكَا نَغْدْ إِسْ أَدْ كَا سَكَارْخْ أَوَالْ أَدْ غِ إِحْفْ إِنُو.

¹⁸ أَشْكُو وَنَادْ إِسْكَارْنْ أَوَالْ غِ إِحْفْ نَسْ

أَرْ إِسْكِيلْ أَيْفُكْ لِمَجْدٍ إِيْخُفْ نْسُ، وَلَايْنِي وَلَّيْ يِسِكِيلْ لِمَجْدُنْ وَلَيْتِيدْ يُوزْنَ، نُتَانْ أَيْغُزَانْ أُورْ كِيسْ إِلَيْ كُرَانْ لُغْشَ.¹⁹ مَاخْ أُورْ أُونْ إِفْكِي مُوسَى شَرْعَ؟ وَلَايْنِي حَتَّا يَانْ كِيوْنْ أُورَا سُرْسْ إِسْكَارِ! مَافَ أَتْسِكِيلْمْ أَيْ تَنْتَهْ؟»²⁰

²⁰ نَانْ أَسْ مُدْنَ لَيِ: «إِرْوَاسْ إِسْكِ إِمْلَكْ لِجْنَ. مَايِسِكِيلْ أَكْ إِنْغْ؟»²¹ إِوْاجْدَنْ يِسُوعْ إِنَّايسِنْ: «يَاتْ تَغُوسَا كَا أَدْ سُكْرُخْ، أَرْ كُلُو كِيسْ تَعْجَابَمْ. مُوسَى يُوْصَاكِنْ فْ لَخْتَانْ، وَلَايْنِي أُورْدَ مُوسَى أَدَارْدَ تَكَا، زُوْرَنْ يَادْ سُرْسْ لَاجْدُودْ نُونْ. كُنَيْ أَرْ تَخْتَانْ حَتَّا غْ وَاسْ نْ سَبْتَنْ. إِغْ أَتَخْتَانْ غْ وَاسْ نْ سَبْتَ فَادْ أُورْ تَرْزَمْ شَرْعَنْ مُوسَى، مَافَ زَا فَلِي نَقْقَعَامْ لِيغْ جِيْخْ أَرْكَازْ كُلُوتْ غْ وَاسْ نْ سَبْتَ؟»²⁴ أَدْ أُورْ تَحْكَامْ سْ أَدْمَأْوَنْ وَلَايْنِي حَكْمَاتْ سْ لَحَقَ».

²⁵ غَكُودَانْ أَيْسْ نَانْ كُرَانْ أَيْتْ أُورْشِلِيمْ: «إِزْدَ أُورْدَ غُواَدْ أَيْلِي سَا سِكِيلْنَ أَتْ نَغْ؟»²⁶ هَتِي أَرْ إِسَوَالْ غْ لُكْدَامْ نْ مُدْنَ أُورَاسْ نِينْ يَاتِ؟ إِزْدَ إِسْ إِلَمَا حَقَاقَنْ إِلْمُغُورَنْ نَخْ إِزْدَ غُواَدْ أَيْكَانْ لَمَسِيحَ؟²⁷ وَلَايْنِي لَمَسِيحْ إِغْدِ يُوشْكَا حَتَّا يَانْ أُورَا يِسَانْ أَمَانْ أَيْكَا، نَكْنِي هِيَاخْ نَسَنْ غُواَدْ أَمَانْ أَيْكَا».

²⁸ يَالْ يِسُوعْ أَوَالْ نَسْ أَرْ إِسْلَمَادْ غْ لَهِيَكْلَ، إِنَّايسِنْ: «تَسْتَمِيِي تَسْتَنْ مَنِيدْ كِيخْ. أُورْدَ أَشْكِيَخْ غْ دَارْ إِخْفْ إِنُو، وَلَايْنِي وَلَيْيِدْ يُوزْنَ لَحَقَ أَيْكَا، كُنَيْ أُورْتْ تَسْتَنْ.»²⁹ وَلَايْنِي نَكِي سَتْخَتْ، أَشْكُو دَارْسْ أَغْدِ أَشْكِيَخْ دْ نَتَانْ أَيَّيَدْ يُوزْنَ».³⁰ أَرْ إِلَمَا سِكِيلْنَ أَتْ أَمْرَنْ، وَلَايْنِي حَتَّا يَانْ أُورْنَ سُرْسْ إِكِي أَفُوسْ نَسْ أَشْكُو لُوقَتْ نَسْ أُورْتَانَا تَلْكَمْ.³¹ يِكُوتْ مَاسِرْسْ يُومَنْ غْ مُدْنَ لِينْ مُونِينْ، أَرْتَتِنْ: «مَاخْ إِغْدِ أَكْ يُوشْكَا لَمَسِيحْ إِسْ رَأِيْسَكَارْ تَمَتَارْ أَكَلْرَنْ خَتِيدْ لَيِ يِسْكَارْ أَرْكَازْ أَدْ؟»

³² سَقْلَدْنَ لَفَرِيْسِيَّيْنِ إِمْدَنْ أَرْ فَلَاسْ سُكْرُكُوشْنَ سْ مَيَادِ، نَكْرُنْ نَتْتِي دْ إِرِيَاسْنَ نْ إِنْبَدَادْنَ أَزْنَ إِمْخُزِنِينْ أَتْ أَمْرَنْ.³³ إِنَّايسِنْ يِسُوعْ: «كُرَا إِدْرُوسْنَ كَا أَرَا سُولْ دِيدُونْ كَخْ، أَكَانْ دُوْخْ سْ دَارْ وَلَيْيِدْ يُوزْنَ.

رَادِيِّ سُولْ تَسِكِيلْمْ أُورَأَيِّ تَافِمْ، دْ غِلِيَغْ رَادْ إِلِيَخْ أُورْ تَرْضَارَمْ أَنْ سُرْسْ تَاشْكَمْ».³⁵ أَرْتَتِنْ أَدَيْنْ كَرَاتِسْنِ: «مَنِي سْ إِنُوا غُواَدْ أَسَرْسْ إِدُو أَيَّلِيغْ أُورَاتَ نَافِ؟ يَاكْ أُورْدَ إِسْ رَا يِدُو سْ غِلِيَغْ مَزْرَنْ أَيَّدَارْنَخْ غْ كَرْ أَيْتْ لِيُونَانْ أَتَنْ إِسْلَمَادْ؟»³⁶ مَيْكَانْ: رَا سُولْ سِرِيِّ تَسِكِيلْمْ أُورَأَيِّ تَافِمْ، غِلِيَغْ رَادْ إِلِيَخْ أُورْ تَرْضَارَمْ أَنْ سُرْسْ تَاشْكَمْ؟»³⁷

³⁷ أَسْ إِكَرَانْ لَيِ يِكَانْ أَسْ مُقْوَرْنْ غْ لَعِيدْ إِبِيدْ يِسُوعْ يَالْ أَوَالْ نَسْ، إِنَّايسِنْ: «يَانْ يَا غْ فَادْ يَاشْكُدْ سْ دَرِي أَيْسُو.»³⁸ يَانْ سِرِيِّ يُومَنْ رَادْ تَازَّالْنَ إِسَافَنْ نْ وَمَانْ دَرِتِنْ غْ وَأَكْنِسْ نَسْ، غُمْكَلِي سْ إِنَا وَرَا نْ رَبِّي».³⁹ مَيَادِ إِنَّاتْ فْ رُوْخْ لَيِ رَا سُولْ أَمْرَنْ وَلَّيِ سُرْسْ أَمْنِينْ، أَشْكُو رُوْخْ لَقُسْ أُورْتَانَا يَا سِنْ إِتْفَكِي، دْ يِسُوعْ غَكُودَانْ أُورْتَانَا إِتْمَجَدْ.»⁴⁰ لِيغْ سَقْلَدْنَ مُدْنَ لِينْ مُونِينْ إِوَالْ أَدْ، يِكُوتْ مَكِيسْنِ إِنَانْ: «إِصْحَا إِزْدَ غُواَدْ أَيْكَانْ نَبِيِّ لَيِ سْ أَنْتَقَلْ».»⁴¹ وَيَاضْ نَانْ: «غُواَدْ أَيْكَانْ لَمَسِيحَ!» وَيَاضْ يَضْنِينْ نَانْ: «مَاخْ إِزْدَ

تَمَرِّرْتُ نَ لَجَلِيلْ أَغْ رَادْ يَاشْكْ لَمَسِيْح؟⁴² مَاخْ أُورْ إِنْي وَرَانْ رَبِّي إِزْدْ أَفُوسْ نَ دَاوْدْ غَ بَيْتْ لَهْمْ لَيْ يُكَانْ لَمُوضَعْ لِيغْتِينْ إِكَّا دَاوْدْ، أَغْ رَادْ يَاشْكْ لَمَسِيْح؟⁴³ أَكَانْ بَضُونْ مَدْنْ أَنْ فْ سَبْتْ نَسْ. ⁴⁴ إِرِينْ كَرَا كِيسْنْ أَتْ أَمْزِنْ، وَلَائِنِي حَتَّا يَانْ أُورْنْ سَرْسْ إِكِي أَفُوسْ نَسْ.

⁴⁵ أَصُونْ إِمْخَرْنِينْ لَيْ سَ دَارْ إِرِيَاسْنْ نَ إِنْدَادْنْ دَ لَفَرِيَسِيْنْ، نَانْ أَسْنْ: «مَاخْ أَتِيدْ أُورْ تَوِيمْ؟»⁴⁶ نَانْ أَسْنْ إِمْخَرْنِينْ لَيْ: «أُورْ جُونْ إِلَي مَايِسُولَنْ غَمْكِلِي يِسَوَالْ أَرْكَازْ أَنْ!»⁴⁷ نَانْ أَسْنْ لَفَرِيَسِيْنْ: «يَاكْ أُورْدَدْ إِسْ إِلَّا مَاسِرْسْ يُومَنْ غَ إِرِيَاسْنْ نَخْ أَلَا غَ لَفَرِيَسِيْنْ؟⁴⁹ وَلَائِنِي مَدْنْ أَدْ لَيْ أُورْ فَهْمَنِينْ شَرْعْ، هَتِي تُكُوزْدْ فَلَاسْنْ نَعْلَتْ». ⁵⁰ إِسْقَسَاتْ نِيكُودِيمُوسْ لِيدْ إِكَانْ دَارْ يِسَوْعْ ضَيْيَضْ إِكْ يَانْ غَ لَفَرِيَسِيْنْ إِنَّا يَسْنْ: ⁵¹ «مَاخْ شَرْعْ نَخْ أَرْ إِلَوْحْ لَحُوكْمْ فَ كَرَا نَ يَانْ لَيْ مَ زَوارْ أُورْ إِسْفَلْدْ أَيَسَانْ مَايِسْكَرْ؟». ⁵² نَانْ أَسْ: «يَاكْ أُورْدَدْ إِسْ تَكِيتْ الْجَلِيلْ أَلَا كِيْنْ؟ زَايْدْ سِيَكْلْ هَتِي رَانْ تَافتْ إِسْ أُورْ إِلَي كَرَا نَ نَبِي لَيْ يُكَانْ الْجَلِيلْ». ⁵³ إِدُو إِلَمَا كُرِيَكَاتْ يَانْ سَ تَكْمِي نَسْ.

8

إِفْرِ وِيسْ تَامْ

¹ وَلَائِنِي يِسَوْعْ إِدَا سَ أُورِيرْ نَ تَزِيْنْ. ² زِيكْ صَبَاحْ إِنْكُرْ يَضُودْ سَ لَهِيْكْلْ، أَشْكَنِينْ كُلُّو دَارْسْ مَدْنْ، إِكَّا لَرْتْنْ إِسْلَمَادْ. ³ أَوِينَاسْدْ إِسْلَمَادْنْ نَ شَرْعْ دَ لَفَرِيَسِيْنْ يَاتْ تَمَغْرَتْ تَيَمَّاْزْ فْ زَنَا، سِيَيْدَنْتْ غَ لَكْذَامْ نَ مَدْنْ، ⁴ نَانْ أَسْ: «تَمَغْرَتْ أَدْ أَسِيْدي، تَيَمَّاْزْ أَرْ تَزِنُو. ⁵ نَكِي يُوصَائِخْ مُوسَى غَ شَرْعْ أَنْرَجْمْ تَنَا إِكَانْ زُونْدْ خَتَادْ، كِيْ مَكِيْسْ تَتِيْتْ؟» ⁶ نَانْ أَسْ مِيَادْ فَاتْ أَرْمَنْ، أَدْ إِلَمَا أَفْنْ كَرَا نَ مَاسَ أَفْلَاسْ تَشَكَّانْ، وَلَائِنِي يِسَوْعْ إِزْنْرْ أَرْ إِتَرَا سَ أَصَاضْ نَسْ غَ وَكَالْ. ⁷ لِيغْ أَتْ كَا سُولْ سَقَسَانْ إِنْدِ إِنَّا يَسْنْ: «وَنَا جُونْ كِيُونْ أُورْ إِعْصِينْ، إِزْوُورْ إِسْتْ يُوتْ سَ أَزْرُو». ⁸ إِكْنُو دَاخْ أَرْ إِتَرَا غَ وَكَالْ. ⁹ نَتِي لِيغْ سَفَلْدَنْ إِبْلِيُونْ أَدْ أَرْتْنْ إِطْرِي إِحْفْ نَسْ، أَرْ تَقْوَغْنْ يَانْ سَ يَانْ، زَوارْنْ إِفْقِيرْنْ نَسْ ضَفْوَرْتِتِيْنْ غُويْنْ يَضْنِينْ. إِغْمَادْ يِسَوْعْ وَحَدُوتْ تَمَغْرَتْ لَيْ غَمْكِلِي تَبِيْدْ غَ تَرْوَمْتْ نَ غِينْ. ¹⁰ يَالَّدْ يِسَوْعْ إِحْفْ أُورْ يِنِي حَتَّا يَانْ بَلَا تَمَغْرَتْ لَيْ، إِسْقَسَاتْ: «مَانْزا وَلِي فَلَامْ تَشَكَّنِينْ أَتَمَغْرَتْ؟ إِزْدْ أُورْ فَلَامْ يُوتْ يَانْ لَحُوكْمْ؟» ¹¹ تَتِيْسْ: «حَتَّا يَانْ أَسِيْدي!» إِنَّا يَسْنْ يِسَوْعْ: «أَلَا نَكِي، هَانْ أُورَا فَلَامْ أُوتْخْ لَحُوكْمْ. زَايْدْ وَلَائِنِي أَسُولْ أُورْ تَعْصُوتْ».

¹² إِسَاؤْلْ دَاخْ سَرْسِنْ يِسَوْعْ إِنَّا يَسْنْ: «نَكِينْ أَيْكَانْ تَقاوْتْ نَ دُونِيتْ. وَنَايِ إِضْفُورْنْ أُورَا إِزْكِيزْ غَ تَلَاسْ، وَلَائِنِي رَا دَارْسْ تِلِي تَقاوْتْ نَ تُودْرَتْ». ¹³ نَانْ أَسْ لَفَرِيَسِيْنْ: «هَا كِينْ أَرْ تَكَاتْ تُوكَأْ فِي إِحْفْ نَكْ، تُوكَأْ نَكْ أُورْ زَرِينْتْ». ¹⁴ إِواجِيدْ يِسَوْعْ إِنَّا يَسْنْ: «مَقَارْ إِيْكَاخْ تُوكَأْ فِي إِحْفْ إِنُو، تُوكَأْ نُو صَحَانتْ أَشْكُو سَنْخْ مَنِيدْ كِيْخْ أَلَا مَنِي سَ رَادْ دُوخْ. وَلَائِنِي كِيْيِ أُورْ تَسِيْنْ مَنِيدْ كِيْخْ أَلَا مَنِي سَ رَادْ دُوخْ. ¹⁵ كِيْيِ أَرْ تَحْكَامْ سَ لَعْبَارْ نَ بَنَادْمْ، أَمَا نَكِي أُورَا كِيْتْخْ لَحُوكْمْ فِي يَانْ. ¹⁶ إِغْ أَيَاكْ تَحْكَامْخْ، لَحَكَامْ إِنُو گَانْ لَحَقْ

أشكُو أورا تحكمخ وحدوي، إلا ديدي بابا ليبيد يوزن.¹⁷ ياك إلا غ شرعنون إس زرينت توگان سين مدن:¹⁸ نكي أر أكاخ توگاف إخف إنو، أر فلي يكا بابا ليبيد يوزن تياض.¹⁹ نان اس: «مانزا باباك؟»
أوجبند يسوع، إنائيسن: «أوري نستم لا نستم بابا. ملاد إسي نستم س نستم بابا لا ننان».
²⁰ إنائيسن يسوع أوال آديغ أتن إسلاماد غ لهيكل غ تمان صندوق، ولايني أورت يومز حتا يان أشكُو لوقت نس أورتانا تلكم.

²¹ إنائيسن داخ يسوع: «هي راد دوخ، راسول سري تسجيلم ولايني راتتم غ دنوب نون. غلي س راد دوخ نكي أور ترضارم كني ان سرس تاشكم». ²² نان اداین لي: «ياك أوردد إس رايغ إخف نس آيلين آينتي: غلي س راد دوخ نكي أور ترضارم كني ان سرس تاشكم؟»²³ إنائيسن: «كني تكام غ آيت إزدار، ولايني نكي آيت أفلاغ گيخ. كني تكام غ آيت دونيت آد، ولايني نكين أوردد آيت دونيت آد أغ گيخ. غان آف أون نيخ: هان راتتم غ دنوب نون، أشكُو إغ أور تومنم إزد نكين أيگان وللي س ايون تتيخ، راتتم غ دنوب نون».²⁵ نان اس: «ماتكىت؟» إنائيسن: «أيلي س ايون تتيخ غمن إس إزوور. إلا سول دري كيگان ما فلاون تتيخ د كيگان ن ماس فلاون تحكمخ. ولايني ولبيد يوزن إغا لحق، أيلي م دارس سفلداخ آد تتيخ إمدن».²⁷ ولايني ننتي أور فهمن إزد باباتخ آف إسوال.²⁸ إنائيسن يسوع: «إغ توكلم بوس ن افگان غکودان آرا تسانم إزد نكين أيگان غولي سايون تتيخ، أوراد سکارخ يات غ إخف إنو ولايني آيلبي إملا بابا اس أسوالخ».²⁹ ولبيد يوزن إلا بدآ ديدي، أوراي إفال بابا وحدوي، أشكُو أر بدآ سکارخ س لخاطر نس».

³⁰ ليع ايسوال يسوع ف تغوسين آد، أومن سرس كيگان د مدن. ³¹ إنائيسن إوداين لي سرس أمتنين: «إغ تومرم غ ووال إنو، راتكم إمحضارن إنو حققين،³² راتسانم لحق، لحق ان أراكن إسدرفو». ³³ نان اس: «نكتي أمودن إيراهيم انگا، أور جون نجي يسمگان ييان! ماف آيخ زا تيت: راندرفو؟»³⁴ اواجبند يسوع إنائيسن: «لحق د صاحت آداون تتيخ: کول مایسکارن دنوب هان إسمگ ن دنوب أيگا. إسمگ أورا بدآ إتعما غ تكمي، ولايني أراؤن ن تكمي أر بدآ گيس إتعما. ³⁶ إعكن إسدرفا وراؤ، راتكيم ويد درقين س تحقيق.³⁷ ستخ إزد أمودن إيراهيم آتكام، ولايني أر تسجيلم اي تتغم أشكُو أور تقبلم أوال إنو.³⁸ نكي أر تتيخ آيلي ژريخ غ دار بابا، كني أر تسکارم آيلي تشرام غ دار باباتون». واجبند نان اس: «باباتخ آت إكان د إيراهيم». إنائيسن يسوع: «ملا تكام تروا ن إيراهيم س اتسکارم آيلي يسکار إيراهيم.⁴⁰ ولايني كني غلاد آر تسکيلم اي تتغم، مقار گيخ افگان لي ياون إساولن ف لحق لي ميد سفلداخ غ دار ربى، إيراهيم أور إسکر غمکان.⁴¹ كني أر تسکارم لافعال ن باباتون». نان اس: «أور نجي تروا ن زنى. يان باباتخ آدارنخ إلان آت إگان د ربى».

إِنَّا يَسْنُ يَسْوَعْ: «مَلَادَ إِنْ إِكَا رَبِّي بَابَاتُونْ سْ دَرُونْ عَزِيْخْ، أَشْكُو دَارْ رَبِّي أَغْدْ فُو غُخْ أَشْكَحْ غْ دَارْسْ، أُورْدْ أَشْكِيْخْ غْ دَارْ إِخْفْ إِنُو وَلَايْنِي نَتَنْ أَيْيَدْ يُوزْنْ. ⁴³ مَاخْ أَدْ أُورْ تَفَهَامْ أَوَالْ إِنُو؟ أَشْكُو أُورْ تَرْضَارْمْ أَتْسَقْلَمْ إِوَالْ إِنُو. ⁴⁴ كُنْيِي وَبِنْ بَابَاتُونْ أَتَكَامْ أَتْ إِكَانْ دِ إِلَيْسْ، شَهَوَاتْ نْ بَابَاتُونْ أَتْرَامْ أَتَتْ تُسْكَارْمْ. نَتَنْ أَيْكَانْ وَلَيْ يِنْقَانْ مَدْنْ إِسْ إِزْوُورْ، أُورْ جُونْ إِتَّغِي غْ لَحَقْ أَشْكُو أُورْ كِيسْ إِلَيْ لَحَقْ. أَرْ إِسْكِرْكِيسْ أَشْكُو أُورَادْ إِطَايْ أَبْلَا أَيْلَيْ كِيسْ، إِكَا بُويْكِرْكَاسْ إِكْ بَابَاسْ نْ تُكْرَكَاسْ. ⁴⁵ وَلَايْنِي نَكِينْ أُورِيْ تُومَنْ أَشْكُو أَرْ تَتِيخْ لَحَقْ. ⁴⁶ مَانُوا كِبُونْ أَرَا فَلِي إِصْحُو إِسْ جُونْ عَصِيْخْ؟ وَلَايْنِي إِغْ أَتَتِيخْ لَحَقْ مَافْ زَا سَرِيْ أُورْ تُومَنْ؟ ⁴⁷ وَنَا إِكَانْ وَبِنْ رَبِّي، أَرْ إِسْقَلِيدْ إِوَالْ نْ رَبِّي. كُنْيِي أُورَا سَرْسْ تُسَقْلِيدْمْ أَشْكُو أُورْ تَكِيمْ وَبِنْ رَبِّي».

وَاجْبَنْدْ أَدَائِنْ نَانْ أَسْ: «إِنْ أُورْ نَغْرَانْ إِغْ أَكْ نَنَا أُوسَامِرَا أَتَكَيْتْ إِكْشِمَكْ كَرَا نْ لَجْنْ؟» ⁴⁹ إِنَّا يَسْنُ يَسْوَعْ: «أُورْدْ لَجْنْ أَيْ يَكْشِمْنْ، إِسْ أَتْمَجَادْخْ بَابَا، كُنْيِي تُحَكْرِمِي. ⁵⁰ نَكِينْ أُورَا سِكِيلْخْ لَمْجَدْ إِيْخْ إِنُو، إِلَّا وَلَيْ رَائِيْتْ إِسِيْكَلْ. نَتَنْ أَيْكَانْ بَابْ نْ لَحَكَامْ. ⁵¹ لَحَقْ دْ صَاحْتْ أَدَأَوْنْ تَتِيخْ: هَانْ وَنَا إِسْكَارْنْ سْ وَوَالْ إِنُو أُورْ سَارْ رَا يِزْرْ لَمُوتْ. ⁵² نَانْ أَسْ وَدَائِنْ: «غَلَادْ حَرَا إِلَمَا نَسْنِ إِسْكْ إِكْشِمْ كَرَا نْ لَجْنْ. إِبْرَاهِيمْ إِمُوتْ مَتْنْ لَانِيَيَا أَرْ سُولْ تَتِيتْ كِيْنِ: وَنَا إِسْكَارْنْ سْ وَوَالْ إِنُو أُورَا سَارْ إِزْرْ لَمُوتْ. ⁵³ مَاخْ إِسْ تُوكِرْتْ بَابَاتِخْ إِبْرَاهِيمْ لَيْ يَمُوتْنْ، أَلَا لَانِيَيَا لَيْ مُوتِينْ؟ مَاسْ تَغَالْتْ إِسْتْ تَكِيْتْ؟» ⁵⁴ إِوَاجْبَنْدْ يَسْوَعْ، إِنَّا يَسْنُ: «إِغْ أَتْمَجَادْخْ إِخْ إِنُو، لَمْجَدْ إِنُو أُورْ إِكِيْ يَاتْ، وَلَايْنِي بَابَا نَتَنْ أَيْ يَتْمَجَادْنْ. كُنْيِي أَرْ تَتِيمْ نَتَنْ أَيْكَانْ رَبِّي نُونْ، ⁵⁵ وَلَايْنِي أُورْتْ تَسْنِمْ، نَكِيْ سَنْخَتْ. إِغْ نِيْخْ أُورْتْ سَنْخْ رَادْ كَخْ بُو يِكْرَكَاسْ زُونْدْ كِنِيْ. وَلَايْنِي نَكِيْ، سَنْخَتْ أَرْ سَكَارْخْ سْ وَوَالْ نِسْ. ⁵⁶ بَابَاتُونْ إِبْرَاهِيمْ يَوِي بَدَا رَجَا إِبْرِرْ أَسْ إِنُو، لَيْغُتْ إِزْرَا إِفْرَخْ سَرْسْ». ⁵⁷ نَانْ أَسْ وَدَائِنْ: «أُورْتَا أَكْ تَكِيْتْ سِينْ إِدَ عَشْرِينْ دَمْرَاوْ نْ أُسْكَاسْ أَرْ تَتِيتْ تَرِيرِيتْ إِبْرَاهِيمْ؟» ⁵⁸ إِنَّا يَسْنُ يَسْوَعْ: «لَحَقْ دْ صَاحْتْ أَدَأَوْنْ تَتِيخْ: لَيْغُ أُورْتَا إِلَيْ إِبْرَاهِيمْ أَدْ لَيْخْ نَكِيْ». ⁵⁹ أَسِينْ إِزْرَانْ أَتْ رَجْمَنْ، وَلَايْنِي يَسْوَعْ إِنْتْ إِفْغَدْ غْ لَهِيْكَلْ إِدوْ.

9

إِفْرِ وِيسْ طَرَزا

¹ لَيْغُ إِكَا يَسْوَعْ أَغْرَاسْ، أَرْ إِتَّنَيْ يَانْ أَرْكَازْ إِكَا أَبْكَاضْ غَمْنْ لَيْغُ حَرَادْ إِلَولْ. ² سَقَسَانْتْ إِمْحَضَارْنْ نَسْ نَانْ أَسْ: «مَانُوا أَسِيدِي إِعْصَانْ؟ إِزْدْ غَوَادْ نَغْدْ وَلِيتْ أَرُونِينْ، أَيْلِيغْدْ إِلَوَالْ إِكَا أَبْكَاضْ؟» ³ إِوَاجْبَنْدْ يَسْوَعْ إِنَّا يَسْنُ: «أُورْدْ إِسْ إِعْصَا غَوَادْ أَلَا وَلِيتْ أَرُونِينْ، وَلَايْنِي أَفْ إِكَا غَمْكَانْ دَأَدْ كِيسْ تَبَانِنْ تُوُورِي نْ رَبِّي. ⁴ إِلَّا فَلِي أَدْ سَكَارْخْ تُوُورِي نْ وَلَيْيَدْ يُوزْنْ مَاحْدْ إِكَا لَحَالْ أَرَالْ. أَشْكُو رَادْ يَاشْكِ ضَنِيْضَنْ لَيْغُ أُورْ إِزْضَارْ يَانْ أَسُولْ إِسْكَرْ يَاتْ. ⁵ مَاحْدْ لَيْخْ سُولْ غْ دُونِيتْ، هَانْ نَكِينْ أَيْكَانْ تِفاوْتْ نْ دُونِيتْ».

⁶ لِيْغُ إِنَا مِيَادِ إِسْوَفْسُونْ غُوكَالْ، يَاضْرُ تَلَاغْتُ سِنْ إِلوْسَمَانِ إِمْسِلْ سِرْسُنْ الَّنْ نَأْبُكَاضْ لَيْ، ⁷ إِنَّايسْنْ: «زَائِدْ سِيرْدْ غُإِفْرُضْ نَسْلُوَامْ» لَيْ مِإِكَا لَمَعْنَا نِسْ وَلَيْدِ إِتِّيَانْ. إِدُو إِسِيرْدْ كِيسْ بِوْرِيدْ يِسْقِيُو إِلَمَا.

⁸ نَكْرُنْ وَدَجَارْنْ نِسْ دَوْلِيْ تِنِنْ كِينْ أَرْتُ زَرِانْ لِيْغُ سُولْ إِكَا أَبُكَاضْ، أَرْ سَقْسَانْ أَرْتِتِنْ: «إِزْدْ أُورْدْ غُواَدْ أَسْتِنْ إِكَانْ أَرْ إِتِّكَوِيرْ أَرْ إِتِّمَرْ؟» ⁹ كِرَا كِيتِنْ أَرْ إِتِّي: «نَتَانْ أَيْكَا». وَيَاضْ أَرْتِتِنْ: «إِسْتْ كَا إِرْوَاسْ». وَلَائِنِي نَتَانْ إِنَّايسْنْ: «نِكِينْ أَتْ إِكَانْ!» ¹⁰ نَانْ أَسْ: «مَمْنُكْ أَتِسْكُرْتْ أَيْلِيْغُ نُورِرْمَنْتْ وَالَّنْ نَكْ؟» ¹¹ إِوْاجِبْدْ إِنَّايسْنْ: «أَرْكَازْ لَيْ مِتِنِنْ يِسْوَعْ أَيُوْضَرْنْ كِرَا نَتَلَاغْتْ إِمْسِلْ سِرْسُنْ الَّنْ إِنُو إِنَّايسْ: زَائِدْ سِنْ إِفْرُضْ نَسْلُوَامْ سِيرْدْ كِيسْ. دُوْخْ سِيرْدَخْ دَكِيسْ يِسْقِيُو خْ» ¹² نَانْ أَسْ: «مَانِزَاتْ؟» إِنَّايسْنْ: «أُورْ سَنْخْ». ¹³ أَوِينْ أَرْكَازْ أَنْ لَيْ تِنِنْ إِكَانْ إِكَا أَبُكَاضْ سَدَارْ لَفَرِيْسِيَّنْ. ¹⁴ إِكْ لَحَالْ أَسْ نَسْبَتْ لِيْغُ بِوْضَرْ يِسْوَعْ تَلَاغْتْ إِرْزْمُ الَّنْ نَأَرْكَازْ أَنْ. ¹⁵ سَقْسَانْتْ لَفَرِيْسِيَّنْ أَلَا نَتِنْيِي مَمْنُكْ أَيِسْكُرْ أَيْلِيْغُ إِسْفَاوْ، إِنَّايسْنْ: «إِمْسِلْ تَلَاغْتْ إِوَالَّنْ إِنُو سِيرْدَخْ يِسْقِيُو خْ» ¹⁶ نَانْ كِرَا غُلَفَرِيْسِيَّنْ: «أَرْكَازْ أَدْ أُورْ إِكِيْ وَبِنْ رَبِّيْ، أَشْكُو أُورْ أَيِسْكَارْ سَوَاسْ نَسْبَتْ». وَيَاضْ نَانْ: «مَمْنُكْ أَسْ إِرْضَارْ أَرْكَازْ إِتِّعَصُونْ أَيِسْكُرْ زُونْدْ تِمَارْ أَدْ؟» إِكَانْ بِضُونْ كَرَاتِنْ. ¹⁷ نَانْ أَسْ دَاخْ إِوْبِكَاضْ أَنْ: «مَافِلَاسْ تِتِيتْ كِينْ لَيْ مِإِرْزْمُ الَّنْ؟» إِنَّايسْنْ: «تَبِيْ أَيْكَا!» ¹⁸ وَلَائِنِي أَدَائِنْ أُورْتْ أَوْمَنْ إِسْتِنْ إِكَا إِكَا أَبُكَاضْ يِسْفَاوْ إِلَمَا، أَيْلِيْغُدْ غُرَانْ إِوْلِيتْ أَرُونِينْ. ¹⁹ سَقْسَانْتْ، نَانْ أَسْ: «إِزْدْ بِوْتُونْ لَيْ سَاتِتِيمْ إِلَوْلَدْ إِكَا أَبُكَاضْ أَيَادْ؟ مَمْنُكْ زَا أَيِسْكُرْ أَيْلِيْغُ إِسْقَاوْ غَلَادْ؟» ²⁰ وَاجِبْدْ لَوْلَدِائِنْ نِسْ نَانْ أَسْ: «نِكِينْ نِسْنْ غُواَدْ إِزْدْ بِوْتُونْخْ أَيْكَا، نِسْنْ إِسْدْ إِلَوْلَدْ إِكَا أَبُكَاضْ، وَلَائِنِي أُورْ نِسْنْ مَمْنُكْ أَسْ إِسْقَاوْ غَلَادْ، أَلَا نِسْنْ مَادَاسْ إِرْزْمَنْ الَّنْ نِسْ. سَقْسَايَتْ هَتِنِنْ إِلَا لَعَقْلْ نِسْ، إِرْضَارْ أَيِسَّاَوْلْ فَإِحْفْ نِسْ» ²². نَانْ أَسْنْ لَوْلَدِائِنْ نِسْ غُمَكَانْ أَشْكُو كَصُوضَنْ غُإِمْغَارْنْ نَأُودَائِنْ. أَشْكُو أَدَائِنْ فَكَانْ لَعَهْدْ إِنِّيَنْ كَرَاتِنْ إِزْدْ وَنَانْ إِقْرَانْ إِزْدْ يِسْوَعْ أَيْكَانْ لَمَسِيْحْ رَاتْ سُوفْغَنْ غُأَكْرَاوْ. ²³ مِيَادْ أَفْ أَسْنْ نَانْ: «سَقْسَايَتْ هَتِنِنْ إِلَا لَعَقْلْ نِسْ».

²⁴ غُرْنِدْ دَاخْ إِوْرِكَازْ أَنْ لَيْ سَتِنْ إِكَانْ إِكَا أَبُكَاضْ، نَانْ أَسْ: «كَالْ سَرْبِيْ أُورْ تِتِيتْ أَبْلَا لَحَقْ، إِمَا أَرْكَازْ أَنْ نِسْنْ إِزْدْ أَمْعَصِيْ أَيْكَا!» ²⁵ إِوْاجِبْدْ أَرْكَازْ لَيْ يِنَّايسْنْ: «نِكِينْ أُورْ سَيْنِخْ إِسْ إِكَا أَمْعَصِيْ أَلَا إِسْتْ أُورْ إِكِيْ، وَلَائِنِي يَاتْ تَغُوسَا أَدْ سَنْخْ، كِيْخَتِنْ بُوكَضْخْ غَلَادْ هَيْ سَفَاوْخْ» ²⁶. نَانْ أَسْ دَاخْ: «مَادَاكْ إِسْكُرْ؟ مَمْنُكْ أَسَالَكْ إِرْزْمُ الَّنْ نَكْ؟» ²⁷ إِوْاجِبْدْ إِنَّايسْنْ: «نِيْخْ أَوْنِتْ يَادْ وَلَائِنِي أُورِيْ تَسْفَلَمْ، مَاخْ أَيْلِيْغُ تَرَامْ أَيِسْ دَاخْ تَسْفَلَمْ؟ يَاكْ أُورْدِ إِسْ تَرَامْ أَتِكْمْ إِمْحَضَارْنْ نِسْ أَلَا كَنِيْ؟» ²⁸ أَرْتْ إِلَمَا رَكْمَنْ، نَانْ أَسْ: «كِيْ أَيْكَانْ أَمْحَضَارْ نَغُوانْ، إِمَا نِكِينْ إِمْحَضَارْنْ نَمُوسَيْ أَنْكَانْ» ²⁹. نِكِينْ نِسْنْ إِسْدْ إِسَأَوْلْ رَبِّيْ سَمُوسَيْ، أَمَا غُوانْ أُورْ نِسْنْ مَنِيدْ إِكَا! ³⁰ إِسَأَوْلَدْ أَرْكَازْ لَيْ، إِنَّايسْنْ: «لَعْجَبْ أَيْنَا لِيْغُ أُورْ تَسْنِمْ مَنِيدْ إِكَا! مَقَارْ إِرْزْمُ الَّنْ إِنُو» ³¹. نِسْنْ رَبِّيْ إِسْ أَورْ إِسْقَلِيدْ إِوْلِيْ عَصَنِينْ، وَلَائِنِي يَانْ إِكْصُوضَنْ رَبِّيْ أَرْ إِسْكَارْ أَيْلِيْ يِرَا،

غۇانْ أَمْ إِسْقَلِيدْ. ³² كُرَا تُكَأْ دُونِيتْ أُورْ جُونْ إِلَي مَائِسْقَلْدَنْ إِسْ إِلَّا مَايِرْمَنْ أَلَنْ إِكْرَا نْ يَانْ لِيدْ إِلْوَنْ إِكَأْ بِكَاصْنْ. ³³ مَلَادْ إِسْدْ أُورْ يُوشِكِي غُواَدْ غْ دَارْ رَبِّي أُورَّا إِزْضَارْ أَيْسَكْرْ يَاتْ». ³⁴ وَاجْبَنْدْ نَانْ أَسْ: «تُلُولْ كُلُو غْ دَنْتُوبْ تِرِيتْ أَدَاخْ تِسْلَمَادْتْ؟» سُوفْغَنْتِيدْ غْ أَكْرَاوْ سْبِرَّا.

³⁵ إِسْقَلْدَ يَسُوعْ إِسْتِيدْ سُوفْغَنْ غْ كُرَاتِسْنْ إِدُو سْ دَارْسْ إِنَّايسْ: «إِسْ تُومَنْتْ سْ يَوْسْ نْ رَبِّي؟» ³⁶ إِوْجَبْدْ ولَى يِنَّايسْ: «مَانُواتْ إِكَانْ أَسِيدِي أَسَرْسْ أَمْنَخْ؟» ³⁷ إِنَّايسْ يَسُوعْ: «هَتِي تِشِرِيتْ يَادْ، غُواَدْ سِرْكْ إِسْوَالْنْ أَتْ إِكَانْ!» ³⁸ إِنَّايسْ: «هَيْ أَمْنَخْ أَسِيدِي!» إِسْجَدْ أَسْ.

³⁹ إِنَّايسْ يَسُوعْ: «هَيْ أَشْكِيَخْدْ سْ دُونِيتْ أَدْ أُوتْخْ لَحُوكْمْ، فَادْ إِسْفَاقْنْ غُولِي بُوكْضَنِينْ، بُوكْضَنْ ولَى سُوفْنِينْ». ⁴⁰ سَقَلْدَنْ كُرَا نْ لَفَرِيَسِيَنْ لَى دِيدِسْ لَانِينْ إِوْالْ أَدْ، نَانْ أَسْ: «هَيَا حَتَّا نَكْنِي نَكَأْ بِكَاصْنْ؟» ⁴¹ إِنَّايسْ يَسُوعْ: «مَلَادْ إِسْ تِكَامْ إِبِكَاصْنْ أُورَاكْ رَا فَلَاؤْنْ إِلِينْ دَنْتُوبْ. وَلَائِنِي غَلَادْ أَرْ تِتِيمْ إِيْخَفَاؤْنْ نُونْ نِسْفَاوْ، مَيَادْ أَفْ رَادْ غَمَانْ دَنْتُوبْ نُونْ».

10

إِفْرْ وِيسْ مَرَاوْ

¹ «لَحَقْ دْ صَاحْتْ أَدَاوْنْ تِتِيخْ: هَانْ يَانْ إِفَالْنْ إِمِي نْ تُكْرُورْتْ نْ وَلَى أَرْدْ سِرْسْ يَقْلَايْ غْ مَنِي يَاضْنْ، إِمِيكْرْ دْ أَمْخَارْ إِيْكَانْ. ² أَمَا وَلَيدْ إِكْشَمْنْ غْ إِمِي نْ تُكْرُورْتْ، غَوَانْ أَيْكَانْ أَمْكَسَا نْ وَلَى. ³ نَتَانْ أَمْ إِنْتُورْزُومْ وَصَافْ تِقْلُوتْ أَرْ سَقَلْدَنْتْ وَلَى إِوْالْ نَسْ. أَرْ يَقْرَا إِلَوْلِي لَى كَنِينْ تِيَنْ سْ إِسْمَاوْنْ نَسْنَتْ إِسْوَفْغَنْتْ. ⁴ إِغْدْ إِسْوَفْغَنْ أَولِي لَى كَنِينْ تِيَنْ، أَرْ أَسْنَتْ إِزْكُورْ صَفُورْنَتْ أَشْكُو سَنْتْ أَوَالْ نَسْ. ⁵ وَلَائِنِي ولَى يِكَانْ أَبِرَانِي أُورَاتْ صَفُورْنَتْ، إِسْ أَكِيسْ رِكَلْنَتْ أَشْكُو أُورْ سَنْتْ أَوَالْ نَ أَوْبِرَانِي». ⁶ لَمْعَا أَدْ إِنَّايسْنَتْ يَسُوعْ، وَلَائِنِي نَتِي أُورْ فَهْمَنْ مَاسْ أَيِسْنْ إِنْتِي.

⁷ إِنَّايسْنَ دَاخْ يَسُوعْ: «لَحَقْ دْ صَاحْتْ أَدَاوْنْ تِتِيخْ: نَكِينْ أَيْكَانْ إِمِي لِيغْ أَكْشَمْنَتْ وَلَى. ⁸ كُلُو غَولِيَيِيدْ زُورَنِينْ إِمَكْرَنْ دْ إِمْخَارْنْ أَدْ كَانْ، وَلَائِنِي أُولِي أُورْ سِرْسْنْ سَقَلْدَنْتْ. ⁹ نَكِينْ أَيْكَانْ إِمِي، وَنَا كِيْكِي إِكْشَمْنْ رِايِنِجْ أَرْ إِكْشَمْ أَرْ إِقْفَوْغْ أَرْ إِتَفَا مَاغْ إِفَرْدْ. ¹⁰ إِمِيكْرْ أُورَادْ إِتَاشْكَا بَلَافْ إِيْتَاكْرْ أَرْ إِقْرَصْ أَرْ إِنْقا، أَمَا نَكِينْ أَشْكِيَخْدْ فْ أَدَارْسْنْ تِلِي تُودْرْتْ، تِكْ تُودْرْتْ أَدْ تَادْ إِكْمَلْنْ. ¹¹ نَكِينْ أَيْكَانْ أَمْكَسَا إِصْلَحْنْ، أَمْكَسَا إِصْلَحْنْ أَرْنْ إِتَكَأْ إِحْفْ نَسْ إِمْتْ فْ وَلَى نَسْ. ¹² أَمَا وَلَى يِكَانْ أَمْكَسَا نْ لَكْرِي، أُورْ إِكِي أَمْكَسَا لَى مْ كَانْتْ وَلَوِي تِيَنْسْ، إِغْنْ إِزْرَا أُوشَنْ يُوشَكَادْ أَرْ إِفَالْ أُولِي إِرْوَلْ يَامَزْ أُوشَنْ أُولِي لَى يَقْتَسْتَتْ. ¹³ أَمْكَسَا أَدْ أَرْ إِرْكُلْ أَشْكُو أُورْ إِكِي أَبِلَا وَبِنْ لَكْرِي، أُورَاتْ إِتَوِي غْ وَلَى. ¹⁴ وَلَائِنِي هَانْ نَكِينْ أَيْكَانْ أَمْكَسَا إِصْلَحْنْ، سَنْخْ أُولِي نُو إِسَانِتِي وَلَى نُو. ¹⁵ غُمَكْلِيَي إِسْنْ بَابَا أَدْ سَنْخْ أَلا نَكِينْ بَابَا. نَكِي جِلِيْخْ تُودْرْتْ إِنْوْ فْ وَلَوِي نُو. ¹⁶ لَانْتْ دَرِي وَلَى يَاضْنْ أُورْ كِيَنْتْ غْ تُكْرُورْتْ أَدْ، إِلَّا فَلِي أَنْتَدْ أَوْيَخْ أَلا نَتِي أَدْ سَقَلْدَنْتْ

إِوَّالْ إِنُو أَدْ گَنْتْ يَاتْ تُورُوتْ طَافَتْ يَانْ أُمْكَسَا. ¹⁷ نُكِي عَرِيْخْ دَارْ بَابَا أَشْكُو سِبْلَخْ تُودْرَتْ إِنُو أَسْتِيدْ دَاخْ رَارْخْ. ¹⁸ أُورْ إِلِي مَارَايِ إِكْسْ تُودْرَتْ إِنُو، وَلَايْنِي لَخَاطِرْ إِنُو أَسْ رَاسْتْ سِبْلَخْ. أَشْكُو إِلَّا دَرِي لَدْنْ أَسْتْ سِبْلَخْ، يِلِي دَرِي لَدْنْ أَسْتِيدْ دَاخْ رَارْخْ. مَيَادْ أَفِي يُوسَى بَابَا أَتْ سَكْرَخْ».

¹⁹ بِضُونْ دَاخْ أَدَائِنْ گَرَاتْسْ فْ سِبْتْ نْ إِولِيُونْ أَدْ. ²⁰ يِكُوتْ مَكِيسْ إِنَانْ: «هَانْ كُرَا نْ لَجْنْ أَتْ إِكْشِمْنْ، هَتِي يِنُوقْلْ. مَاخْ أَدَاسْ تَسْفَلِيدْ؟» ²¹ وَيَاضْ نَانْ: «أَوَالْ أَدْ أُورْ إِكِي وِينْ وَنَا إِكْشِمْ لَجْنْ. مَاخْ إِرْضَارْ لَجْنْ أَدْ إِرَارْ إِزْرِي إِبِيكَاصْنْ؟»

²² تِرِي يَانْ إِلَّا نِيتْ لَعِيدْنْ أَغُوسْ غْ أُورُشِلِيمْ، إِكْ لَحَالْ تَكْرَسْتْ. ²³ أَرْ إِنْدُو يَسْوَعْ غْ لَهِيَكْ غْ أَعْگَمْيِي نْ سُلِيمَانْ، ²⁴ إِمِيلِكْ سَاسْ سُوْلَنْ أَدَائِنْ، نَانْ أَسْ: «أَرْ مَانْ لُوقَتْ أَرَادَاخْ كَاتَكْلَتْ؟ إِغْدْ كِبِينْ أَيْكَانْ لَمَسِيحْ، إِنِي أَخْتْ أَتْ أُورْ تَسْنَنْتْ». ²⁵ إِوَاجْدَنْ يَسْوَعْ إِنَايِسْنْ: «نِيَخْ أَوْنَتْ يَادْ أُورِي تُومِنْ. أَيْلِي سَكَارْخْ سِنْ إِسْمْ نْ بَابَا أَفْلِي يَكَانْ تُوكَّا. ²⁶ وَلَايْنِي أُورِي تُومِنْ أَشْكُو أُورْ تَكِيمْ غْ أُولِي نُو غَمْكِلِي سَاوْنْ يَادْ نِيَخْ. ²⁷ أُولِي نُو أَرْ سَفَلِيدْنِتْ إِوَالْ إِنُو، نَكِينْ سَنْخَتْتْ، أَرِي تَضْفُورْنِتْ. ²⁸ أَرْ أَسْنَتْ أَكَّاخْ تُودْرَتْ إِدُونْ، أُورْ جُونْ رَادْ مَسْتَنْتْ لَا إِكْسِنْتَنْ يَانْ غْ أَفُوسْ إِنُو. ²⁹ بَابَا لَيَيْتَتْ إِفَكَانْ يُوكَرْ كُلُو كَرَا إِلَانْ، حَتَّا يَانْ أُورْ إِرْضَارْ أَدْ إِكْسْ كَرَا إِبَابَا غْ أَفُوسْ نَسْ. ³⁰ نُكِي دْ بَابَا يَانْ أَنْگَا».

³¹ أَسِينْ دَاخْ أَدَائِنْ إِزْرَانْ إِرِينْ أَتْ رَجْمَنْ. ³² إِسَاوْلَدْ يَسْوَعْ إِنَايِسْنْ: «تُوكْتْ نْ لَفَعَالْ عَدْلَنِينْ لِيدْ كِنِينْ دَارْ بَابَا أَدَأْوَنْ مَلِيخْ، مَانُوا كِيسْنْ أَفْ رَيِ تَرْجَمْ؟» ³³ سَاوْلَنْدْ أَدَائِنْ، نَانْ أَسْ: «أُورْدْ لَفَعَالْ عَدْلَنِينْ أَفْ رَاكْ نَرْجَمْ، وَلَايْنِي أَفْ رَاكْ نَرْجَمْ دْ لَجَهَالتْ نْ وَوَالْ نَكْ. أَشْكُو أَفَكَانْ كَا أَنْكِيتْ، تَكْتْ إِخْفْ نَكْ دْ رَنِي». ³⁴ إِوَاجْدَنْ يَسْوَعْ إِنَايِسْنْ: «إِسْ أُورْ إِنِيرَا غْ شَرْعْ نُونْ، إِسْ إِنَا رَبِّي: نِيَخْ أَوْنْ إِدْ رَبِّي أَنْكَامْ؟» نَتَّانْ أَرْ إِتَّيِ إِدْ رَبِّي إِولِي دَارْ إِلَا وَوَالْ نَسْ، أَرَّا نَسْ أُورَا إِتَّدَالْ. ³⁶ نُكِي رَبِّي أَدِي إِسْتِينْ يَازْنِيَيْدْ سِ دُونِيتْ، مَمْنُكْ زَأْ أَسْ تَرْضَارَمْ أَدْ تَنِيمْ إِسْ أَسَوَالْخْ سِ لَجَهَالتْ، أَشْكُو نِيَخْ أَوْنْ يَوْسْ نْ رَبِّي أَدْ كِيَخْ؟ ³⁷ إِغْ أُورْ سَكَارْخْ أَيْلِي يَسْكَارْ بَابَا أَسَرِي أُورْ تَامِنْ. ³⁸ وَلَايْنِي إِغَاتْ سَكَارْخْ حَتَّا إِغْ سَرِي أُورْ تُومِنْ تَامِنْ كَا سِ لَفَعَالْ أَنْ، أَنِيسَانْ تَامِنْ إِسْ كِيَغِي يَلَّا بَابَا إِلِيَخْ كِيسْ».

³⁹ أَرْ دَاخْ سَكِيلْنْ أَتْ أَمْرَنْ وَلَايْنِي يَسْوَعْ إِفْغْ أَسْنْ أَفُوسْ. ⁴⁰ إِدُو دَاخْ سِ الْكَمَاضْ أَنْ نْ وَسِيفْ نْ لَرْدُنْ سِ غَلِي سَتِينْ إِكَا يُوحَنَا أَرْ إِتَّعْمَادْ، يِلِي كِيسْ. ⁴¹ أَشْكِنِينْ دَارْسْ كِيَكَانْ نْ مَدْنْ أَرْتِينْ: «أُورْ جُونْ إِسْكِرْ يُوحَنَا حَتَّا يَاتْ تَمَتَّارْتْ وَلَايْنِي كُولْ مَا إِنَا غْ غَوَادْ إِغْرَانْ كِيسْ». ⁴² أَمْنْ كِيَكَانْ دْ مَدْنْ غَيْنْ سِ يَسْوَعْ.

إِفْرُ وِيسَّ يَانْ دْ مِرَاوْ

^١ يَانْ أَرْكَارْ إِسْمُ نِسْ لِعَازَرْ يُوضَنْ، إِكَّا گُو بَيْتُ عَنِيَا لِي يِكَانْ لِمُوضَعْ نْ مَرِيمْ دْ الْتَّمَاسْ مَرَّتَا. ^٢ مَرِيمْ أَدْ لِي مِ يُوضَنْ گُمَاسْ لِعَازَرْ تَگَأَثَّي بِرْغَرْ إِضَارَنْ نْ سِيدِيتَخْ يَسُوعْ سْ تُوجُونِينْ تَصْقَطَنْ سْ وَرَّارْ نِسْ. ^٣ نَكْرُنْتْ تَيَّمَاتِينْ أَدْ أَزَنْتْ سْ يَسُوعْ، نَانْتْ أَسْ: «هَانْ أَسِيدِي وَلِي دَارِكْ إِعْزَانْ يُوضَنْ».

^٤ لِيغْ إِسْقَلْدْ يَسُوعْ إِمَيَانْ إِنَّايسْ: «تَمَضُونْتْ أَدْ أُورْ تَكِيَ تِينْ لِمُوتْ، وَلَائِنِي اَنْكَأَ تِينْ لَمَجْدَنْ رَبِّي. فَاسِرْسْ إِتَّمَجْدَ يَوْسْ نْ رَبِّي». ^٥ مَرَّتَا دْ الْتَّمَاسْ دْ لِعَازَرْ عَزَانْ دَارْ يَسُوعْ، ^٦ وَلَائِنِي مَادَ يَادَ يَوِي يَسُوعْ لَاخَبَارْ إِسْ يُوضَنْ لِعَازَرْ إِكَأَورْنَ سُولْ غَيْنِ لِيغْ إِلَّا سِينْ أُسَانْ. ^٧ إِنَّايسْ إِلَمَا إِيمَحْضَارَنْ نِسْ: «رَوَحَاتْ أَنَضُو سْ لِيَهُودِيَا». ^٨ نَانْ أَسْ إِمَحْضَارَنْ نِسْ: «حَرَا نِيَتْ سِكِيلْنَ وَدَائِنْ أَسِيدِي أَكَ رَجْمَنْ تَرِيتْ سُولْ أَدَاخْ دَارِسْ تَضُوتْ؟» ^٩ إِوَاجِدْ فَلَاسْنَ يَسُوعْ إِنَّايسْ: «مَاخَ أُورْدَ سِينْ دْ مِرَاوَتْ نْ تَسَاعَتْ أَيْلَانْ غْ أَرَالْ؟ وَنَانَا إِزَكِيرْنَ غْ أَرَالْ أُورَاتْ تُوتْ لَعْطَرْتْ، أَشْكُو أَرْ إِنَّتَايِي تَفَاقَوْتْ نْ دُونِيتْ. ^{١٠} وَلَائِنِي يَانْ إِنَّدُونْ غْ ضَيِّيَضْ أَرْتْ تَكِيتْ لَعْطَرْتْ، أَشْكُو أُورْ كِيسْ تَلِي تَفَاقَوْتْ». ^{١١} لِيغْ أَسْنْ إِنَا مِيَادْ، إِنَّايسْ إِلَمَا: «أَمْدَاكْ نَخْ لِعَازَرْ إِكُونْ، وَلَائِنِي رِيَخْ أَدْ دُوخْ أَتِيدْ سِكِيرْخْ». ^{١٢} نَانْ أَسْ إِمَحْضَارَنْ نِسْ: «إِغْ إِكُونْ أَسِيدِي، هَتِي رَأِيْجِي». ^{١٣} يَسُوعْ نَتَانْ أَرَاسْنْ إِسَوَالْ فْ لِمُوتْ نْ لِعَازَرْ، وَلَائِنِي نَتَتِي غَالَنْ إِزْدْ تَكُونِي نْ إِصْصُنْ كَا أَفَأِيَسْنْ إِسَوَالْ. ^{١٤} تَرِي يَانْ أَدَاسْنْدْ إِلَمَا إِسْبَايَنْ يَسُوعْ أَوَالْ نِسْ، إِنَّايسْ: «لِعَازَرْ إِمُوتْ». ^{١٥} نَكِينْ فَرْحَخْ أَوْنْ لِيغْ أُورْ لِيغْ غَيْنِ، فْ أَتَامْنْ. وَلَائِنِي رَوَحَاتْ أَدَارِسْ نُدو!» ^{١٦} إِنَّايسْ تُومَا لِي مِ تَتِينْ أَكُونْ إِيمَحْضَارَنْ أَنْ يَصْنِينْ: «رَوَحَاتْ أَنَدُو أَلَا نَكْنِي أَدِيدْسْ نَمَّتْ!»

^{١٧} لِيغْ إِلْكْمْ يَسُوعْ يُوفَانْ الْعَازَارْ إِكَانْ يَادَ كُوْزْ أُسَانْ غْ لَقْبَرْ. ^{١٨} لِمُوضَعْ نْ بَيْتُ عَنِيَا إِلَا غْ تَمَانْ أُورُشَلِيمْ إِمِيَگَالْ دِيدِسْ عَلَائِنْ كِراضْ إِدْ كِيلُومِترْ. ^{١٩} أَشْكَنِينْ كِيَكَانْ دْ وَدَائِنْ سْ دَارْ مَرَّتَا دْ مَرِيمْ أَنْتَتْ صَبِرَنْ فْ گُمَاتْسَنْتْ. ^{٢٠} لِيغْ تَسْقَلْدْ مَرَّتَا إِسْدْ يُوشْكَا يَسُوعْ تَقْوَعْدْ أَتِينْ تَلْمَكَارْ، مَرِيمْ نَتَاتْ تَكَلْوَرْ تَعَماً غْ تَكْمِي. ^{٢١} تَنَائِسْ مَرَّتَا إِيَسْوَعْ: «مَلَادَ أَسِيدِي إِسْ تَلِيتْ غِيدْ، أُورَأَ يَمْتَ كَمَا!» ^{٢٢} وَلَائِنِي حَتَّا غَلَادْ نِيَتْ سَنْخْ إِزْدْ أَيَّنَا تَضَالَّبْتْ إِرْبِي إِسْ رَادَ أَكْتْ إِفْكْ». ^{٢٣} إِنَّايسْ يَسُوعْ: «هَتِي گُمَامْ رَادَ إِنَّكْرْ». ^{٢٤} تَنَائِسْ مَرَّتَا: «سَنْخْ نِيَتْ إِسْ رَادَ إِنَّكْرْ غْ لَفِيَاماً، غْ وَاسَ إِكْرَانْ». ^{٢٥} إِنَّايسْ يَسُوعْ: «نَكِينْ أَيِّكَانْ لَفِيَاماً كَخْ تُودَرْتْ. وَنَانَا سِري يُومَنْ مَقَارْ إِمُوتْ رَأِيَرْ، ^{٢٦} أَلَا كُولْ مَائِدَرْنْ يَامَنْ سِري أُورَأَ إِمَتْ. إِسْ تُومَنْتْ سْ مِيَادْ؟» ^{٢٧} تَنَائِسْ: «يَاهْ أَسِيدِي، أَوْمَنْخْ إِزْدْ كِيَنْ أَيِّكَانْ لَمَسِيحْ يَوْسْ نْ رَبِّي لِي رَادَ يَاشْكْ سْ دُونِيتْ».

^{٢٨} لِيغْ أَسْ تَنَّا مِيَادْ تَنُو تَغْرَدْ إِولْتَمَاسْ مَرِيمْ سْ تَنَّتَلَا، تَنَائِسْ: «هَا سِيدِيتَخْ إِلَا غِيدْ، سَادِمْ أَسْ». ^{٢٩} غَمْكَلِي يَاسْ تَسْقَلْدْ مَرِيمْ، تَتَكَرْ تَحَرُو تَنُو دَارِسْ. ^{٣٠} يَسُوعْ أُورْ تَادَ إِكْشِمْ سْ لِمُوضَعْ وَلَائِنِي يَلَانْ سُولْ

غَلِيْغَ تِينْ نَلْمَكَارْ مَرْثَا. ³¹ إِلِينْ كُرَا نْ وُدَائِنْ غْ دَارْ مَرِيمْ غْ تَكْمِي أَرْتْ تُصْبَارْنْ. لِيْغْتْ رُرَانْ تَكْرْ تَفْغَدْ سْ تِرَلَا، ضَفُورْنْتْ غَالْنْ إِسْ نَدَا سْ دَارْ لَقْبَرْ أَنْ كِيسْ تَلَا. ³² لِيْغْنْ تَلْكْ مَرِيمْ غَلِيْغَ إِلَا يَسُوعْ، تَشْرَتْ تَضْرَنْ غْ دَارْ إِصَارَنْ نَسْ تَنَاسِ: «مَلَادْ أَسِيدِي إِسْ تَلِيْتْ غِيدْ أُورَالَكْ رَأِيمَتْ كَمَا!» ³³ لِيْغْ إِزْرَا يَسُوعْ أَرْ تَلَا أَرْ أَلَانْ أَدَائِنْ لَيْنْ دِيدِسْ مُونِينْ إِغْمَا بَهْرَا كِيسْ لَحَالْ، إِمَاسْ لَخَاطِرْ نَسْ، ³⁴ إِنَّايسِنْ: «مَنِيْغَ تِينْ تَمْضِلْمْ؟» نَانْ أَسْ: «أَشْكِيدْ أَسِيدِي أَنْتَرْتْ». ³⁵ أَرْ يَلَا يَسُوعْ. ³⁶ نَانْ أَسْ وُدَائِنْ: «زَرَاتْ غُونْشَكَادْ سْ دَارَسْ إِعْرَا!» ³⁷ إِنَّايسِنْ كَرَا كِيتَسِنْ: «إِزْدْ أُورْ إِصَارَ غَوَادْ لِي يِرْزِمْنْ أَنْ إِوبُكَاصْ، أَنْ إِرَارْ لَمُوتْ فْ لِعاَزَرْ؟»

³⁸ إِمَاسْ دَاخْ لَخَاطِرْ نْ يَسُوعْ يَاشْكَدْ سْ لَقْبَرْ لِي. إِكْ لَقْبَرْ أَنْ يَانْ إِفْرِي إِقْنْ سْ يَانْ أَزْرُو. ³⁹ إِنَّايسِنْ يَسُوعْ: «سَانَفَاتْ أَزْرُو أَدَا!» تَنَاسِ مَرْثَا، الْتَّمَاسْ نْ غُولِي يَمُوتْنْ: «إِنَّاغْ إِلَا أَسِيدِي رَأِيلِي أَضُو، أَشْكُو كُورْ أَسَانْ أَيَادِ إِكَا إِمُوتْ». ⁴⁰ إِنَّايسِنْ يَسُوعْ: «إِسَامْ يَادْ أُورْ نِيْخْ إِغْ تُومَنْتْ رَاتَرْتْ لَمَجْدَنْ رَبِّي؟» ⁴¹ نَكْرَنْ سَانَفَنْ أَزْرُو أَنْ فْ غَلِيْغَ إِلَا غُولِي يَمُوتْنْ، يَالْ يَسُوعْ أَلَنْ نَسْ سْ إِكْنُوانْ أَرْ إِنْتِي: «أَرَكْ تَشْكَارْخْ أَبَابَا أَشْكُو تَسْفَلَتِي. ⁴² نَكْنِيْنْ سَنْخْ إِسَيْ بَدَا تَسْقَلِيتْ وَلَايِنِي مَدَنْ أَدَ لِي بَنِيْنِ عِيدْ أَفْ نِيْخْ غَكَادْ فَادْ أَمَنْ إِزْدْ كَيْيِنْ أَدِبِيدْ يُوزْنْ». ⁴³ لِيْغَ إِنَا يَسُوعْ مِيَادْ، إِغْرِسْ كَرَا دَارَسْ: «وَا لِعاَزَرْ، فُوْغَدْ!» ⁴⁴ إِفُوْغَدْ وَلِي يَمُوتْنْ إِفَاسِنْ نَسْ دْ إِصَارَنْ نَسْ تَيَسَاسِنْ نَيْتْ سُولْ غْ لَكْفَنْ أُودْمْ نَسْ إِسْوَنْ أَسْ يَانْ زَيْفْ. إِنَّايسِنْ يَسُوعْ: «فَسِيَاتْ أَسْ تَجَمَّتْ أَيْدُو».

⁴⁵ لِيْغَ رُرَانْ أَدَائِنْ لَيْنْ أَشْكَنِينْ سْ دَارْ مَرِيمْ أَيْلِي يَسْكُرْ يَسُوعْ، أَمْنْ كِيسِنْ كِيَگَانْ. ⁴⁶ وَلَايِنِي كَرَا كِيتَسِنْ دَانْ دَارْ لَفَرِيسِيَّيْنِ إِنِينْ أَسَنِينْ أَيْلِي يَسْكُرْ يَسُوعْ. ⁴⁷ نَكْرَنْ إِرِيَاسِنْ نْ إِنْبَادَنْ سَمُونَدْ أَكْرَاوْ أَرِتِنِينْ: «مَمْنُكْ أَرَا نَسْكُرْ؟ غَوَادْ هَتِي أَرْ بَهْرَا إِسْكَارْ تَمَتَارْ. ⁴⁸ إِغْتْ كَا نُوجَّا رَا كُلُو سَرْسْ أَمْنْ مَدَنْ، أَشْكَنْدْ رُومْ خَلُونْ لَهِيَكْ نَخْ أَوِينْ أَيْدَارْنْخْ. ⁴⁹ إِنَّايسِنْ يَانْ كِيتَسِنْ، إِسْمْ نَسْ قَيَافَا لِي يِكَانْ أَرِيَاسِنْ نْ إِنْبَادَنْ غْ أَسْكَاسْ أَنْ: «كَنِيْ أُورْ تَسْنَمْ إِيَاتْ، ⁵⁰ إِسْ أُورْ تَسْوِنْكِيمْ إِسَاخْ بَيُوفْ أَيْمَتْ يَانْ أَرْكَازْ فْ مَدَنْ أَلَا أَكْلُو إِلِينْ أَكْرِي؟» ⁵¹ أُورْدَ إِسْدْ كَا إِسْكُرْ مِيَادْ غْ إِخْفْ نَسْ، وَلَايِنِي غَمْكَلِي يِكَانْ أَرِيَاسِنْ نْ إِنْبَادَنْ غْ أَسْكَاسْ أَنْ إِكَاشْفْ إِسْ رَأِيمَتْ يَسُوعْ فْ أَيْدَارْسْ. ⁵² أُورْدَ أَيْدَارْسْ كَا أَفْ رَأِيمَتْ، وَلَايِنِي رَأِيمَتْ فْ تَرْوَا نْ رَبِّي لِي مَزْرِنِينْ أَلَا نَتَّيْ فْ أَتَنْدْ إِسْمُونْ إِكْنِنْ دْ يَانْ.

⁵³ غَمْنْ غَسَانْ أَفَلَاسْ مُشَوَّارْنْ أَتْ نَغِينْ. ⁵⁴ غَانْ أَفْ أَسُولْ أُورْ إِنْقُوْغْ يَسُوعْ سْ كَرْ وُدَائِنْ بَلَا سْ تَنَنْ، إِنْكْرْ إِلُو سْ تَمَانْ يَانْ لَخْلَا سْ يَاتْ تَمَدْنِتْ لِي مْ تَنِينْ أَفْرَايِمْ، يِلِينْ غِينْ نَنَانْ دْ إِمْحَضَارْنْ نَسْ. ⁵⁵ لِيْغَ عَلَيْنْ أَيْلِي لَعِيدْ نْ نَجَا دَارْ أَدَائِنْ، أَوْنَدْ كِيَگَانْ دْ مَدَنْ غْ لَمَوْضِيعْ سْ تَمَدْنِتْ نْ أُورْشَلِيمْ فَادْ سَعْوَسْ إِخْفَاؤْ نَسْ إِغْتَا أُورْ إِلْكَمْ لَعِيدْ. ⁵⁶ زَائِدِنْ أَرْ سِكِيلِنْ يَسُوعْ أَرِتِنِينْ إِيْنَگَرَاتْسِنْ لِيْغَ بِيدَنْ غْ لَهِيَكَلْ:

«مَادَأْوَنْ إِصْهَرْنْ، إِزْدْ نَتْنَ أُورَّادْ يَاشْكْ سْ لَعِيدْ؟»⁵⁷ إِرْيَاسْنْ نْ إِنْدَادْنْ دْ لَفْرِيَسْيِينْ أُوصَانْ يَادْ فَلَّاسْ إِغْ إِلَّا مَا إِسْنْ مَنِيْغْ إِلَّا يَسْوَعْ إِسْ فَلَّاسْ إِلَّا أَدْ أَسْنَتْ إِمْلْ أَتْ أَمْرَنْ.

إفْرُ وَيْسَ سِينْ دْ مْرَاوْ

لِيْغْ سُولْ غَمَانْ سُضِيْصْ أُسَانْ إِلْعِيدْ نَجَاء، يَاشْكُدْ يَسُوْغْ سْبَيْتْ عَنِيَا غَلِيْغْ إِلَّا لِعَازَرْ لِيَتِينْ إِكَانْ^١
إِمُوتْ إِسْنَكْرِتِيدْ غْ كَرْ وِلِي مُوتِينْ.^٢ سُكْرِنْ عِيْنْ إِمْنِسِي إِيْسُوْغْ. مَرَثَا نَنَاتْ أَرْ أَكَانْ تِسْنِضِيفْ، إِكْ
لِعَازَرْ يَانْ غْ وِلِي دِيدَسْ كَوْرِتِينْ.^٣ تِكْرْ مَرِيمْ تِسِيدْ يَاتْ تِكْدُوتْ نْ تُوْجُوتْ نْ نَارِدِينْ إِلْخَلْصَنْ تِكْ تَادْ
بَهْرَا إِغْلَانْ، تِزْغَرْ سَرْسْ إِضَارَنْ نْ يَسُوْغْ تِصْفَطَنْ سْ وَزَارْ نَسْ، تِعْمَرْ تِكْمِي سْ وَضُوْنْ تُوْجُوتْ لِيْ.
إِسَاؤْلَدْ يَانْ غْ إِمْحَضَارَنْ نَسْ أَتْ إِكَانْ دْ يَهُوْذَا لِسْخَرِيُوطْ يُوْسْ نْ سَمْعَانْ لِي رَاتْ إِزْنِزْ، إِنَّايسِنْ:^٤
«مَافْ أُورْ تِنْزِي تُوْجُوتْ أَدْ سْ كَرَاضْ إِدْ مِيَا نْ دِينَارْ تِقْكَنْ إِدْرَاوْشْ؟»^٥ نَتَانْ أُورْدَلْهَمْ نْ دَرَاوْشْ أَتَيْنْ
إِكَانْ أَيْلِيْغْ إِنَا مَيَادْ وَلَائِنِي إِسْ إِكَا مَخَارْ يَلِي فْ صَنْدُوقْ نَسْنْ، كَرَانْ كِيسْ إِتَرْسَنْ يَاكِرْتْ.^٦ إِنَّايسِنْ
يَسُوْغْ: «أَجَاتْسْتَ أَشْكُو أَسْ لِيْغْ رَادْ تِيَوْمَضَالَخْ أَمْ تُوْجَأْ تُوْجُوتْ أَدْ.^٧ أَشْكُو دَرَاوْشْ لَانْ بَدَا دِيدُونْ،
وَلَائِنِي نَكِينْ أُورْ بَدَا دِيدُونْ لِيَخْ».

٩ لِيْغَ سَنْ كِيْگَانْ دُودَائِينْ إِسْ إِلَّا يَسْوَعْ غِيْنَ أَشْكَنْدَ، أُورْدَدْ فَأَكَا ثِرْنَ يَسْوَعْ وَلَائِينِي أَشْكَانْ أَدْ ثِرْنَ حَتَّى لِعَازِرَ لِيدِ إِسْنَكْرَ غَ لِمُوتْ. **١٠** نَكْرَنْ إِرِيَاسْنَ نِ إِنْبَدَادْنَ نَتِي مُشَوارْنَ أَدْ نُغِينْ لِعَازِرَ أَلَا نَتَانْ، **١١** أَشْكُوكْ إِكُوتْ مَاتَنْ إِفْلَنْ غَ وَدَائِينْ يَامَنْ سِ يَسْوَعْ فَ سِبَّتْ نِ لِعَازِرَ.

لَيْدَ أَزْكَا، سَفَلْدَنْ مَدْنْ گُوتْتِينْ لِيدَ اشْكَنِينْ سْ لَعِيدَ إِسْدُ يُومَرْ يَسُوْغَ أَغْرَاسْ نُسْ سْ تَمْدِينْ نْ أُورْشَلِيمْ.
أَسِينْ تِشْمَرِينْ نْ تِتِيُونِينْ فَغْنَدْ أَنْ دِيدْسْ نُمَّاگَارْنْ، أَرْتِتِينْ سْ كُرَا دَارْسْنْ: «لَمَجْدُ إِرْبِي! أَمْبَارْكِي أَيْنَگَا¹³
ولَيْدَ يُوشْكَانْ سْ إِسْمْ نْ سِيدِيتْتْخَ! أَمْبَارْكِي أَتَكِيتْ أَيْكَلِيدْ نْ أَيْتْ إِسْرَائِيلْ!»¹⁴ يَافِنْ يَسُوْغَ يَانْ أَسْنُوسْ
إِسْوُدوْ فَلَاسْ، غُمْكُلِي سْ يَادِ إِنَا وَرَا نْ رَبِّي:¹⁵ «أَدْ أُورْ تِكْصَاصَضْ أَيْتْ أُورْشَلِيمْ. هَانَ أَكْلِيدْ نُونْ يُوشْكَانْ
سْ دَرُونْ إِسْوُدوْنْ أَسْنُوسْ».¹⁶ لِيمُورْ أَدْ أُورْتِنْ فَهِيمْ إِمْحَضَارْنْ نُسْ غْ إِسْ إِزْوَارْ، وَلَائِنِي لِيغْ إِتْمَاجْدَ
يَسُوْغَ إِتْيُورْفَاعْ، كَتِينْدَ إِسْ فَلَاسْ إِنَا وَرَا نْ رَبِّي لِيمُورْ أَدْ كَتِينْدَ إِسَاسْ سُكْرَنْ مَدْنْ أَيْلِي فَلَاسْ إِتْيُورَانْ.¹⁷
نَكْرَنْ وَلِيسِتِينْ كَنِينْ دْ يَسُوْغَ لِيغْ إِغْرَا إِلَعَازَرْ أَدْ إِفْغَ غْ لَقْبَرْ إِسْنَكْرِتِيدْ غْ كَرْ وَلِي مُوتِينْ، أَرْ فَلَاسْ أَكَانْ
تُوكَأَ إِمْنَنْ.¹⁸ غَانَ أَفْنَ دِيدْسْ لَمَّاگَارْنْ مَدْنْ، أَشْكُو سَفَلْدَنْ إِسْ إِسْكَرْ تَمَارْتْ أَدْ. لَفَرِيسيِينْ أَرْتِتِينْ
إِيْنِكَرَاتِسْنْ: «هَتِي أَرْ تَتَأَيْمَ إِسْ أُورْ تِسُوْكَرْمَ يَاتْ! هَانَ مَدْنْ ضَقُورْنَتْ كُلُّو!»¹⁹

٢٠ كِرَانْ أَيْتْ لِيوْنَانْ لَانْ نِيتْ غْ كِرْ وَلِيدْ أَشْكَنِينْ أَدْ تَعْبَادُنْ غْ أَسَانْ نْ لَعِيدْ. **٢١** نَكْرُنْ دُونْ سْ دَارْ فِيلِبُسْ لِي يِيْكَانْ كُو بَيْتْ صَيَّدا غْ تَمَرْرَتْ نْ لَجَلِيلْ ضَالِبَنْتْ نَانْ أَسْ: «نَرَا أَسِيدِي أَنْزَرْ يَسُوعْ». **٢٢** يَاشْكَدْ

فِيلِبِيسْ يَنِيتْ إِنْدَرَاوُسْ، يَنِيتْ إِنْدَرَاوُسْ دْ فِيلِبِيسْ يَسُوعْ. ²³ إِوْجِيدْ يَسُوعْ إِنَّا يِسْنْ: «هَنِي تَلْكُمْ لُوقْتْ لِيغْ رَا يِتْمَجْدْ يُوسْ نْ أَفْگَانْ. ²⁴ لَحَقْ دْ صَاحْتْ أَداونْ تِتِيخْ: إِغْ أُورْ إِصْرْ أَحْبُوبْ نْ إِرْدَنْ غْ وَكَالْ إِمْتْ، رَا يِعْمَا وَحْدُوتْ. وَلَائِنِي إِغْ إِمُوتْ رَا إِسْكُرْ صَابْتْ إِكْوْتْنْ. ²⁵ وَنَا دَارْ تَعْزَّا تُودْرْتْ نْسْ رَأَسْتْ إِجْلُو، وَنَا يِحْشَانْ تُودْرْتْ نْسْ غْ دُونِيتْ أَذْ رَأَسْتْ إِحْضُو إِتُودْرْتْ إِدوْمَنْ. ²⁶ وَنَا إِرَانْ أَيْ إِصْنَضِيفْ إِلَّا فِلَاسْ أَيْ إِضْفُورْ، غَلِيغْ رَادْ إِلِيغْ نَكِينْ أَغْ رَايْلِي أَمْشَغَالْ إِنُو أَلَا نَتَانْ. يَانْ إِكَانْ أَمْشَغَالْ إِنُو رَا گِيسْ إِطْهُلو بَابَا. ²⁷ غَلَادْ إِهُولْ وُولْ إِنُو. مَارَادْ إِنِيغْ؟ أَدْ إِنِيغْ فُوكُويِّي أَبَابَا غْ أَيْلِي رَا يِجْرُو غْ تَسَاعْتْ أَدْ؟ وَلَائِنِي أَفْدْ أَشْكِيغْ دَأْ زَرِيغْ تَسَاعْتْ أَدْ نْ إِنْكَارْنْ. ²⁸ مَجْدْ إِسْمْ نَكْ أَبَابَا! إِكْدْ نِيتْ يَانْ وَوَالْ إِكْنَوَانْ أَرْ إِتِي: «هَيْ مَجْدَخْ رَاتْ دَاخْ مَجْدَخْ!» ²⁹ نَانْ أَسْ كَرَا نْ مَدَنْ لَيْ بَدَنِينْ غَيْنِ لِيغْ سَفَلْدَنْ لَوَوَالْ أَنْ: «كَرَا نْ إِكْبِيْكْ أَيَانْ إِسَاوْلَنْ!» نَانْ أَسْ وِيَاضْ: «كَرَا نْ لَمَلَكْ أَيَانْدْ سَرْسْ إِسَاوْلَنْ!» ³⁰ إِسَاوْلَدْ يَسُوعْ إِنَّا يِسْنْ: «أُورْدْ نَكِينْ أَفْدْ إِلَّا وَوَالْ أَدْ، وَلَائِنِي كَنِيْ كَنِيْ أَفْدْ إِلَّا. ³¹ غَلَادْ أَرَايْتُوتْ لَحُوكْمْ فْ دُونِيتْ أَدْ. غَلَادْ أَرَانْ إِصْرْ أَرِيَاسْ نْ دُونِيتْ أَدْ سْ بَرَا. ³² وَلَائِنِي إِغْ تَيْوْرْ فَاعْخْ غْ وَكَالْ أَدْ رَانْ كَلُو لَدِيغْ مَدَنْ سْ دَرِي». ³³ مَيَادْ إِنَاتْ فْ لَمُوتْ لَيْ رَأِيمَتْ. ³⁴ نَانْ أَسْ مَدَنْ: «شَرْغْ أَرَاخْ إِمَالْ إِسْ رَأْ بَدَا إِغَمَا لَمَسِيْحْ إِدَرْ، مَافْ زَآ تِتِيتْ كَيْنِ: إِقَانْدْ أَيَتِيُورْ فَاعْ يُوسْ نْ أَفْگَانْ؟ مَيَگَا يُوسْ نْ أَفْگَانْ أَدْ؟» ³⁵ إِنَّا يِسْنْ يَسُوعْ: «هَانْ إِدْرُوسْ مَارَا سُولْ دِيدُونْ نَكْ تِقاوْتْ، زَكِيْزَاتْ مَاحَدْ تَلَّا سُولْ دَرُونْ تِقاوْتْ، أَكَنْدْ أُورْ گَرْنْتْ تَلَّا سْ أَشْكُو وَلَيْ يِتِيُونْ غْ تَلَّا سْ أُورْ إِسْنْ مَنِي سْ رَايْدُو. ³⁶ أَمْنَاتْ سْ تِقاوْتْ مَاحَدْ تَلَّا دَرُونْ تِقاوْتْ أَتَگْمْ تَرْوَا نْ تِقاوْتْ». لِيغْ أَسْنْ إِنَا يَسُوعْ مَيَادْ، إِدُو لَاحْ أَسْنَتْ.

³⁷ وَلَائِنِي مَقَارْ كَلُو إِسْكُرْ يَسُوعْ غُونْشَكَادْ تَمَارْ، أُورْ سَرْسْ أَوْمَنْ. ³⁸ فَادْ إِكْمَلْ وَوَالْ نَبَّيْ إِشْعَيَا، لَيْ يِنَّانْ: «مَانُوا يُومَنْ أَسِيدِيَّتْخْ لَأَخْبَارْ نَخْ؟ مَانُوا مِيدْ إِيَانْ لَجْهَدْ نْ رَبِّي؟» ³⁹ أُورْ ژَضَارْنْ أَدْ أَمْنْ، أَشْكُو إِنَا دَاخْ إِشْعَيَا: ⁴⁰ «إِسِبُوكْضُنْ الَّنْ نَسْنْ إِسِيْغَارْ أُولَاؤْنْ نَسْنْ، فَادْ أُورْ إِسْقَلَوْنْ سْ وَالَّنْ نَسْنْ أَلَا فَهْمَنْ سْ وُلَاؤْنْ نَسْنْ أَلَا وُرِيَّنْدْ سْ دَرِي أَتَنْ جِيَّخْ». ⁴¹ إِشْعَيَا إِنَا مَيَادْ لِيغْ إِزْرَا لَمَجْدَنْ لَمَسِيْحْ، إِسَاوْلْ فِلَاسْ. ⁴² وَلَائِنِي مَقَارْ إِكَأْ لَحَالْ غَمَكَانْ، إِكْوْتْ مَا يُومَنْ سْ يَسُوعْ حَتَّا غْ إِرِيَّاسْ نَسْنْ، وَلَائِنِي سَنْثَلْنْ لِيمَانْ نَسْنْ فَاتَّنْ أُورْ طَائِنْ لَفَرِيَّسِيَّنْ غْ أَكْرَأْوْ. ⁴³ أَشْكُو عَزَّانْتْ دَارْسْنْ تُولَغاْنْ مَدَنْ أَكَارْ نْ تِيْنْ رَبِّيْ.

⁴⁴ يَالْ يَسُوعْ أَوَالْ نَسْ، إِنَّا يِسْنْ: «وَنَا سَرِيْ يُومَنْ أُورْدْ نَكِيْ أَسْ يُومَنْ وَلَائِنِي أَسْ يُومَنْ دَوْلَيَّدْ يُوزْنْ. ⁴⁵ وَنَأِيْ إِتَّاينْ هَنِيْ أَرْ إِتَّاينْ وَلَيَّدْ يُوزْنْ. ⁴⁶ نَكِيْ أَشْكِيَّدْ كَخْ تِقاوْتْ إِدُونِيتْ، فَادْ أُورْ إِغَمَا كُولْ مَاسِرِيْ يُومَنْ غْ تَلَّا سْ. ⁴⁷ وَنَا إِسْقَلَدَنْ لَوَالْ إِنُو أُورْ سَرْسْ يُومَنْ، أُورْدْ نَكِينْ أَرَا فِلَاسْ يُوتْ لَحُوكْمْ أَشْكُو أُورْدْ أَشْكِيغْ أَدْ أَوْتَخْ لَحُوكْمْ فْ مَدَنْ وَلَائِنِي أَفْدْ أَشْكِيغْ دَأْتَنْ جَنْجَمْخْ. ⁴⁸ يَانِي يُوكِينْ يِكِيْ أَوَالْ إِنُو، إِلَّا مَارَا فِلَاسْ يُوتْ لَحُوكْمْ. أَوَالْ لَيْ سْ نَيْخْ أَرَا فِلَاسْ يُوتْ لَحُوكْمْ غْ وَاسْ إِكْرَانْ، ⁴⁹ أَشْكُو أَيْلِي سْ أَتِتِيخْ أُورَاتِيدْ

كَا سَكَارْخُ غِلْخِفْ إِنُو وَلَائِنِي بَابَا لَيْيِدْ يُوزْنَ أَيْ يُوصَانْ فِي مَاسْ رَادْ إِنِيْخْ أَلَا مَارَادْ سَلْمَادْخْ. ⁵⁰ نُكِي سَنْخْ لُوْصِيْتْ نِسْ إِسْ أَتَّوِي سِنْ تُودِرْتْ إِدُونْ. أَيْلِي سِيدْ إِنَا بَابَا نَتَنْ كَا أَدْ تِيْخْ».

13

إِفْرُ وِيسْ كِرَاصْ دْ مِرَاوْ

¹ لَيْغَ إِغَمَا يَانْ وَاسْ إِلْعِيدْ نَجَا دَارْ وُدَائِنْ، إِسْنَ إِلْمَا يَسُوعْ إِسْ إِلْكِمْ أَزْمَزْ نِسْ أَيْفُوغْ دُونِيتْ أَيْدُو سِنْ دَارْ بَابَا تِنْخْ. أَشْكُو عَزَّانْ دَارْسْ وَلِي گَنِينْ وِينْسْ لِي لَائِنِينْ غِلْدُونِيتْ أَدْ، إِحْبُوتْنْ سِنْ تَمَا نِنْ تَايِري نِسْ. ² لَيْغَدْ سَرْسْنِ إِمْنِسي، يُوفَادْ زَمَانْ إِلْلِيسْ إِغْوا يَادْ يَهُوْذا يُوسْنِ نِسْ سَمْعَانْ لَسْخَرْيُوطْ، إِكْ غِ لَعْقَلْ نِسْ أَيْزَنْزْ يَسُوعْ. ³ يَسُوعْ نَتَنْ إِسْنَ إِسْ إِكَا بَابَا تِنْخْ كِرِيْكَاتْ تَغْوِسَا غِلْدُو أَفُوسْ نِسْ، يِسَانْ إِزْدْ دَارْ رَبِّي أَدْ إِكَا يِري أَدَّاخْ سَرْسْ بُورِّي. ⁴ إِنْكِرْ يَسُوعْ فِي إِمْنِسي، إِكِسْ أَسْلَهَامْ نِسْ يَسِيدْ يَاتْ لَفُوتَا إِبِيْكَسْ سَرْسْ. ⁵ إِكْدْ أَمَانْ غِ لَمْعَسْلِ، إِنْكِرْ أَرْ إِسْيِيرِيدْ إِضَارَنْ نِنْ إِمْحَضَارَنْ نِسْ أَرْتِنْ إِصْفَوْضْ سِنْ لَفُوتَا لِي سِنْ إِبِيْكَسْ. ⁶ إِلْكِمْنِ سَمْعَانْ بُطْرُسْ، إِنَّا يِسْ: «مَمْنُكْ! إِزْدْ كِيْنِ أَسِيدِي أَرَيْسِرِيدْ إِضَارَنْ إِنُو؟» ⁷ إِوْجَبْدْ يَسُوعْ إِنَّا يِسْ: «غَلَادْ أُورْتَا تَسْنَتْ مَادْ سَكَارْخُ، وَلَائِنِي رَاتْ سُولْ تَسَانْتْ». ⁸ إِنَّا يِسْ بُطْرُسْ: «أَهُوْيِ أُورْ سَارْ رَأْ تَسِيرْتْ إِضَارَنْ إِنُو!» إِوْجَبْدْ يَسُوعْ إِنَّا يِسْ: «إِغْ أَكْنَتْ أُورْ سِيرْدَخْ أُورْ إِيْكِ دِيدِي يَصَاحَا يَاتْ». ⁹ إِنَّا يِسْ سَمْعَانْ بُطْرُسْ: «أُورْدْ إِضَارَنْ إِنُو كَا أَتَسْرِيتْ أَسِيدِي، وَلَائِنِي سِيرْدْ حَتَّا إِفَاسْنْ إِنُو دِ إِخْفْ إِنُو». ¹⁰ إِنَّا يِسْ يَسُوعْ: «وَنَا إِسْيِرِدْنِ أُورْ سُولْ إِحْتَاجَا أَبْلَا إِسْيِرِيدْ إِضَارَنْ نِسْ، أَشْكُو إِغْوَسْ كُلُو. كُنِي تَعْسُمْ وَلَائِنِي أُورْدْ كُلُوكْنِ». ¹¹ يَسُوعْ إِسْنَ وَلِي رَاتْ إِزْنِزْ غَانْ أَفْ أَسْنَ إِنَا: «أُورْ كُلُو تَغْوِسْمْ».

¹² لَيْغَ إِسْيِرِدْ إِضَارَنْ نِسْنَ إِلْسْ أَسْلَهَامْ نِسْ إِكَأُورْ يَضُو سِنْ إِدِيسْ نِسْ إِسْقَسَانْ، إِنَّا يِسْ: «إِسْ تَقْهَمْ مَادَاؤْنْ سَكَرْخ؟» ¹³ كُنِي أَرِي تَقَرَّامْ سِيدِيْتُونْ دِ أَسْلَمَادْ نُونْ، أَوَالْ أَدْ تَغْرَانْمْ كِيْسْ أَشْكُو غَمْكَانْ أَدْ گِيْخْ. ¹⁴ غَلَادْ لَيْغَ أَوْنْ سِيرْدَخْ إِضَارَنْ نُونْ نِكِينْ لِي يِكَانْ سِيدِيْتُونْ كَخْ أَسْلَمَادْ نُونْ، إِلَا فَلَاؤْنْ أَلَا كُنِي أَتَسْرِيدِمْ إِضَارَنْ إِيْنَكِرْتُونْ. ¹⁵ هَيْ فَكِيْخْ أَوْنْ لَمْثَالْ أَدْ فِي أَتَسْكَارْمْ أَلَا كُنِي غَمْكَلِي يَأْوَنْ سَكَرْخْ. ¹⁶ لَحَقْ دِ صَاحْتْ أَدَاؤْنْ تَنِيْخْ: أُورْ إِلِي يِسْمَكْ يُوكْرَنْ سِيدِيسْ، أَلَا إِلَا أَرْقَاصْ يُوكْرَنْ وَلَيْتِيدْ يُوزْنْ. ¹⁷ غَلَادْ غِ تَسْتِمْ تَغْوِسِوْيِنْ أَدْ، إِسْعَدِيْنْ أَنْكَامْ إِغَاتْتْ تَسْكَارْمْ.

¹⁸ أُورَا كُلُو فَلَاؤْنْ سَوَالْخْ، سَنْخْ وَلِي سَتِيْخْ. وَلَائِنِي إِقَانْدْ أَدْ إِكْمَلْ أَيْلِي يِنَا وَرَا نِرِبِّي: وَلَيْدْ دُرُوخْ أَغْرُومْ إِنُو أَكِيْكِي إِكْلِبِنْ. ¹⁹ أَرَأْوَنْ تَنِيْخْ مَيَادْ لَيْغَ تَا أُورْ إِجْرِي، بَاشْ أَكُونْدَنَا إِجْرَا مَيَادْ تَامْنِمْ إِزْدْ نِكِينْ أَيْكَانْ وَلِي سَايِونْ تَنِيْخْ. ²⁰ لَحَقْ دِ صَاحْتْ أَدَاؤْنْ تَنِيْخْ: وَنَا إِسْمَرْحَبَانْ سِنْ وَنَا أُورْتْخْ هَانْ إِسْمَرْحَبَا سَرِي. وَنَا سَرِي إِسْمَرْحَبَانْ هَانْ إِسْمَرْحَبَا سِنْ وَلَيْيِدْ يُوزْنْ».

لِيغْ أَسْنْ إِنَا يَسُوعْ مِيادْ، إِمَّاسْ لَخَاطْرْ نُسْ إِسْبِينْ أَسْنْدْ أَوَالْ نُسْ إِنَّايسْنْ: «لَحَقْ دْ صَاحْتْ أَدَأْونْ تَتِيخْ يَانْ كَتُونْ رَايِي يَرِنْزْ!»²² أَرْ تَمَدَنْ إِمْحَضَارْنْ إِنْكَرَاتْسْنْ تَتْفَنْ أُورْ سُنْ مَانُوا فْ إِسَاؤْلْ.²³ يَانْ غْ إِمْحَضَارْنْ أَتْ إِكَانْ دْ وَلَيْ يَعْزَانْ دَارْ يَسُوعْ إِسْدُو نِيتْ غْ تَمَا نُسْ.²⁴ إِشَارْ أَسْنْ سَمْعَانْ أَيْسَقْسَا يَسُوعْ: «مَانُوا فْ إِسَاؤْلْ». ²⁵ إِسْدُونْ أَمْحَضَارْ لَيْ فْ إِدْمَارْنْ نْ يَسُوعْ إِسْقَسَاتْ إِنَّايسْ: «مِيَكَا غُوانْ أَسِيدِي؟»²⁶ إِنَّايسْ يَسُوعْ: «هَيِّ رَانْ سَنْكَضْخِ إِمِي أَدْ نْ أَغْرُومْ غْ أَرْكُو، وَلَيْ مِ رَاتْ فَكْخْ أَتْ إِكَانْ!» إِسْنَكَضْنْ إِمِي لَيْ نْ أَغْرُومْ إِفْكَتْ إِيَهُودَا يَوْسْ نْ سَمْعَانْ لَسْخَرِيُوطْ.²⁷ أَيْلِيغْ إِشَا إِمِي لَيْ نْ أَغْرُومْ إِكْشَمْتْ إِيلِيسْ. إِنَّايسْ يَسُوعْ: «أَيْنَا رَاتْ سَكْرَتْ حَرُو سَكْرَتْ». ²⁸ وَلَائِنِي حَتَّا يَانْ غْ وَلَيْ كَوْرِتِينْ غَيْنْ أُورْ إِفْهَمْ مَافْ أَسْ إِنَا مِيادْ.²⁹ كَرَا كِيتْسْنْ إِغَالْ إِسَاسْ إِنَا يَسُوعْ أَدْ إِسْغْ أَيْلِي حَتَّاجَانْ إِلْعِيدْ، نَغْدَ أَيْكَ كَرَا إِدَرَاوْشْ أَشْكُو نَتَانْ أَيْلَانْ فْ صَنْدُوقْ.

³⁰ أَيْلِيغْ إِشَا يَهُودَا أَغْرُومْ لَيْ يَقْعَ سْ بَرَا. إِكْ لَحَالْ ضَيْبِضْ. ³¹ لِيغْ إِفُوغْ يَهُودَا إِنَّايسْنْ يَسُوعْ: «غَلَادْ رَايْمَجَدْ رَبِّي يَوْسْ نْ أَفْكَانْ إِتَيْوْمَجَادْ سَرْسْ رَبِّي.³² إِغْ سَرْسْ إِتَيْوْمَجَادْ رَبِّي، رَاتْ إِمْجَدْ رَبِّي غْ إِخْفْ نُسْ، يَانْ إِمِيكْ سْ نِيتْ إِتَيْوْمَجَادْ.³³ إِدْرُوسْ أَتَرْوا نُو مَارَا سُولْ دِيدُونْ كَخْ، رَيِّ سَكِيلْمْ وَلَائِنِي رَادَأْونْ إِنِيَخْ أَيْلِي يَادْ نِيَخْ إِوْدَائِينْ: غَلِي سْ رَادْ دُوَخْ أُورْ تَرْضَارْمْ أَنْ سَرْسْ تَاشْكُمْ.³⁴ رَادَأْونْ فَكْخْ يَاتْ لُوصِيتْ لَجِيدِيْ: حُبُويَاتْ إِنْكَرْتُونْ. غَمْكُلِي كُنْ رِيَخْ نَكِينْ إِرِيَاتْ أَلَا كَنِي إِنْكَرْتُونْ.³⁵ مِيادْ أَسْ رَأْ كُلُو إِسَانْ مَدْنْ إِسْ تَكَامْ إِمْحَضَارْنْ إِنُو: إِغْ تَعْرَامْ دَارْ إِنْكَرْتُونْ».

³⁶ إِسْقَسَاتْ سَمْعَانْ بُطْرُسْ: «مَنِي سْ رَاتْدُوتْ أَسِيدِي؟» إِوَاجْبَدْ يَسُوعْ إِنَّايسْ: «غَلِي سْ رَادْ دُوَخْ أُورْ تَرْضَارْتْ أَيْبِينْ سَرْسْ تَضْفُورْتْ غَلَادْ، وَلَائِنِي رَايِبِينْ سُولْ تَضْفُورْتْ».³⁷ إِسْقَسَاتْ دَاخْ بُطْرُسْ: «مَاخْ أَسِيدِي أَيْلِيغْ أُورْ رَضَارْخْ أَكْ ضَفُورْغْ غَلَادْ؟ نَكِي رَانْ فَلَاكْ كَخْ تُودْرَتْ إِنُو!»³⁸ إِوَاجْبَدْ يَسُوعْ إِنَّايسْ: «هَيِّ رَانْ فَلَيْ تُكْتْ تُودْرَتْ نَكْ؟ لَحَقْ دْ صَاحْتْ أَدَاكْ تَتِيخْ: إِغْتَا أُورْ إِسَاؤْلْ أَفُولُوسْ رَايِي تَتَكْرَتْ كَرَاطْ تَوَالْ».

14

إِفْرِ وِيسْ كُورْ دْ مِرَاوْ

¹ «أَدْ أُورْ هُولْنْ أُولَوْنْ نُونْ. تُومِنْ سْ رَبِّي أَمَنَاتْ سَرِي أَلَا نَكِي.² هَانْ كَوْتُنْ إِمْصِرِينْ نْ تَرْدَغْتْ لَيْ لَائِنِنْ غْ تَكْمِي نْ بَابَا، مَلَادْ إِسْ أُورْ إِكِي لَحَالْ غَمْكَانْ رَادْ أَوْنَتْ إِنِيَخْ. هَيِّ رَادْ دُوَخْ أَدْ أَوْنِينْ إِوْجَادَخْ لَمَكَانْ.³ إِغْ دِيَخْ إِوْجَادَخْ أَوْنِينْ لَمَكَانْ، رَادْ وَرِيَخْ أَكِينْ أَوِيَخْ فْ أَتَلِيمْ أَلَا كَنِي غْ إِنَّا غْ لِيَخْ.⁴ هَتِي تَسْنِمْ غَلِي سْ رَادْ دُوَخْ تَسَانْمْ أَغْرَاسْ».

⁵ إِسَاؤْلُدْ تُومَا إِنَّايسِنْ: «أُورْ أَكْ أَسِيدِي نُسْنِي سْرَانْدُوتْ أَنِيسَانْ أَغَرَاسْ نُسْ؟» ⁶ إِنَّايسِنْ يَسُوعْ: «نَكِينْ أَيْكَانْ أَغَرَاسْ دْ لَحَقْ دْ تُودْرُتْ، حَتَّا يَانْ أُورَادْ يَاشْكْ سْ دَارْ بَابَا أَبْلَا إِغْنَ سُرْسْ إِكَا أَفُوسْ إِنُو.» ⁷ مَلَادْ إِسِيْ تَسْتَمْ سْ تَسْتَمْ بَابَا أَلَا نَتَانْ. غَمْنْ غَلَادْ أَتْ تَسْتَمْ تَثْرِمْتْ.» ⁸ إِنَّايسِنْ فِيلِبِسْ: «مَلَاخْ أَسِيدِي بَابَاتِخْ يُودَايَاخْ؟» ⁹ إِوَاجْدَنْ يَسُوعْ إِنَّايسِنْ: «مَنْشْكْ أَيَادْ دِيدُونْ زَرِيخْ أَفِيلِبِسْ سُولْ أُورِيْ تَسْتَنْ. يَانِي إِزْرَانْ هَتِي إِزْرَا بَابَا، مَافْ إِيْ تَتِيْتْ: مَلَاخْ بَابَاتِخْ؟ إِزْدْ أُورْ تُومَنْتْ إِسْ لَيْخْ غْ بَابَا يِلِي كِيْكِي بَابَا؟ أَوَالْ لِي سْ أَتَتِيْخْ أُورَاتِيْدْ كَا سَكَارْخْ غْ إِخْفْ إِنُو وَلَائِنِي بَابَا لِي كِيْكِي يِزْدُغْنْ نَنَانْ أَيْسَكَارْنْ لِيمُورْ أَدْ لِي سَكَارْخْ.» ¹⁰ أَمْنَاتِيْ إِغْ أَوْنْ نَيْخْ: لَيْخْ غْ بَابَا يِلِي كِيْكِي بَابَا، نَغْدْ أَمْنَاتِيْ كَا فْ سَبْتْ نْ لَمْعَجَزَاتْ أَدْ.» ¹¹ لَحَقْ دْ صَاحْتْ أَدَاوْنْ تَتِيْخْ: وَنَا سُرِيْ يُومَنْ رَايْسَكَارْ أَلَا نَتَانْ أَيْلِي سَكَارْخْ إِسْكَرْ مَاتْ يُوكْرُنْ، أَشْكُو رَادْ دُوْخْ سْ دَارْ بَابَا.» ¹² دْ كُولْ مَاتَضَالِبْ سْ إِسْمْ إِنُو رَادَاوْنْتْ سَكْرُخْ فْ أَيْتَمْجَدْ بَابَا سْ يُوسْ.» ¹³ إِغْ تَضَالِبْ كُرَا سْ إِسْمْ إِنُو رَادَاوْنْتْ سَكْرُخْ.

¹⁴ إِغْ دَرُونْ عَرِيْخْ أَرْ تَسْكَارْمْ سْ وَوَالْ إِنُو.» ¹⁵ هَيْ رَادْ ضَالِبْخْ إِبَابَا أَدَاوْنْدْ إِفْكْ يَانْ أَمْعِيُونْ يَضْنِينْ لِي رَادْ بَدَا دِيدُونْ يِلِي، أَتْ إِكَانْ دْ رُوْخْ نْ لَحَقْ لِي سْ أُورْ زَضَارْنْ مَدْنْ أَتْ قَبْلِنْ، أَشْكُو أُورَاتْ نَتَانْ أَلَا سَنْتْ. وَلَائِنِي كَنِيْ تَسْنَمْتْ أَشْكُو إِلَا دِيدُونْ دْ إِرَا سُولْ كِيْوْنْ يِلِي.» ¹⁶ أُورَاكِنْ فَلْخْ زُونْدْ إِكِيْكِيلِنْ، رَادْ سُولْ دَرُونْ وَرِيْخْ.» ¹⁷ إِغْ إِكَا لَحَالْ كُرَا إِدْرُوسْنْ أُورَأِيْ سُولْ تَنَانِ أَيْتْ دُونِيتْ، وَلَائِنِي كَنِيْ رَايْ تَنَانِيمْ. نَكِيْ دَرْخْ كَنِيْ رَا تَدْرِمْ.» ¹⁸ غَسَانْ أَرَا تَسَانْ إِسْ لَيْخْ غْ بَابَا، تَلِيمْ كِيْكِي، إِلِيْخْ كِيْوْنْ.» ¹⁹ وَنَا دَارْ لُوصِيَاتْ إِنُو أَرْ سَرْسَنْتْ إِسْكَارْ نَتَانْ أَدَارْ عَرِيْخْ. دْ وَلِيْ دَارْ عَرِيْخْ رَا يَعْزُو دَارْ بَابَا، إِعْزُو دَرِيْ أَلَا نَكِيْ سَبَايِنْخْ أَسْدْ إِخْفْ إِنُو».

²⁰ إِنَّايسِنْ يَهُوْدَا أُورْدْ لَسْخَرِيُوطْ: «مَايْجَرَانْ أَسِيدِي أَيْلِيغَدْ نَكِيْ أَمْ رَادْ تَسْبَايِنْتْ إِخْفْ نَكْ أُورْدْ إِمْدَنْ كُلُوتْنْ؟» ²¹ إِوَاجْدَنْ يَسُوعْ إِنَّايسِنْ: «وَنَا دَارْ عَرِيْخْ أَرْ إِسْكَارْ سْ وَوَالْ إِنُو أَرْ إِنْتَرُو دَارْ بَابَا، دَارْسْ أَسْ رَانْدُو نَزْخْ دِيدْسْ.» ²² وَنَا دَارْ أُورْ عَرِيْخْ أُورَا إِسْكَارْ سْ وَوَالْ إِنُو. أَوَالْ أَدْ لِي مِ تَسْقَلْدَمْ أُورْ إِكِيْ وَنُو أَيْكَا دْ وَيْنْ بَابَا لَيْبِدْ يُوزْنْ.» ²³ هَيْ نَيْخْ أَوْنْ مَيَادْ مَاهَدْ لَيْخْ سُولْ دِيدُونْ.» ²⁴ وَلَائِنِي رُوْخْ لَقْدُسْ لِي يِنَّا كَنْ أَمْعِيُونْ لِي رَايْوْنْ يَازْنْ بَابَا سْ إِسْمْ إِنُو، رَايْوْنْ إِمَالْ كَرِيْكَاتْ تَغَوْسَا، أَرَاوْنْدْ إِسْكَاتِيْ كُرَا سَاوْنْ نَيْخْ. ²⁵ لَهْنَا أَدَاوْنْ فَلْخْ، لَهْنَا نُو أَدَاوْنْ فَكِيْخْ، أُورْدْ غَمْكُلِيتْ أَكَانْ مَدْنْ أَدْ أَوْنْتْ فَكِيْخْ. أَدْ أُورْ هُولْنْ أَوْلَوْنْ نُونْ أَلَا تَكْصُوضَمْ.» ²⁶ تَسْقَلْدَمِيَيْ إِسَاوْنْ نَيْخْ: هَيْ رَادْ دُوْخْ وَرِيْخْ إِلْمَا سُرْوُنْ، إِغْ دَرُونْ عَرِيْخْ رَاقْرَحْمْ أَشْكُو نَيْخْ أَوْنْ رَادْ دُوْخْ سْ دَارْ بَابَا، أَشْكُو بَابَا يُوكْرِيْ.» ²⁷ هَيْ نَيْخْ أَوْنْ مَيَادْ غِيلِكْ غْ تَا أُورْ إِجْرِيْ، بَاشْ كُوْدُنَا إِجْرَا أَتَامْنِمْ.» ²⁸ أَسُولْ رَا دِيدُونْ سُوكْنَخْ أَوَالْ، أَشْكُو أَكْلِيدْ نْ دُونِيتْ أَدْ رَادْ يَاشْكْ مَشْ أُورْ دَارْسْ

فَلِي يُلْيِي كُرَانْ لِجَهْدٍ. ³¹ وَلَا يَنْتِي إِخْصَائِي أَدْ إِسَانْ مَدْنِي إِسَانْ دَرِي يَعْزَّا بَابَا أَرْ سُكَارْخُ أَلِي فِي إِيَّيِي يُوصَائِي. نَكْرَاتْ أَخْ أَنْدُو.

15

إِفْرُ وَيِسْ سَمْوُسْ دْ مَرَاوْ

¹ نَكِينْ أَيْكَانْ دَلِيلْ نَ وَضِيلْ إِحْقَافْ إِكْ بَابَا بَابْ نَ دَلِيلْ. ² أَسْكِيَضْ نَأَيْ كِيَيِي أُورْ إِسْكَارْنْ لَغْلَتْ أَرْتْ إِنْتَبِي، أَسْكِيَضْ نَأَيْ إِسْكَارْنْ لَغْلَتْ أَرْتْ إِنْتَبِي إِسْغُوْسْتْ فِي أَيْسُوْغْتْ لَغْلَتْ نَسْ. ³ كِنْيِي غِلَادْ تَغْسِمْ فِي سَبَانْ وَالْ لِي سَاوْنْ نَيْخْ. ⁴ تَغِيَيْ يَاتْ كِيَيِي تَغِيَيْ كِيَيِي. غِمَكْلِي أُورْ إِرْضَارْ أَسْكِيَضْ أَيْسُكِرْ لَغْلَتْ غِيَفْ نَسْ إِغْ أُورْ إِتَغِي غِدِيلْ، غِمَكْلَانْ دَكِنْيِي: أُورْ تَرْضَارْمْ أَتَسْكَرْمْ لَغْلَتْ إِغْ كِيَيِي أُورْ تَغِيَمْ. ⁵ نَكِينْ أَيْكَانْ دَلِيلْ كِنْيِي تَكْمِنْ إِسْكِيَضْنِي. وَنَأَيْ كِيَيِي إِنْتَغِيَنْ تَغِيَيْ كِيَيِي نَنَانْ أَرَا يَسْكَارْ لَغْلَتْ إِكُوتْنِي. أَشْكُو إِغْ أَونْ أُورْ إِوْسَخْ أُورْ تَرْضَارْمْ أَتَسْكَرْمْ يَاتْ. ⁶ وَنَأَيْ كِيَيِي أُورْ إِنْتَغِيَنْ رَانْ إِضْرِنْ غِبْرَانْ زُونْدْ كُرَانْ أَسْكِيَضْ، رَا يَغَارْ أَسِينْتْ إِضْرِنْ غِلَقِيَتْ إِجْدِرْ. ⁷ إِغْ كِيَيِي تَغِيَمْ إِنْتَغِيَيْ كِيَيِي وَالْ إِنْوَ رَا تَضَالِبْ كُرَانْ تَرَامْ إِنْفَكْ أَونْ. ⁸ غِمَكْلَانْ أَسْ إِنْمَجَادْ رَبِّي: إِغْ أَتَسْكَارْمْ لَغْلَتْ إِكُوتْنِي إِيَّا يَنْدِنْ إِسْ تَكَامْ إِمْحَضَارْنِي إِنْوَ. ⁹ غِمَكْلِي عَزِيَخْ دَارْ بَابَا أَدَرِي تَعْزَامْ أَلَا كِنْيِي. غَمَائِيتْ غِ تَايِرِي نُو. ¹⁰ إِغْ أَتَسْكَارْمْ سْ لُوْصِيَاتْ إِنْوَ رَا بُدَّا دَرِي تَعْزُومْ. غِمَكْلِي سُكَارْخُ أَلَا نَكِينْ سْ لُوْصِيَاتْ نَ بَابَا عَزُوكْ بُدَّا دَارْسِنْ. ¹¹ أَفَاؤْنْ نَيْخْ مَيَادْ دَكِيَونْ بِلِي لَفْرَخْ إِنْوَ، إِكْ لَفْرَخْ نُونْ وَادْ إِكْمَلنْ.

¹² غِمَكَادْ أَتَكَ لُوْصِيَتْ إِنْوَ: إِرِي يَاتْ إِنْكِرْتُونْ غِمَكْلِي كِنْ رِيَخْ. ¹³ أُورْ سُولْ تَلِي تَايِرِي يُوكَرْنْ خَتَادْ: أَسْتْ إِكَانْ دَإِغْ إِمُوتْ يَانْ فِي بِلِي يِرَا. ¹⁴ كِنْيِي تَكَامْ إِمْدُوكَالْ إِنْوَ إِغْ أَتَسْكَارْمْ سْ أَيْلِي سَاوْنْ نَيْخْ. ¹⁵ أُورْ سُولْ رَايِونْ نَيْخْ إِسْمَكَانْ، أَشْكُو إِسْمَكْ أُورَإِيَسْ إِمَالْ سِيدِيَسْ أَلِيَيْ يَسْكَارْ، وَلَا يَنْتِي يَمْدُوكَالْ إِنْوَ أَدْ أَونْ نَيْخْ أَشْكُو مَلِيَخْ أَونْ كُولْ مَمِيدْ سَفَلَدَخْ غِ دَارْ بَابَا. ¹⁶ أُورَدْ كِنْيِي أَيْيِي يَسِتِينْ، وَلَا يَنْتِي نَكِينْ أَكَنْ إِسِتِينْ ژَلِيَخْكِنْ فَاتَدُومْ أَرْ تَسْكَارْمْ لَغْلَتْ تَكْ لَغْلَتْ نُونْ تَادْ إِدُونْ، إِفَكْ أَونْ بَابَا كُولْ مَاتَضَالِبْ سْ إِسْمِ إِنْوَ. ¹⁷ مَيَادْ أَفْ أَكَنْ تُوْصُوكْ: أَتَرِيمْ إِنْكِرْتُونْ.

¹⁸ إِغْكِنْ حَشَانْ مَدْنِي تَسَانِمْ إِزْدْ نَكِينْ أَرْوَارْ حَشَانْ. ¹⁹ مَلَادْ إِسْ تَكَامْ غِ أَيْتْ دُونِيتْ، سْ كِنْ رَانْ مَدْنِي أَشْكُو تَكَامْ كِيَسْنِي. وَلَا يَنْتِي أُورْ كِيَسْنِي تَكِيمْ أَشْكُو نَكِينْ أَكَنْدْ إِسِتِينْ غِ كَرَاتْسِنْ، غَانْ أَفْكِنْ حَشَانْ. ²⁰ كِتِيَادْ أَوَالْ لِي سَاوْنْ نَيْخْ: أُورْ إِلِي يَسِمَكْ يُوكَرْنْ سِيدِيَسْ. إِغِي سَرْفُونْ هَتِي رَاكِنْ سَرْفُونْ أَلَا كِنْيِي، إِغْ تَسْكَارْنِي سْ وَالْ إِنْو هَتِي رَادْ سُكَارْنِي سْ وَالْ نُونْ أَلَا كِنْيِي. ²¹ وَلَا يَنْتِي مَيَادْ كَلُوتْ رَادْ أَونْتْ سُكْرِنْ فِي سَبَّتْ نَ إِسْمِ إِنْو، أَشْكُو أُورْ سَنْ وَلَيَّدْ يُوزْنِي. ²² مَلَادْ أُورْ أَشْكِيَخْ سَاوْلَخْ سَرْسِنْ، أُورَأَ فَلَاسْنِ إِلِينْ دُوبْ. وَلَا يَنْتِي غِلَادْ، أُورْ سُولْ دَارْسِنْ مَاسْ سَعْضَارْنِ فِي دَنْوَبْ نَسْنِي. ²³ وَنَأَيْ يَحَشَانْ هَانْ إِحْشَا بَابَا أَلَا نَنَانْ. ²⁴

مَلَادِ إِسْ كَأَ أُورْ سَكْرُخْ غَ كَرَاتِسْنْ أَيْلِي جُونْ أُورْ إِسْكُرْ حَتَّا يَانْ يَاضْنْ، أُورْ فَلَاسْنْ لِينْ دَنُوبْ. وَلَائِنِي غَلَادْ ثَرَانْ لِمُعْجَزَاتْ أَدْ سُولْ حَشَانِي نَكِي أَلَا بَابَا. ²⁵ وَلَائِنِي أَفْ إِلَّا مَيَادْ دَأْ إِكْمَلْ أَيْلِي يَيْئُورَانْ غَ شَرْغْ نَسْنْ: حَشَانِي كَأَ بَلَانْ سَبَّا.

²⁶ تِرِي نَادْ يُوشِكَا أَمْعِيُونْ لِي رَادْ أَوْنْدْ أَزْنَخْ دَارْ بَابَا، أَتْ إِكَانْ دَرُوحْ نَلْحَقْ لِي رَادْ إِفْغْ غَ دَارْ بَابَا، نَتَّانْ أَرَا فَلِي يَكَا تُوكَّا. ²⁷ أَرْتَنْتْ فَلِي تَكَامْ أَلَا كِنِي، أَشْكُو تَلَامْ دِيدِي غَمْنْ إِسْ إِزْوَارْ.

16

إِفْرْ وِيسْ سَضِيِصْ دَمْرَاوْ

¹ هَيْ نَيْخْ أَوْنْ مَيَادْ أَدْ أُورْ تَفْلِمْ لِيمَانْ. ² هَانْ رَاكِنْ سُوفْغُنْ غَ إِكْرَاؤْنْ تَاشْكَدْ سُولْ يَاتْ لَوقْتْ لَيْغْ رَأْ يَغَالْ وَنَاكِنْ إِنْغَانْ إِسْ إِسْكُرْ كَرَا نَتُورِي إِرْبِي. ³ رَادَاؤْنْ سَكَارْنْ مَيَادْ أَشْكُو أُورْ سَنْ بَابَا أَلَا سَنِي. ⁴ أَرَاؤْنْ تَنْيَخْ مَيَادْ بَاشْ إِغْ تَلْكُمْ لَوقْتْ أَنْ أَدْ تَكْتِيمْ إِسَاوْنْتْ يَادْ نَيْخْ. أُورَاؤْنْ نَيْخْ مَيَادْ غَمْنْ إِسْ إِزْوَارْ أَشْكُو لَيْخْ دِيدُونْ.

⁵ غَلَادْ هَيْ رَادْ وَرِيْخْ سْ دَارْ وَلَيْيَدْ يُوزْنْ، حَتَّا يَانْ كَتُونْ أُورِيِّ إِسْقَسَا: مَنِي سْ رَادْ دُوْخْ؟ ⁶ وَلَائِنِي لَيْغْ أَوْنْ نَيْخْ مَيَادْ تَاغْكُنْ تَكْوَضِي. ⁷ رَادَاؤْنْ إِنْيَخْ صَاحْتْ: هَانْ يُوفَلُونْ إِغْ دَيْخْ، أَشْكُو إِغْ أُورْ دَيْخْ أُورَادْ أَوْنْدْ يَاشْكَ أَمْعِيُونْ، وَلَائِنِي تِرِي نَا دَيْخْ رَادْ أَوْنْتَبِدْ أَزْنَخْ. ⁸ أَكُودْ نَادْ يُوشِكَا، نَتَّانْ أَرَادْ إِسْبَايِنْ إِمْدَنْ إِسْ أُورْ سَنْ مَيْكَانْ لِمُعْصِيَتْ أَلَا مَايِصْلُحْنْ أَلَا لَحُوكْمْ نَرْبِي. ⁹ أُورْ سَنْ مَيْكَانْ لِمُعْصِيَتْ أَشْكُو أُورْ سَرِي أُومَنْ. ¹⁰ أُورْ سَنْ مَيْكَانْ مَايِصْلُحْنْ أَشْكُو رَادْ وَرِيْخْ سْ دَارْ بَابَا أُورَأَيِّ سُولْ تَزْرَمْ. ¹¹ أُورْ سَنْ مَيْكَانْ لَحُوكْمْ نَرْبِي أَشْكُو أَكْلِيدْ نَ دُونِيتْ أَدْ إِتُوتْ فَلَاسْ لَحُوكْمْ.

¹² لَانْتْ سُولْ دَرِي كِيْكَانْ تَغُوسِيُونْ يَضْنِينْ مَادَاؤْنْ تَنْيَخْ، مِشْ أُورَاسْتْنْ تَرْضَارَمْ غَلَادْ. ¹³ وَلَائِنِي تِرِي نَادْ يُوشِكَا رُوحْ نَ لَحَقْ نَتَّانْ أَرَادَاؤْنْ إِمْلْ لَحَقْ كُلُوتْ، أَشْكُو أُورَادْ إِسْكَارْ يَاتْ غَ إِحْفَ نَسْ أُورَا إِتِّي أَبْلَا أَيْلِي مِ إِسْقَلِيدْ إِمْلْ أَوْنْ سُولْ أَيْلِي رَادْ يَاشْكْ. ¹⁴ نَتَّانْ أَرَأَيِّ إِمْجَدْ أَشْكُو رَادْ إِتَامْرْ أَيْلِي يَكَانْ وَنُو أَرْ أَوْنْتْ إِتِّي. ¹⁵ كُولْ مَيْكَانْ وَيِنْ بَابَا وَنُو أَيْكَا، مَيَادْ أَفْ أَوْنْ نَيْخْ: رَادْ إِتَامْرْ أَيْلِي يَكَانْ وَنُو أَرْ أَوْنْتْ إِتِّي. ¹⁶ إِغْ إِكَا لَحَالْ يَانْ إِمِيكَ أُورَأَيِّ سُولْ تَزْرَمْ، إِغْ دَاخْ إِكَا لَحَالْ يَانْ إِمِيكَ رَأَيِّ دَاخْ تَزْرَمْ، أَشْكُو رَادْ دُوْخْ سْ دَارْ بَابَا».

¹⁷ كَرَا غَ إِمْحَضَارَنْ نَسْ أَرْتَتِينْ كَرَاتِسْنْ: «مَيْكَانْ مَيَادْ لِي سَائِخْ إِتِّي: إِغْ إِكَا لَحَالْ يَانْ إِمِيكَ أُورَأَيِّ سُولْ تَزْرَمْ إِغْ دَاخْ إِكَا لَحَالْ يَانْ إِمِيكَ رَأَيِّ تَزْرَمْ، أَشْكُو رَادْ دُوْخْ سْ دَارْ بَابَا؟» ¹⁸ أَكَانْ أَرْ سَقَسَانْ أَرْتَتِينْ: «مَيْكَانْ يَانْ إِمِيكَ أَدْ فْ إِسْوَالْ؟ أُورْ نَسِينْ مَافْ إِسْوَالْ». ¹⁹ يَسُوعْ إِسْنْ إِسْ رَانْ أَتْ سَقَسَانْ، إِنَّايسِنْ: «إِزْدْ أَفْ أَنْسَقَسَامْ إِنْكُرْتُونْ دَعْمُكُلِي يَاوْنْ نَيْخْ: إِغْ إِكَا لَحَالْ يَانْ إِمِيكَ أُورَأَيِّ سُولْ تَزْرَمْ إِغْ دَاخْ إِكَا لَحَالْ يَانْ

إِمِيكَ رَايِ تَرْزَمْ؟²⁰ لَحَقَ دْ صَاحْتُ أَدَأْوَنْ تِتِيْخْ: رَاتَلَامْ أَرْ تَسْغُوْيُومْ وَلَائِنِي مَدْنَ رَادْ فَرْحَنْ. رَاكِنْ تَاعْ تَكُوْضِي وَلَائِنِي تَكُوْضِي نُونْ رَاسُولْ تَصُوْتُ تُكْ لَفْرَخْ.²¹ إِغْ رَاتَرُو تَمْعَرْتُ أَرْ تَحْرَانْ أَشْكُو إِلْكُمْ أَزْمَرْ نُسْ. وَلَائِنِي إِغْدِ إِلْوُلْ وَرَأَوْ نُسْ أَرْ تَتُو أَنْكَارْ لَيْ فَلَالَسْ إِزْرِينْ فْ سَبَّتْ نْ لَفْرَخْ، أَشْكُو إِزْوِيدْ يَانْ أَفَگَانْ غْ دُونِيتْ.²² غَمْكَانْ دْ كُكِي غَلَادِ إِلَا دَرُونْ لَحْرَنْ. وَلَائِنِي رَاكِنْ دَاخْ ثَرْخْ فَرْحَنْ أَوْلَوْنْ نُونْ، حَتَّا يَانْ أُورَأَ يَوْنْ إِكْسْ لَفْرَخْ نُونْ.²³ غَسَانْ أُورَأَيِ سُولْ تَسْقَسَامْ غْ يَاتْ. لَحَقَ دْ صَاحْتُ أَدَأْوَنْ تِتِيْخْ: هَانْ كُولْ مَاتَضَالِبْ إِبَابَا سْ إِسْمِ إِنُو رَادَأَوْنْتِ إِفَكْ.²⁴ أَرْ غَلَادِ أُورَتَأَ جُونْ تَضَالِبْ يَاتْ سْ إِسْمِ إِنُو. ضَالِبْ أَتْ رَا تَامْزِرْمْ، فَايِگْ لَفْرَخْ نُونْ وَادِ إِكمَلْنْ.

²⁵ مَيَادِ أَرَأَوْنْتِ تِتِيْخْ سْ لَمْعَنَا. وَلَائِنِي رَادِ سُولْ تَاشْكُ يَاتْ لُوقْتْ لَيْغْ أُورَأَ سُولْ سَوَالِخْ فْ بَابَا سْ لَمْعَنَا، وَلَائِنِي رَافْلَاسْ سَوَالِخْ سْ وَالِ إِبَابَنْ.²⁶ غَسَانْ رَادِ تَضَالِبْ بَابَا سْ إِسْمِ إِنُو، أُورَأَوْنْ نِيْخْ رَادَأَوْنْتِ تَضَالِبْخْ.²⁷ أَشْكُو بَابَا سْ إِخْفَ نُسْ إِحْوَبَانْ، أَشْكُو تَحْوَبَانِي تَامْنِ إِزْدِ دَارِ رَبِّي أَغْدِ أَشْكِيْخْ.²⁸ فُوغَدْ غْ دَارِ بَابَا أَشْكَدْ سْ دُونِيتْ، غَلَادِ رَادِ فُوغَ دُونِيتْ وَرِيْخْ سْ دَارِ بَابَا».

²⁹ نَانْ أَسْ إِمْحَضَارَنْ نُسْ: «هَتِي غَلَادِ أَرْ تَسْوَالْتُ أَوَالِ إِبَابَنْ أُورَأَ سُولْ تَسْوَالْتُ سْ لَمْعَنَا.³⁰ غَلَادِ نُسْنِ إِسْ تَسْنَتْ كَرِيْكَاتْ تَغَوْسَا، أُورْ سُولْ تَحْجَاجْ أَكِ إِسْقَسَا يَانْ. مَيَادِ أَفْ نُومْنِ إِزْدِ دَارِ رَبِّي أَدِ تَكِيْتْ». ³¹ إِنَّا يَسُوعْ: «غَلَادِ إِسْ تُومَنْ؟³² هَانْ رَادِ تَاشْكُ يَاتْ لُوقْتْ إِسْدِ نِيْتْ تُوشْكَا غَلَادِ، رَاكِيْسْ تَمَرْمِزْ، كُونْ يَانْ إِدُو سْ دَارِ أَيَّدَارْسْ، تَقْلِمِيَ وَحَدُوِي. وَلَائِنِي هَانْ أُورْ كِيْخْ وَحَدُوِي أَشْكُو إِلَا دِيدِي بَابَا. نِيْخْ أَوْنْ مَيَادِ فْ أَدَأْوَنْ يَلِي لَهْنَا إِغْ دِيدِي تَكَامْ يَانْ. دُونِيتْ رَادَأَوْنْ كِيسْ تِلِي تَسَاسْتْ، وَلَائِنِي زَعْمَاتْ أَشْكُو كِيْخْ فْ دُونِيتْ».

17

إِفْرُ وِيسَ سَا دْ مَرَاوْ

¹ لَيْغِ إِنَّا يَسُوعْ مَيَادِ، يَالِ الَّنْ نُسْ سْ إِكْنَوَانْ إِنَّا: «بَابَا لُوقْتْ لَيْ هَتِي تَلْكَمْ. مَجْدِ يُوكْ فَالِكِ إِمْجَدِ يُوكْ أَلَا نَتَانْ،² أَشْكُو تَكِيْتْ كُلُو مَدْنَ غْ دُوْ أَفُوسْ نُسْ فْ أَيْفَكْ تُودْرْتْ إِدُونْ إِولِي يَاسْ كُلُو تَقْكِيْتْ.³ تُودْرْتْ إِدُونْ إِكَاتْ أَدِ إِسَانْ إِزْدِ كِيْنِ وَحَدُوكْ أَيَّكَانْ رَبِّي يَحْقَاقْنِ، إِسَانْ يَسُوعْ لَمَسِيْحْ لِيدِ تُورْزَنْتْ.⁴ نِكِينْ مَجْدَحْكْ غْ إِكِيْ نْ وَكَالْ. تَوْرِي لَيْدِ تَقْكِيْتْ هَتِي كَمْلَخْتْ.⁵ غَلَادِ إِبَابَا مَجْدِي غْ دَارِكْ سْ لَمَجْدِ لَيْ دَارِكْ إِلَانْ لَيْغِ تَا أُورْ تِلِي دُونِيتْ.

⁶ هَيِّ سِبِّيْنْخِكِيدِ إِمْدَنْ لَيِّ تَقْكِيْتْ غْ دُونِيتْ. وِينِكْ أَدَكَانْ تَقْكِيْتِنْ، أَرْ سَكَارْنْ سْ وَالِ نِكْ.⁷ غَلَادِ سَنْ إِزْدِ كُولْ مَايِّ تَقْكِيْتْ إِزْدِ دَارِكْ أَدِ إِكَّا.⁸ أَشْكُو فَكِيْخْ أَسْنِ أَوَالِ لَيِّ تَقْكِيْتْ قَبَلْنَتْ حَقَاقْنِ إِزْدِ دَارِكْ أَدِ كِيْخْ أَمْنِ إِزْدِ كِيْنِ أَيَّيِدِ يُورْنِ.⁹ نِتِي أَمِ تَدْعُوْخْ، أُورْدِ أَيْتْ دُونِيتْ. أَمِ تَدْعُوْخْ دِ ولِيِّ تَقْكِيْتْ أَشْكُو وِينِكْ أَدِ

گان. ¹⁰ کول مایگان و نو وینک ایگا، د آینا بگان وینک و نو ایگا، لمجذ او هتی اپایند گیسن. ¹¹ نکین اور سول غماخ غ دوئنیت اشکو ران دارک اشکخ، نتنی لان سول غ دوئنیت. گابل ولی تفکیت آبابا کی لی پیگان لقوس، س لجهه ن اسم نک، فاد گن یان گمکلی نگا یان الا نکنی. ¹² لیغ دیدسن لیخ غ دوئنیت گابلخ ولی تفکیت س لجهه ن اسم نک. هتی گابلختن اور گیسن إجلی حتا یان ابله ولی بران ایچلو، فاد اکمل ایلی یلان غ ور انک. ¹³ غلاد هی ران دارک اشکخ. ولاینی ار تیخ میاد ماحد لیخ سول غ دوئنیت ف اکیسن ایک لفرخ او واد اکملن. ¹⁴ فکیخ اسن اوال نک ولاینی حشانتن ایت دوئنیت اشکو اور گین غ ایت دوئنیت گمکلی اور گیخ الا نکنی غ ایت دوئنیت. ¹⁵ اور اک ضالبخ اتنین تسبیت غ دوئنیت، ولاینی اداک ضالبخ د اتن تکوت غ ایلیس. ¹⁶ نتنی اور گین غ ایت دوئنیت گمکلی اور گیخ الا نکی غ ایت دوئنیت. ¹⁷ گتن د وینک س لحق. اوال نک ایگان لحق. ¹⁸ گمکلی بید توڑنت س دوئنیت اتن اوزنخ س دوئنیت الا نتنی. ¹⁹ اشکو نتنی اف گیخ اخف او د وینک فاد گن الا نتنی إخافون نس د وینک س لحق.

²⁰ اور د غوید کا ام تدعوه، ولاینی الا ولی راسري یامن س ووال نس اراسن تدعوه، ²¹ فاد کلو گین یان، گمکلی گیگی ثلیت آبابا إلیخ گیک، فاد کلو گینخ گین یان الا نتنی، امن ایت دوئنیت ازد کین ادیب یوزن. ²² هي فکیخ اسن لمجذ لی تفکیت، فاد گن یان گمکلی نگا یان نکی دیدک. ²³ نکین لیخ گیسن کیین نثیت گیگی فاتگ تمونت نس تاد اکملن، اد اسان مدن ازد کین اید یوزن تریتن گمکلی تریت. ²⁴ اریخ آبابا ادیدی الإین گولی تفکیت غلیغ لیخ، اد ژرن لمجذ او لی تفکیت اشکو تریتی اورتا تلی دوئنیت. ²⁵ کی آبابا لی یگان واد اصلاحن، اور اک سن ایت دوئنیت، نکین سناخ اسان غوید اسید توڑنت. ²⁶ نکی ملیخ اسن اسم نک، اریخ اداسنت سول ملخ ف اکیسن نی تاییری لی تریت إلیخ گیسن الا نکنی».

18

إِفْرُ وِيسَ تَامْ دَ مِراوْ

¹ لیغ ایا یسوع میاد، افع ننان د امحضارن نس س اگمامض ان ن وسیف ن قدرؤون غلیغ الا یان اورتی، اکشم سرس ننان د امحضارن نس. ² یهودا لیت ازنزان اسن غین، اشکو مناوت توال اگیس امون یسوع د امحضارن نس. ³ إنکر یهودا بوید لعسکر د امحزرین غ دار اریاسن ن ایندادن د افریسین، اشکنین س غین اسین اسوفا د لقنادل د سیوف. ⁴ یسوع ننان اسن کلو ماراد اس اجزرو، افغد سرسن ایناسن: «مانوا س اتسکیلم؟» ⁵ نان اس: «یسوع اوناصلرا». ایناسن یسوع: «نکین ات اگان». یهودا لیت ازنزان اید نیت الا ننان دیدسن غین. ⁶ لیغ اسن ایا یسوع: «نکین ات اگان»، ورین تعرضین صرن س وكال. ⁷ اسقساتن داخ: «مانوا سا تسکیلم؟» نان اس: «یسوع اوناصلرا». ⁸ ایناسن: «نیخ اوون: نکین ات اگان. اغد نکین

أَتْسِكِيلْمُ، أَجَّاتْ غُوِيدْ أَدْ دُونْ». ⁹ مَيَادْ إِجْرَا فَادْ إِكْمَلْ وَوَالْ لَيْ سْ إِنَّا: «أُورْ جِلِيْخْ حَتَّا يَانْ غْ وَلِيْيِ تَفْكِيْتْ».

¹⁰ يِلِي يَانْ سِيفْ دَارْ سَمْعَانْ بُطْرُسْ، إِلْدِنِيْدْ يُوتْ سَرْسْ إِسْمَكْ نْ أَرِيَاسْ نْ إِنْبَادَنْ إِبِي أَسْ أَمْزُوغْ أَفَاسِيْ، إِكْ إِسْمْ نْ إِسْمَكْ أَنْ مَلْحُسْ». ¹¹ إِنَّايسْ يَسُوعْ بُطْرُسْ: «رَارْ سِيفْ نَكْ سْ جُوا نَسْ! إِسْ أُورَادْ سُوكْ لَكَاسْ نْ إِنْكَازْنْ لَيِّي إِفَكَا بَابَا؟»

¹² غَكُودَانْ أَيْنِكْرْ لَعْسَكْ دْ لَقَيْدْ نَسْ دْ إِمْخَرْنِينْ نْ وُدَائِنْ أَمْزِنْ يَسُوعْ كَرْفَتْ، ¹³ أَوِينْتْ زَوَارْ دَارْ حَنَّانْ، لَيِّيْكَانْ كَرَا إِقِيَافا لَيِّيْكَانْ أَرِيَاسْ نْ إِنْبَادَنْ غْ أَسْكَاسْ أَنْ. ¹⁴ قِيَافا أَدْ أَيْفَكَانْ يَاتْ نَصِيْحَتْ إِوْدَائِنْ لَيِّغْ أَسْنِ إِنَّا: «هَتِي يُوفْ أَخْ إِغْ إِمُوتْ يَانْ أَرْكَازْ فْ مَدْنْ كَلُوتْنْ».

¹⁵ إِنْكْرْ سَمْعَانْ بُطْرُسْ دْ يَانْ أَمْحَضَارْ يَاصِنْ صَقُورْنْ يَسُوعْ. إِكْشِمْ أَمْحَضَارْ أَنْ دْ يَسُوعْ سْ تَكْمِيْ نْ أَرِيَاسْ نْ إِنْبَادَنْ أَشْكُو إِسْتَنْتْ. ¹⁶ وَلَائِنِي بُطْرُسْ إِبْدَ أَرْ إِنْقَلْ غْ بَرَانْ تَكْمِيْ يَانْ. إِفْغَدْ أَمْحَضَارْ لَيِّي يَسِنْ أَرِيَاسْ نْ إِنْبَادَنْ إِسَاوْلْ سْ تَلَيِّي يَضُوفْنْ إِمِي إِسْكَشْمَنْ بُطْرُسْ. ¹⁷ تَنَاهِيْسْ تُوايَا لَيِّي يَضُوفْنْ إِمِي نْ تَكْمِيْ لَيِّي بُطْرُسْ: «مَاخْ أُورْ تَكِيْتْ أَلَا كَيِّيْ يَانْ غْ إِمْحَضَارْنْ نْ أَرْكَازْ أَدْ؟» إِنَّايسْ: «أَهُويْ أُورْتْ كِيْخْ». ¹⁸ يِلِي أَصْمِيْضْ، سَرْغُنْ إِسْمَكَانْ دْ إِمْخَرْنِينْ لَعْقِيْتْ أَرْ رَقَّانْ، إِبْدَ دِيدْسْنْ بُطْرُسْ أَلَا نَتَانْ أَرْ إِرْقَانْ.

¹⁹ إِسْقَسَا أَرِيَاسْ نْ إِنْبَادَنْ يَسُوعْ فِي إِمْحَضَارْنْ نَسْ دْ الْمُودْ نَسْ. ²⁰ إِوْاجِبْدْ يَسُوعْ إِنَّايسْ: «نَكِيْنْ أُورْ سَنْتَلْخْ أَوَالْ إِنُو فْ مَدْنْ. أَرْ بَدَا سَلْمَادْخْ غِيْ إِكْرَاؤْنْ دْ لَهِيَكْ غَلِيْغْ أَنْ بَدَا تَمُونْ وُدَائِنْ، أُورْ جُونْ سَاوْلَخْ غِيْ تَنَتَلَا. ²¹ مَافْ إِيِّ تَسْقَسَاتْ نَكِيْنْ؟ سَقَسَا وَلَيِّي سَفَلْدِنِينْ إِبِيَلِي سَاسِنْ نَيِّخْ، هَتِي سَنْ إِلِيَّيِي سْ نَيِّخْ». ²² لَيِّغْ أَسْ إِنَّا أَوَالْ أَدْ، يُوتْ أَمْخَرْنِيْ لَيِّي بَيِّدِنْ غِيْنِ سْ يَانْ أَمْرِيقْ إِنَّايسْ: «إِزْدْ غَمَكَانْ أَسْ رَادْ تَوَجَّبْتْ إِوْرِيَاسْ نْ إِنْبَادَنْ؟» ²³ إِوْاجِبْدْ يَسُوعْ إِنَّايسْ: «إِغْ سَاوْلَخْ كَارْ أَوَالْ سَبَايِنْتِيدْ فَلِي. وَلَائِنِي إِغْ غَرَانْخْ مَافْ إِيِّ زَانْ تَكِيْتْ؟» ²⁴ يَازِنْتْ حَنَّانْ إِنْكَرْفْ نِيتْ سُولْ سْ دَارْ قِيَافا لَيِّيْكَانْ أَرِيَاسْ نْ إِنْبَادَنْ.

²⁵ غَكُودَانْ إِبْدَ نِيتْ سُولْ بُطْرُسْ غِيْنِ أَرْ إِرْقَانْ، سَقَسَانْتْ: «إِزْدْ أُورْدَ يَانْ غِيْ إِمْحَضَارْنْ نَسْ أَتَكِيْتْ أَلَا كَيِّ؟» إِنَّاكرْ إِنَّايسْ: «أَهُويْ أُورْتْ كِيْخْ!» ²⁶ يَانْ غِيْ إِسْمَكَانْ نْ أَرِيَاسْ نْ إِنْبَادَنْ لَيِّيْكَانْ كَرَا إِسْمَكْ لَيِّي إِبِي بُطْرُسْ أَمْزُوغْ إِنَّايسْ: «مَاخْ أُورْكْ دِيدْسْ ثَرِيْخْ غِيْ أُورْتِي؟» ²⁷ إِنَّاكرْتْ دَاخْ بُطْرُسْ، إِسَاوْلْ نِيتْ أَفُولُوسْ.

²⁸ أَوِينْ إِلَمَا أَدَائِنْ يَسُوعْ غِيْ تَكْمِيْ نْ قِيَافا سْ لَقْصَرْ نْ لَحَاكْمْ نْ رُومْ. إِكْ لَحَالْ زِيَكْ صَبَاحْ. وَلَائِنِي أُورْ كَشْمَنْ سْ لَقْصَرْ أَدْ أُورْ لَسْنْ إِخْلَوْنْ نَسْ أَدْ أَفْنِ أَدْ شِيْنْ تِيرْمَتْ نْ لَعِيدْ نْ نَجَا. ²⁹ إِفْغَدْ سَرْسْ بِيلَاطُسْ إِنَّايسْ: «مَاسْ أَتَشَكَّامْ فْ أَرْكَازْ أَدْ؟» ³⁰ وَاجِبْدَ نَانْ أَسْ: «مَلَادْ إِسْ أُورْ إِسْكَرْ كَرَا أُورَالَكْ رَايْكِتِيدْ نَوِي». ³¹ إِنَّايسْ بِيلَاطُسْ: «أَوِيَاتْ كَنِيْ نِيتْ تَحْكُمْ فَلَاسْ سْ إِلِيَّيْ يَلَانْ غِيْ شَرْغْ نُونْ». نَانْ أَسْ

أَدَائِنْ: «وَلَائِنِي أُورْ أَخْ إِنْكِي لَادْ أَنِينْ حَتَّا يَانْ». ³² إِجْرُو مَيَادْ فَادْ إِكْمَلْ أَيْلِي سِنْ إِنَا يَسُوعْ لِيغْ إِسَاوْ فْ مَمْنُكْ أَرَاتِكْ لَمُوتْ لَيْ رَايْمَتْ.

³³ إِكْشَمْ دَاخْ بِيلَاطْسْ سْ لَقْصَرْ إِغْرَدْ يَسُوعْ إِنَايْسْ: «إِزْ كِيْنْ أَيْكَانْ أَكْلِيدْ نْ وُدَائِنْ؟» ³⁴ إِسْقَسَاتْ يَسُوعْ إِنَايْسْ: «إِزْ كِيْنْ أَيْنَانْ مَيَادْ، نَعْدْ إِسَاكْ فَلَيْ سَاوْلَنْ وِيَاضْ؟» ³⁵ إِنَايْسْ بِيلَاطْسْ: «إِسْ كِيْخْ أُودَائِيْ؟ أَيْتْ تَمَرْرَتْ نَكْ دْ إِرِيَاسْنْ إِنْبَادَنْ أَيْكِيدْ يَوِينْ. مَادْ يَدَلِيْ تَسْكَرْتْ؟» ³⁶ إِوَاجْدَنْ يَسُوعْ إِنَايْسْ: «تَكَلْدِيْتْ إِنُو أُورْ تَلِي غْ دُونِيتْ أَدْ. مَلَادْ إِسْ كِيسْ تَلَا سْ فَلَيْ مَاعْنْ إِخْدَامْنْ إِنُو أَيْ أُورْ أَمْرَنْ أَدَائِنْ. وَلَائِنِي غَلَادْ تَكَلْدِيْتْ إِنُو أُورْ تَلِي غِيدْ». ³⁷ إِسْقَسَاتْ بِيلَاطْسْ إِنَايْسْ: «هَيَا، أَكْلِيدْ أَتَكِيْتْ؟» إِوَاجْدَنْ يَسُوعْ إِنَايْسْ: «غَمَكْلِي سْ تَنْتِيْتْ، كِيْخْ أَكْلِيدْ. نَكِيْ أَفْدْ لَوْلِيْخْ أَشْكَحْدْ سْ دُونِيتْ دَأْ أَكَاخْ تُوكَافْ لَحَقْ. وَنَا إِكَانْ أَرَأَوْ نْ لَحَقْ أَرْ إِسْفَلِيدْ إِوَوالْ إِنُو». ³⁸ إِنَايْسْ بِيلَاطْسْ: «مَيَكَانْ لَحَقْ؟» لِيغْ أَسْ إِنَا مَيَادْ إِفْغَدْ دَاخْ سْ دَارْ أَدَائِنْ إِنَايْسْ: «نَكِيْ أُورْ كِيسْ أَفِيْخْ كَرَا نْ مَايْغَنْ أَغْرَاسْ». ³⁹ وَلَائِنِي إِكَأْ دَرُونْ لَعْدَا دَأْ أُونِينْ تَنُورْزُمْخْ يَيَانْ أَحْبَاسْ غْ لَعِيدْ نْ نَجا. إِسْ تَرَامْ دَأْ أُونِينْ رَزْمْخْ إِوَكْلِيدْ نْ وُدَائِنْ؟» ⁴⁰ كَنْ كُلُو تَغُويَيْتْ أَرْتِتِينْ: «أَهُوِيْ أُورْدْ نَتَانْ، أَمْ أَخْدْ تَنُورْزُمْتْ دْ بَارَابَاسْ». إِكَ بَارَابَاسْ أَنْ أَمْخَارْ.

19

إِفْرْ وِيسْ طَرَّا دْ مَرَاوْ

¹ تِري يَانْ أَيُومَزْ بِيلَاطْسْ يَسُوعْ إِشْ أَسْ أَكُورَأِيْ. ² نَكْرَنْ لَعْسُكْرْ زَطَانْ يَانْ تَاجْ نْ إِسْنَانْ كَنْ أَسْتْ فْ إِكِيْ نْ إِخْفْ، لَسْنْ أَسْ يَانْ أَسْلَهَامْ أَزْكَاغْ، ³ أَرْتْ كِيْتْنْ سْ إِمْرِيقْنْ أَرَاسْ تَنِينْ: «سَلَامْ فَلَاكْ أَيْكِلِيدْ نْ وُدَائِنْ!» ⁴ إِفْغَدْ دَاخْ بِيلَاطْسْ سْ بَرَا إِنَايْسْ: «هَيْ رَادْ أَوْتِنِينْ سُوفْغْ أَتِيَسَانْ إِسْ كِيسْ أُورْ أَفِيْغْ حَتَّا يَانْ لَعِيبْ». ⁵ إِفْغَدْ إِلَمَا يَسُوعْ سْ بَرَا إِلسْدْ تَاجْ لَيْ نْ إِسْنَانْ دَأْ أَسْلَهَامْ لَيِ أَزْكَاغْ، إِنَايْسْ بِيلَاطْسْ: «هَا أَرْكَازْ أَدْ!» ⁶ لِيغْتْ زَرَانْ إِمْزِنِينْ دْ إِرِيَاسْنْ نْ إِنْبَادَنْ كَنْ تَغُويَيْتْ، أَرْتِتِينْ: «صَلْبَتْ! صَلْبَتْ!» إِنَايْسْ بِيلَاطْسْ: «أَوْيَاتْ كَنِيْ تَصَلِبْتْ أَشْكُو نَكِيْ أُورْ كِيسْ أَفِيْخْ كَرَا نْ لَعِيبْ». ⁷ وَاجْدَنْ دَأَدَيْنْ نَانْ أَسْ: «هَتِيْ إِلَّا دَارْنُخْ شَرْعْ، شَرْعْ نُخْ إِحْكَمْ فَلَاسْ سْ لَمُوتْ أَشْكُو إِكَأْ إِخْفْ نَسْ دْ يَوْسْ نْ رَبِّيْ». ⁸ لِيغْ إِسْفَلِدْ بِيلَاطْسْ إِوَوالْ دَأْ زَيْدَنْتْ إِلَمَا تَكْصَاصْ نَسْ. ⁹ إِكْشَمْ دَاخْ سْ لَقْصَرْ إِسْقَسَاتْ يَسُوعْ إِنَايْسْ: «أَمَانْ أَتَكِيْتْ؟» وَلَائِنِي يَسُوعْ أُورَأِسْ إِوَاجْبْ. ¹⁰ إِنَايْسْ بِيلَاطْسْ: «إِزْدْ أُورْ تَرِيتْ أَسَرِيْ تَسَاوْلَتْ؟ إِزْدْ أُورْ تَسْتِنْ إِسْ زَضَارْخْ أَكْ صَلْبَخْ، إِزْضَارْخْ أَدَكْ رَزْمْخْ؟» ¹¹ إِوَاجْدَنْ يَسُوعْ إِنَايْسْ: «أُورْ دَارِكْ فَلَيِ يَلِي كَرَا نْ لَادْنْ، مَلَادْ إِسَاكْدْ أُورْ إِنْكِي غْ أَفْلَا، مَيَادْ أَفْ أُوكْرَنْ دَنُوبْ نْ وَلَيِي يَالِكْ إِرْتَزَانْ وِينِكْ». ¹² غَمْنْ تِزِي يَانْ أَيْمَاعْ بِيلَاطْسْ يَرِي أَدَاسْ إِرْزْمْ، وَلَائِنِي أَدَائِنْ كَانْ تَغُويَيْتْ أَرْتِتِينْ: «إِغْ تَرْزُمْتْ إِغْوَادْ هَيَا أُورْ تَرِيتْ قِيَصَرْ، أَشْكُو كُولْ مَيَكَانْ إِخْفْ نَسْ دْ أَكْلِيدْ هَانْ إِكَأْ صَيِّضْ نْ قَيَصَرْ!»

لِيْغْ إِسْقَلْدْ بِيلَاطْسْ إِوَالْ أَدْ إِسْوَفْدْ يَسُوعْ إِكَارْ فْ لُكُورْسِيْ نْ لَحَكَامْ غَلِيْ مِ تِتِينْ «بِيلَاطْ» إِكْ¹³
 «جَبَاثَا» سْ تِتِلَاتِنْ نْ وُدَائِنْ.¹⁴ إِكْ لَحَالْ تُرُومَتْ نْ وَاسْ لِيْغْ أَتَيُوْجَادِنْ إِلْعِيدْ نْ نَجَا. إِنَّايسِنْ بِيلَاطْسْ:
 «هَا أَكْلِيدْ نُونْ!»¹⁵ كَنْ تَعُوْبِيتْ أَرَتِينْ : «أَوِيتْ! أَوِيتْ! صَلَبْ!» إِنَّايسِنْ بِيلَاطْسْ: «إِزْدْ أَدْ صَلَبْخْ أَكْلِيدْ
 نُونْ؟» وَاجْبَندْ إِرِيَاسِنْ نْ إِنْبَادِنْ، نَانْ أَسْ: «أُورْ دَارْنَخْ حَتَّا يَانْ أَكْلِيدْ بَلَاقِصَرْ!»¹⁶ تِزِي يَانْ أَيْسِنْتِيدْ
 إِفْكَا بِيلَاطْسْ أَتْ صَلَبْنْ.

أَمْزِنْ يَسُوعْ أَوِينْتْ.¹⁷ إِفْغَدْ يَسِيدْ صَلَبْ نْ سْ غَلِيْ مِ تِتِينْ «أَصْغَارْ نْ تَفَقَّلَّا»، أَرَاسْ تِتِينْ «جَلْجَثَا»
 سْ تِتِلَاتِنْ نْ وُدَائِنْ.¹⁸ عَيْنَ أَغْتْ صَلَبْنْ، صَلَبْنْ دِيدِسْ سِينْ يَضْنِينْ، يَانْ غْ تُسْكَأْ يَادْ دْ يَانْ غْ تُسْكَأْ يَانْ
 يَضْنِينْ، يِلِي يَسُوعْ غْ تُرُومَتْ.

يَرَا بِيلَاطْسْ يَاتْ تَلُوتْ يَكْلَنْ غْ إِكِيْ نْ صَلَبْ لِي إِتِيُورَا كِيسْ: «يَسُوعْ أُونَاصِرَا أَكْلِيدْ نْ وُدَائِنْ».¹⁹
 إِكُونْ أَدَائِنْ لِي غَرَانِينْ تَلُوتْ أَدْ، أَشْكُو غِينْ لِيْغْ إِتَصَلْبْ يَسُوعْ يَازْدْ سْ تَمَدَنْتْ. تَلُوتْ أَنْ تِيرَا سْ
 تِتِلَاتِنْ نْ لَعْبَرِيَا دْ لِيُونَانِيَا دْ لَاتِينِيَا.²⁰ نَانْ أَسْ إِرِيَاسِنْ نْ إِنْبَادِنْ بِيلَاطْسْ: «أَدْ أُورْ تَرَاتْ أَكْلِيدْ نْ
 وُدَائِنْ، وَلَايْنِي أَرَا كِيسْ: إِسْ إِنَا: نَكِينْ أَيْكَانْ أَكْلِيدْ نْ وُدَائِنْ!»²¹ إِوَاجْبَندْ بِيلَاطْسْ إِنَّايسِنْ: «أَيْلِي أَرِيخْ
 أَرِيخْتْ».²² لِيْغْ صَلَبْنْ لَعْسَكْرْ يَسُوعْ أَمْزِنْ تِيمَلْسَا نْ بَضُونَتْ فْ كُوْرَتْ تَصْغَارِينْ، كُرِيَّكَاتْ أَعْسَكْرِيْ
 سْ تَصْغَارْتْ نْ سْ. أَسِينْ أَقْشَابْ نْ سْ أَلَا نَتَانْ لِي أُورْ إِتِكِينْ، إِزْطَّا كُلوْ غَمْنْ أَفْلَا أَرْ إِزْدَارْ.²³ نَانْ
 إِيْنَكْرَاتِسْ: «أُورَاتْ نَبِيْ، وَلَايْنِي أَرَأَيْتْ أَنْ فَلَاسْ نَكْ أَصْغَارْ مَانُوا رَاتْ يَوِي».
 إِجْرَا غَمْكَادْ فَادْ إِكْمَلْ
 أَيْلِي سْ يَادْ إِنَا وَرَانْ رَبِّي: «بِضَانْ تِيمَلْسَا نُو گَرَاتِسْ، كَنِينْ أَصْغَارْ فْ أَقْشَابْ إِنُو». مَيَادْ نِيتْ أَدْ سَكْرَنْ
 لَعْسَكْرْ.

تَبْدَ مَاسْ نْ يَسُوعْ غْ دَارْ صَلَبْ نْ سْ، نَتَاتْ دْ لَلْتَمَاسْ مَرِيمْ دْ مَرِيمْ تَمَغْرَتْ نْ كَلُوبَا، دْ مَرِيمْ أُولَتْ
 مَجْدَلَا.²⁴ لِيْغْ إِزْرَا يَسُوعْ مَاسْ تَلَا غِينْ تَبِيَّدْ نَدَاتْ دْ أَمْحَضَارْ لِي دَارْسْ إِعْرَانْ، إِنَّايسِنْ إِمَاسْ: «هَا يَوْمْ
 أَيْمِي».²⁵ إِنَّايسِنْ إِوْمَحْضَارْ لِي: «هَا مَاكْ». غَمْنْ غَكُودَانْ أَدِيدِسْ إِمُونْ أَمْحَضَارْ أَنْ سْ تَكْمِي نْ سْ.

مَايِزِرِيْ مَيَادْ، إِسِنْ يَسُوعْ إِسْ إِكْمَلْ كَرِيَّكَاتْ تَغَوْسَا، إِسَاؤُلْ إِنَا: «يَا غِيَّيْ فَادْ»، فَادْ إِكْمَلْ أَيْلِي يَلَانْ غْ
 وَرَانْ رَبِّي.²⁶ يِلِي غِينْ يَانْ أُرْكُو إِتَكُورْنْ سْ لَخْلَ، بَرِينِينْ يَانْ لُبُونْجْ غْ لَخْلَ أَنْ كَنْتْ فْ يَانْ أَغْنِيَمْ نْ
 زُوفَا كَنْ أَسْتِينْ غْ إِمِي.²⁷ لِيْغْ إِمْضِي يَسُوعْ لَخْلَ لِي يِسَاؤُلْ إِنَا: «غَلَادْ إِكْمَلْ كَرَايَكَاتْ». إِسْكُنو إِحْفَ
 نْ إِفْغَتْ رُوحْ.

إِكْ لَحَالْ أَسْ لِيْغْ أَتَيُوْجَادِنْ إِوَاسْ نْ سَبْتْ، غَانْ أَفْدْ أَشْكَانْ أَدَائِنْ صَالَبْنْ بِيلَاطْسْ أَيْرَزْ إِصَارَنْ نْ
 وَلِي تَصَلَّبِينْ تَبِيَّا دَاتْ نْ سْ. أَدْ أُورْ غَمَانْ غْ إِكِيْ نْ صَلَبْ أَنَّدْ أُورْ يَافْ وَاسْ نْ سَبْتْ، أَشْكُو سَبْتْ أَنْ
 إِكَا يَانْ وَاسْ مَقْوَرْنْ.²⁸ أَشْكَنْدْ لَعْسَكْرْ رَزْنْ إِصَارَنْ نْ أَمْزُورُو دْ وِينْ غُوانْ يَضْنِينْ لِي دِيدِسْ إِتَصَلَبْنْ.²⁹

لِيْغَدْ أَشْكَانْ سْ دَارْ يَسُوعْ أُورَاسْ رِزِينْ إِصَارَنْ أَشْكُو أَفْتَنِينْ إِمُوتْ يَادْ. ³⁴ وَلَائِنِي يَانْ غْ لَعْسَكْرْ أَنْ يُوتْ يَسُوعْ غْ فُوسْكَا سْ تَزِيتْ، فَغَنْدْ كِيسْ إِدَامَنْ دْ وَمَانْ. ³⁵ وَلَيْ يَزِرَانْ مَيَادْ أَفَلَاسْ إِفْكَانْ تُوكَأَ، كَنْتْ تُوكَأَ نْ تِيدْ صَحْنِينْ، نَتَانْ إِسْنْ إِزْدْ لَحْقْ أَيْتِي فْ أَتَامِنْ أَلَا كُنْيْ. ³⁶ مَيَادْ إِجْرَا فَادْ إِكْمَلْ أَيْلِي سْ يَادْ إِنَا وَرَا نْ رَبِّي : «أُورَا كِيسْ إِرْزْ حَتَّا يَانْ إِخْس». ³⁷ غَمْكَلِي دَاخْ كِيسْ إِتِيُورَا غْ مَنِي يَاضِنْ : «رَادْ سَمُوقُولْنْ وَلَيْ أُونْ سْ تَرِيتْ». ³⁸

³⁸ يَاشْكَدْ إِلْمَا يُوسُفْ أَرْأَما، لَيْ يِكَانْ أَمْحَضَارْ نْ يَسُوعْ سْ تَتَلَلَا أَشْكُو إِكْصُوضْ غْ إِمْغَارْنْ نْ وَدَائِنْ، إِصَالِبْ إِبِيلَاطْسْ أَدَاسْ يَادِنْ أَيْسِي دَاتْ نْ يَسُوعْ يَادِنْ أَسْ بِيلَاطْسْ، يَسِيتْ. ³⁹ يَاشْكَنْ أَلَا نِيُوقُدِيمُوسْ لَيْ تِينْ إِكَانْ إِفْتَا دَارْ يَسُوعْ يَانْ ضَيِّصْ، يَوِينْ دِيدْسْ كَرَا نْ عُشْرِينْ دْ مَرَاوْ نْ كَلُو نْ تُوجُوتْ نْ لَمُورْ إِخْلَصْنْ دْ لَعُودْ. ⁴⁰ أَسِينْدْ وَلَيْ دَاتْ نْ يَسُوعْ كَنْ أَسْ تُوجُوتْ لَيْ سُنُوضُونْتْ غْ لَكْفَنْ، غَمْكَلِي سَكَارْنْ أَدَائِنْ إِغْ أَنْكَفَانْ. ⁴¹ يِلِي يَانْ أُورِتِي غَيْنْ لَيْغْ إِتَصْلَبْ يَسُوعْ، يِلِي كِيسْ يَانْ لَقْبِرْ لَجِيدْ أَجُونْ كِيسْ إِلِي يَانْ. ⁴² كَنِينْ كِيسْ يَسُوعْ، أَشْكُو يَكْمُورْ لَقْبِرْ أَنْ إِكْ لَحَالْ أَسْ لَيْغْ أَتِيُوْجَادَنْ أَدَائِنْ إِوَاسْ نْ سَبْتْ.

20

إِفْرِ وِيسْ عَشْرِينْ

¹ أَسْ إِزْوُورْنْ غْ إِمَالَاسْ، تُوشْكَادْ مَرِيمْ أُولْتْ مَجْدَلَا سْ لَقْبِرْ زِيكْ صَبَاحْ لَانْتْ نِيتْ سُولْ تِلَاسْ، أَرْ تَتَايْ أَزْرُو إِنْتَتَايْ فْ إِمِي نْ لَقْبِرْ. ² تَاشْكَدْ سْ تِيزْلَا دَارْ سِمعَانْ بُطْرُسْ دْ أَمْحَضَارْ أَنْ يَضْنِينْ إِعْزَانْ دَارْ يَسُوعْ، تَتَايِسْنْ : «هَتِي أَسِينْدْ سِيدِيتْخْ غْ لَقْبِرْ، أُورْ نَسْنْ مَنِيغْ تِينْ كَانْ!» ³ إِفْغَدْ بُطْرُسْ دْ أَمْحَضَارْ لَيْ أَشْكَنْدْ سْ دَارْ لَقْبِرْ. ⁴ أَرْ تَرَالْنْ سِينْ إِتْسَنْ، إِزْوُورْ أَمْحَضَارْ أَنْ يَضْنِينْ بُطْرُسْ سْ لَقْبِرْ. ⁵ إِزْنِزْ يَاكَنْ، يَنِينْ لَكْفَنْ إِتْرَسْ وَلَائِنِي أُورْ إِكْشَمْ. ⁶ إِلْكَمْنْ إِلْمَا سِمعَانْ بُطْرُسْ لَيْتِيدْ إِصْفُورْنْ، إِكْشَمْ سْ لَقْبِرْ. أَرْ إِنَّتَايْ لَكْفَنْ إِتْرَسْ فْ وَكَالْ، ⁷ زِيفْ لَيْ يَسُوتْلَنْ إِيْخْ فْ نْ يَسُوعْ إِنُوضَا أَكَانْ إِتْرَسْ وَحَدْوَتْ، أُورْ إِمُونْ دْ لَكْفَنْ. ⁸ إِكْشَمْ إِلْمَا أَمْحَضَارْ أَنْ يَضْنِينْ لِينْ إِزْوُورْنْ سْ لَقْبِرْ، إِزْرْ مَيَادْ يَامِنْ، ⁹ أَشْكُو أُورَتَا فَهْمَنْ إِمْحَضَارْنْ إِسْ إِلَّا غْ وَرَا نْ رَبِّي إِسْدْ إِقَانْ أَدْ إِنْكْرْ يَسُوعْ غْ كَرْ وَلَيْ مُوتِينْ. ¹⁰ أَصْنُونْدْ إِلْمَا إِمْحَضَارْنْ لَيْ سْ تَكْمِي.

¹¹ مَرِيمْ نَتَاتْ، تِيدِدْ نِيتْ غْ دَارْ لَقْبِرْ غْ بِرَا أَرْ تَلَا. إِمِيكْ تَكُونَنْ أَنْ تَاكْ لَقْبِرْ تِري لَيْغْ أَنَّلَا، ¹² سَانْ تَتَايْ سِينْ إِذْ لَمَلَاكْ لَسَانْ كَلُو مَايْمُولْنْ كَأَورْنْ غَلِيغْ تِينْ تَكَا دَاتْ نْ يَسُوعْ تَتِرَسْ كِيسْ، إِكَأُورْ يَانْ غْ دَارْ إِخْفْ نْ إِكَأُورْ وَيَاضِنْ دَارْ إِصَارَنْ نِسْ. ¹³ سَقَسَانْتْ نَانْ أَسْ : «مَاخْ أَتَلَاتْ أَتَمْغَرْتْ؟» تَتَايِسْنْ : «إِوِينْ سِيدِي أُورْ سَنْخْ مَنِيغْ تِينْ كَانْ!» ¹⁴ لَيْغْ تَنَا مَيَادْ تَكَلَّبْ تَغْرِصِينْ سْ أَتَتَايْ يَسُوعْ إِبِيدْ غَيْنْ، وَلَائِنِي أُورْ تِسِينْ إِزْدْ يَسُوعْ أَيْكَأَ. ¹⁵ إِنَّايسْ يَسُوعْ : «مَاخْ أَتَلَاتْ أَتَمْغَرْتْ؟ مَاتِسْكِيَّلْتْ؟» تَغَالْ تَلِي إِزْدْ بَابْ نْ وُورِتِي أَيْكَأَ، تَتَايِسْ : «إِغْدْ كَيْبِنْ أَسِيدِي أَتْ يُوسِينْ، تَمَلِّتِي مَاغِتِينْ تَكِيَتْ أَتِيدْ كِيسْ أَسِيخْ». ¹⁶ إِنَّايسْ يَسُوعْ : «وَا مَرِيمْ»

تَكْلِبْنَ دَارْسْ تَنَاهِيْسْ: «رَبُّونِي!» إِكْ لَمْعَنَا نُسْ: وَا سِيدِي. ¹⁷ إِنَاهِيْسْ يَسُوعْ: «أَيْ أُورْ تَسْلِيْتْ، أَشْكُو أُورْتَأْ غَلِيْغْ سْ دَارْ بَابَا، وَلَائِيْنِي زَايِدْ سْ دَارْ أَيْتِمَا تَبِيتْ أَسْنْ: هَيْ غَلِيْخْ سْ دَارْ وَلَيْ يِكَانْ بَابَا إِكْ بَابَاتُونْ، إِكْ رَبِّي نُو إِكْ رَبِّي نُونْ». ¹⁸ تَاشْكَذْ مَرِيمْ أُولْتْ مَجْدَلَا تَوِيدْ لَا خَبَارْ إِمْحَضَارْنْ إِسْ تَزْرَا سِيدِيْتَخْ يِنِي أَسْ أَوَالْ أَدْ.

¹⁹ تَدْكَأْتْ نْ غَسَّانْ لَيْ يِكَانْ أَسْ إِزْوُورْنْ غْ إِمَلاَسْ، مُونِينْ إِمْحَضَارْنْ رَكْلَنْدْ إِمَاؤنْ أَشْكُو كَصُوضَنْ غْ إِمْغَارْنْ نْ وُدَائِنْ. إِمِيلَكْ سْ هَادْ يَسُوعْ إِيْدْ غْ كَرَاتِسْنْ إِنَاهِيْسْ: «أَدَاؤنْ تِلِي سَلَامَتْ!» ²⁰ لَيْغْ أَسْنْ إِنَّا مِيَادْ إِمْلْ أَسْنْ إِفَاسْنْ نَسْ دْ فُوسْكَأْ نُسْ، فَرْحَنْ إِمْحَضَارْنْ لَيْ لَيْغْ زَرَانْ سِيدِيْتَخْ. ²¹ إِنَاهِيْسْ يَسُوعْ: «أَدَاؤنْ تِلِي سَلَامَتْ! غَمَكْلِي بَيْدْ بُوزْنْ بَابَا غَمَكَانْ أَرَاكَنْ أَرْنَخْ لَا نُكِيْ». ²² لَيْغْ أَسْنْ إِنَّا مِيَادْ إِصْوَاضْ كِيسْنْ إِنَاهِيْسْ: «أَمَرَاتْ رُوحْ لَقْدُسْ». ²³ يَانْ مْ تَغْفَرْمْ دَنُوبْ نُسْ تَيْوَغَفَارْنْ أَسْ، يَانْ مِنْ أُورْ تَغْفَرْمْ أُورَادْ أَسْ تَيْوَغَفَارْنْ».

²⁴ وَلَائِيْنِي تُومَا لَيْ مْ تَنِينْ أَكْنُو إِكْ يَانْ غْ سِينْ دْ مَرَاوْ لَيْ، نَتَانْ أُورْ دِيدِسْنْ إِلِي لَيْغْ يُوشْكَا يَسُوعْ. ²⁵ لَيْغْ أَسْ نَانْ إِمْحَضَارْنْ أَنْ يَضْنِينْ: «تَزْرَا سِيدِيْتَخْ!» إِنَاهِيْسْ: «إِغْ أُورْ زَرِيْخْ لَاطْرَنْ إِمْسَمَارْنْ غْ إِفَاسْنْ نَسْ، كَرْخْ إِلَاطْرَنْ إِمْسَمَارْنْ سْ أَصَاضْ إِنُو، كَرْخْ إِفُوسْكَأْ نُسْ سْ أُفُوسْ إِنُو أُورَادْ أَمْنَخْ».

²⁶ لَيْغْ زَرِينْ تَامْ أَسْقَانْ، إِلِينْ دَاخْ إِمْحَضَارْنْ غْ وَاكْنُسْ نْ تَكْمِي بِلِي دِيدِسْنْ تُومَا، رَكْلَنْدْ إِمَاؤنْ سْ هَادْ يَسُوعْ إِبِيدْ غْ كَرَاتِسْنْ إِنَاهِيْسْ: «أَدَاؤنْ تِلِي سَلَامَتْ!» ²⁷ إِنَاهِيْسْ إِتُومَا: «أَرَا كَدْ أَصَاضْ نُكْ غِيدْ، تَزْرُتْ إِفَاسْنْ إِنُو تَكْدَ أُفُوسْ نُكْ تَكْرُتْ إِفُوسْكَأْ نُو، تَكْسَتْ شَكْ غْ إِخْفْ نُكْ تَامَنْتْ!» ²⁸ إِوَاجْدَنْ تُومَا إِنَاهِيْسْ: «كِيْبِينْ أَيْكَانْ سِيدِي تَكْتْ رَبِّي نُو!» ²⁹ إِنَاهِيْسْ يَسُوعْ: «تُومَنْتْ أَتُومَا، أَشْكُو تَزْرِتِيْ. إِمْبَرْكِينْ أَدْ كَانْ وَلِيْ أَمْنِينْ أُورْ أَكْ زَرِينْ».

³⁰ يَسُوعْ إِسْكَرْ كِيْكَانْ دْ لَمْعَجِزَاتْ يَضْنِينْ غْ لَكْدَامْ نْ إِمْحَضَارْنْ نَسْ أُورْ تَيَرَانْتْ غْ وَرَادْ. ³¹ وَلَائِيْنِي لَمْعَجِزَاتْ أَدْ لَيْ تَيَرَانِينْ غِيدْ، تَيُورَانْتْ فْ أَتِيَسَانْ إِزْدْ يَسُوعْ أَيْكَانْ لَمْسِيْخْ يُوسْ نْ رَبِّي. فَادَاؤنْ تِلِي تُودِرْتْ سْ إِسْمْ نَسْ إِغْ سُرْسْ تُومَنْ.

21

إِفْرُ وِيسْ عَشْرِينْ دْ يَانْ

¹ لَيْغْ إِزْرِي مِيَادْ، إِسْبَانِيدْ دَاخْ يَسُوعْ إِخْفْ نَسْ إِمْحَضَارْنْ نَسْ غْ تَماَنْ: أَمْداَنْ طَبَرِيَا. إِيَاهِنْدْ سُرْسْنْ سْ غَمْكَادْ: ² يَانْ وَاسْ إِمُونْدْ سِمعَانْ بُطْرُسْ دْ تُومَا لَيْ مْ تَنِينْ أَكْنُو، دْ نَثَائِيلْ لَيْ يِكَانْ أَفَانا لَجَلِيلْ، دْ تَرْوَانْ زَبَدي، دْ سِينْ يَضْنِينْ غْ إِمْحَضَارْنْ نْ يَسُوعْ. ³ إِنَاهِيْسْ سِمعَانْ بُطْرُسْ: «هَيْ دِيْخْ أَدْ كَمْرَخْ». نَانْ أَسْ: «حَتَّا نُكِنِي رَانْ دِيدِكْ نُمُونْ». فُوغْنْ كَشْمَنْ سْ أَغْرَبُو، وَلَائِيْنِي أُورَدْ أُورَمْنْ يَاتْ غْ ضَيِّضْ أَنْ. ⁴ زِيكْ

صباخ إِنْ يَسُوعُ عَ تَمَانْ أُمْدَا، وَلَائِنِي إِمْحَضَارْنْ أُورْ سَنْ إِزْدْ يَسُوعُ لَيَانْ.⁵ إِنَّا يَسِنْ يَسُوعُ: «إِسْدْ تُومَرْمْ كَرَا أَيْعَزْرِينْ؟» وَاجْبَنْ نَانْ أَسْ: «أَهُوَيْ!»⁶ إِنَّا يَسِنْ: «لُوْحَاتْنَ شَبَكْتْ غَ تْسَنْغَا قَسَيْتْ نَ تَنَاؤْتْ أَتَامَرْمْ إِسْلَمَانْ». لُوْحَنْتِنْ أُورْ سُولْ رِضَارْنْ أَسْتَيْدَنْ لَنْ سْ تُوكْتْ نَ إِسْلَمَانْ.⁷ إِنَّا يَسِنْ أَمْحَضَارْ لَيِ يَعْزَانْ دَارْ يَسُوعُ إِبْطَرْسُ: «هَتِي سِيدِيَتْخَ أَيَا!» لَيِغْ إِسْفَلْدَ سِمعَانْ بُطْرُسُ إِزْدْ سِيدِيَتْخَ أَيْگَا، إِلسْ أَقْشَابْ نَسْ أَشْكُو أُورْ إِلسِي يَاتْ، إِضْرَنْ غَ وَمَانْ.⁸ إِمْحَضَارْنْ أَنْ يَضْنِينْ إِوِينْدَ تَنَاؤْتْ أَرْدَ لَدِينْ شَبَكْتْ لَيِ يَعْمَرْنْ سْ إِسْلَمَانْ، أَشْكُو أُورْنَ أَكُوكْنَ فْ وَكَالْ أُورْ دِيدْسْ كِينْ أَبْلَا كَرَا نَ سَنَاتْ إِدْ مِيَا نَ إِغِيلْ.⁹ لَيِغْدُ فُوغْنْ سْ وَكَالْ، أَنَّى تِرْكِينْ رِغَانْتْ إِلِينْ فَلَاسِنْتْ إِسْلَمَانْ دَكْرَا نَ أَغْرُومْ.¹⁰ إِنَّا يَسِنْ يَسُوعُ: «أَوِيَادَ كَرَا غَ إِسْلَمَانْ لِيدَ تُومَرْمْ غَلَادْ». إِغْلِي سِمعَانْ بُطْرُسُ سْ تَنَاؤْتْ إِلِيدَ شَبَكْتْ لَيِ سْ وَكَالْ تَكُورْ سِنْ إِسْلَمَانْ، يِلِي كِيسْ مِيَا دَسِنْ إِدْ عَشْرِينْ دَكْرَاضْ دَمْرَاوْنْ إِسْلَمْ مَقْوَرْنْ سُولْ أُورْ تَبِي شَبَكْتْ.¹¹ إِنَّا يَسِنْ يَسُوعُ: «أَشْكَادَ أَنْتَشْمْ!» وَلَائِنِي حَتَّا يَانْ غَ إِمْحَضَارْنْ لَيِ أُورْ إِزْعَمْ أَتْ إِسْقَسَا أَيِسْ بِي: «مَاتَكِيتْ؟» أَشْكُو سَنْ إِزْدْ سِيدِيَتْخَ أَيْگَا.¹² يَاشْكَدْ يَسُوعُ، يَسِيدْ أَغْرُومْ لَيِ يِقْكْ أَسْنَتْ إِفْكَ أَسْنَ إِسْلَمَانْ لَيِ الْأَنْتَتِي.¹³ حَتَّادَ أَيْگَانْ نِيسَ كَرَاطَ تَوَالْ لَيِغْدُ إِيَايَنْ يَسُوعُ إِيمْحَضَارْنْ نَسْ مَادَ إِنْكَرْ غَ كَرْ وَلِي مُوتِنِينْ.¹⁴

لَيِغْ شَانْ، إِنَّا يَسِنْ يَسُوعُ إِسْمَعَانْ بُطْرُسُ: «وَوا سِمعَانْ يُوسْنَ نَ يُونَا، إِسْ دَارِكْ عَرِيَخْ أَكَارْ نَ غُويَدْ؟»¹⁵ إِنَّا يَسِنْ: «بِيَاهْ أَسِيدِي، تَسْنَتْ إِسْ دَرِي تَعْرِيَتْ». إِنَّا يَسِنْ يَسُوعُ: «أَوَا كُسَا إِلْفَاغَنْ إِنو». ¹⁶ إِنَّا يَسِنْ دَاخْ تِيسْ سَنَاتْ تَوَالْ: «وَوا سِمعَانْ يُوسْنَ نَ يُونَا، إِسْ دَارِكْ عَرِيَخْ؟» إِنَّا يَسِنْ: «بِيَاهْ أَسِيدِي، تَسْنَتْ نِيتْ إِسْ دَرِي تَعْرِيَتْ». إِنَّا يَسِنْ يَسُوعُ: «أَوَا كُسَا أُولِي نُو».¹⁷ إِنَّا يَسِنْ دَاخْ تِيسْ كَرَاطَ تَوَالْ: «وَوا سِمعَانْ يُوسْنَ نَ يُونَا، إِسْ دَارِكْ عَرِيَخْ؟ إِنَّا يَسِنْ: إِسْ دَارِكْ عَرِيَخْ؟» إِغْمَا إِلْمَا لَحَالْ غَ سِمعَانْ أَشْكُو تِيسْ كَرَاطَ تَوَالْ أَدَاسْ إِنَا: إِسْ دَارِكْ عَرِيَخْ؟ إِنَّا يَسِنْ: «هَتِي تَسْنَتْ أَسِيدِي كَرِيَكَاتَ تَغَوْسَا، تَسْنَتْ إِسْ دَرِي تَعْرِيَتْ» إِنَّا يَسِنْ يَسُوعُ: «أَوَا كُسَا أُولِي نُو». ¹⁸ لَحَقْ دَ صَاحْتْ أَدَاكْ تَنِيَخْ: هَانْ لَيِغْ سُولْ تَمْزِيَتْ أَرْ تَاسْتْ تَاكِسْتْ نَكْ أَرْ تَدُوتْ سِنْ إِنَا تَرِيتْ، وَلَائِنِي إِغْ تَنِيَتْ أَفْقِيرْ هَانْ رَانْ تَمْدِيتْ إِفَاسْنْ نَكْ إِبِيَكْ أَكْ وَيَاضْ يَوِيَكْ سِنْ غَلِي أُورْ تَرِيتْ». ¹⁹ يَسُوعُ إِنَّا يَسِنْ مَيَادِ إِشارْ أَسْ إِغْمَكْلِي رَاتِكْ لَمُوتْ نِ بُطْرُسْ لَيِ سِ رَأِيْمَجْدَ رَبِّي. لَيِغْ أَسْ إِنَا مَيَادِ، إِنَّا يَسِنْ: «ضَفْفُوريِّ». ²⁰ إِكْلِبْنْ بُطْرُسْ أَرْ إِنَّتَايِي أَمْحَضَارْ لَيِ يَعْزَانْ دَارْ يَسُوعُ إِضْفُورِتِينْ، إِكْ أَمْحَضَارْ أَدْ وَلِيَنْ إِسْتَدَنْ فِ إِدْمَارْنْ نِ يَسُوعُ غَ لُوقَّتْ نِ إِمْنِسِي لَيِغْ أَسْ إِنَا: «مَانُوا رَاكْ إِزْتَرْ أَسِيدِي؟»²¹ لَيِغْتْ إِزْرَا بُطْرُسْ إِنَّا يَسِنْ يَسُوعُ: «إِمَّا غَوَادْ أَسِيدِي، مَارَأِيَسْ إِجْرُو؟»²² إِوَاجْبَنْ يَسُوعُ إِنَّا يَسِنْ: «إِغْ رِيَخْ أَيْغَمَا أَرْدَ أَضُوخْ، مَكِيسْ تَرِيتْ؟ ضَفْفُوريِّ كَأْ كِيَنْ!»²³ مَيَادِ أَفْ إِنَّيُوسَانْ وَالْأَدْ غَ كَرْ وَيَسْمَاتْنْ أَرْتَتِينْ: إِسْ أُورَأَ يَمَّتْ أَمْحَضَارْ أَنْ، وَلَائِنِي يَسُوعُ أُورَأَسْ إِنِي أُورَأَ يَمَّتْ، إِسَاسْ كَأِنَا: «إِغْ رِيَخْ أَيْغَمَا أَرْدَ وَرِيَخْ، مَكِيسْ تَرِيتْ؟»

أَمْحَضَارْ أَدْ نَنَانْ أَيْفَكَانْ تُوكَّا فْ لِيمُورْ أَدْ يَرَاتَتْ. نُكَنِي نِسَنْ إِسْ صَحَانْتْ تُوكَّا نِسْ. ²⁴ ²⁵ إِلِينْتْ تَغَوْسِيَنْ يَصْنِينْ لِي يَسْكُرْ يَسْوَعْ، إِغْ تَيرَانْتْ يَاتْ سْ يَاتْ، أُورْ نِيَخْ إِسْ رَاتَامُ دُونِيتْ كُلُوتْ أَرَانْ لِي رَا فَلَاسْتْ إِتِيرَا.